







Early European Books, Copyright © 2012 ProQuest LLC.
Images reproduced by courtesy of the Wellcome Trust, London.
4357/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4357/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4357/A




Early European Books. Copyright © 2012 ProQuest LLC.
Images reproduced by courtesy of The Wellcome Trust, London.
4357/A

4357/A







AVX

HORTV

nea Mor

lorum

ran

AVTOR

Diodis C

tus

Aeneas

Tu

And

Be

ALEXIKEPV^S, SEV
AVXILIARIS
HORTVS, EX TEMPORA-
nea Morborum Remedia ex singu-
lorum viridariis facile compa-
randa paucis proponens.

AVTORE ANTONIO MIZALDO
Monluciano, Medico.

AD HAE C,
Dioclis Caristij Epistola ad Antigonum, de
tuenda valetudine per hortensia.

LECTORI,
A Ere tibi paruo quia diues venditur Hortus,
Tu potes Alcinoo dicere, nolo tuum.



L V T E T I A E,
Apud Federicum Morellum in vico
Bellouaco, ad vrbanam Morum.

1565.

CVM PRIVILEGIO REGIS.

4357
Catalogue

SEN TENTIA PRIVILEGII.

REGIA sanctione cautum est ne quispiam alias praeter Federicum Morellum Typographum Parisiensem, hunc Alexikepum seu auxiliarem hortum, extempore morborum remedia ex singulorum viridariis facile comparanda, paucis proponentem, cum Dioclis Caristij epistola ad Antigonom, autore ANTONIO MIZALDO MONLVCIANO, Medico, intra quinquennium, absque manifesto autoris, & dicti Typographi consensu, sub Regis ditione imprimat, aut vendat. Qui secus fecerit, libris & poena, in sanctione estimata multabitur. Concessum fuit Priuilegium Lutetiae Parisiorum, die VII Augusti, 1562.

Subsignante

CAMVS.

303797



ANTONIVS MIZALDV
NOBILI ET ERVDITO IVVENI
IACOBO DAPCHON, Domino
loci S. Germani à fossis in
agro Borboniorum,

S. P. D.

VIS QVIS ille fuit qui
hæc protulit, *Beneficium*
dando accepit, qui digno de-
dit, næ ille per appositiè
significauisse mihi vide-
tur, IACOB E charissime,
donationes temerè faciendas non esse,
sed ex iudicij delectu, nihilque largien-
dum nisi bene merétibus & dignis, etiam
si nihil tale sperent, ambiant & expectent.
Exemplo Archelai Macedonum Regis, à
quo, ut scribit Plutarchus, cùm parasitus
quispiam, qui nihil ducebat honestum
præterquam accipere, inter cœnandum
postulauisset aureum poculum, pruden-
tissimus Rex statim iussit ministro, vt id

A ij

EPISTOLA

daret Euripidi Tragœdiarum scriptori:
ad hominēmque illum tam impudenter
petacem conuersus, dixit, Tu quidem
dignus es qui poscas, nec accipias: hic ve-
rò dignus qui, etiam non postulans, acci-
piat. Hæc scribo, ornatiss. iuuenis, ut pa-
lām significem, te annos vixdum duos &
viginti natum, senilem Regis huius pru-
dentiam (quæ rara est auis) ad vnguem
expressisse in fratre meo IOANNE MI-
ZALDO, adolescētiæ tuæ, & illustrissimo-
rum octo fratrum tuorum, formatore &
moderatore. Nam præterquām quodd il-
lum ex eo tempore domesticum tibi esse
voluisti, nō vulgaribus etiam beneficiis,
quæ nonnullis instanter vrgentibus re-
cusaueras, nec postulantem, nec ambien-
tem, exornare contendisti. Quod etiam
paulò antè fecerat clarissimus frater tuus
ANTONIVS DAPCHON Pontificij iuris
Doctor eximius, & haud ita pridē Ther-
bens. Episcopus, nūc verò Abbas mona-
sterij Cerisiaci in diœcesi Baïocēsium, &
B. Mariæ de Evroneo in agro Cenoma-
nensi, qui eodem fratre meo, moderato-
re & formatore tecum vsus fuit. Nec dif-
fido quin eadem etiam pietate & muni-

N V N C V P A T O R I A.

ficentia erga eum, aliquando vsuri sint,
illusterrimi reliqui fratres tui (quæ ve-
stra summa est omniū liberalitas & grati-
tudo) vbi commoda sese obtulerit occa-
sio. Exemplo, ita me Deus amet, vbi que
prædicando, ac omnibus discipulis erga
suos doctores & moderatores pergratis
summè imitādo. Quibus, vt scripsit Ari-
stoteles, necnon Diis, ac parētibus, nun-
quam satis digna & æqua compensatio
rependi potest. Quod hoc dimetro sic
complectimur,

» Sunt tria quæ meritis nunquam persoluimus æquis:
» Quod schola, quod Superi, quod dat uterque parens.

Sed amabo te, Iuuenis optime, quid il-
lud, quòd fratrem vnum tibi demeruisse
non fuit satiš, nisi alterū quoque (de me
loquor) nihil tale expectātem, etiam de-
uincires, & de te, tuisq; nullo modo me-
ritum, tua liberalitate obstringeres? At
quid hīc & fratrem, & meipsum comme-
moro, cùm sciam plerosque alios in hac
tua munificētiæ cymba, etiam fœlicibus
ventis nauigare? Sanè id à te factum faci-
lè crediderim, vt aliis multò opulentio-
ribus prēluceas, & veluti faces admoueas,
quibus memorabili tuo exēplo exciten-

A iii

E P I S T O L A

tur, ad largitiones studiosis erogandas, &
iis maximè qui ob rei familiaris angustiā
(quæ maxima turba est) quò virtus illos
impellit, emergere non possunt, & lucu-
brationū suarum fructum in lucem pro-
ferre, dum eis cominus & eminùs cum
pera & sacculo quotidie luctandum est,
ingēti Rerumpub. & posteritatis incom-
modo. Præclarè itaque facis, dum in hæc
benefica studia erga eos quos viuere par-
est, tam strenuè incūbis. Maëste istius ani-
mi & virtutis semp̄ esto, sic itur ad astra.
Hac via gradū sibi fecerunt ad immorta-
litatem celebres viri : quíq; sui memores
alios fecere merendo. His vestigiis ince-
dens, nomen super ethera notū sibi com-
parauit præstatiſſimus ille auūculus tuus,
Franciæ Marescallus, vt vocant, à S. An-
drea, Henrici Regis olim fidus Achates.
Qui superioribus annis pro patria liber-
tate, próque aris, vt aiunt, & focis dimi-
cans, cū multis illustribus viris occubuit.
Nec à tāto fratre suo degenerat pruden-
tissima & nobilissima mater tua, Fronsaci
Marchionissa, & Mirimontis Vice comi-
tissa, ac Dominarum aulæ Regineæ vna.
His tantis maiorum tuorum exemplis,

N V N C V P A T O R I A.

ne, quæso, defatigeris beneficiendo : accipies, mihi crede, immortalem mercedem non defatigatus. At sponte & alacriter currenti, calcaribus nihil est opus. Superest itaque, vt istum animum verè heroicū tibi gratulemur, Deūmque Opt. Max. supplices deprecemur, vt illū perpetuò foueat, fœliciter promoueat, & sua pietate vnā cum corpore sospitet: faxitque, vt munusculū hoc nostrum hortense & medicum, quod tibi ex animo offerimus, & in tuo nomine & auspiciis publicum esse volumus, aliqua ex parte tuis erga nos meritis respondere, omniumque saluti, vtilitati, & commoditati inseruire possit. Hoc votum nostri summa laboris habet. Fœliciter vale, Iuuenis candidiss. & mihi inter omnes dilecte, méque, vt soles, amare perge, id mutuò facturus. Lutetiæ, ad quartum Calend.

Nouembr.

1564.

A iiiij

IN ALEXIKEPVM, SEV
AVXILIAREM ET MEDICVM
Hortum Prolegomena, ad
Lectorem φιλυγίενον.

Non sunt mihi tam obœſæ nares,
amicæ Lector, nec oculi usque-
adèò lippi, ut non facile subodo-
rer, ac præuideam φαρμακοφίλς
iù φαρμακοσθόντεus plerosque
Horum fore, qui institutum hocce meum de Vitæ auxi-
temporum infelicitas,
& inuidia. statim & absque impendio comparandis, super-
ciliosè legant, ac grauiter ferant. Vah, inquiet,
non illud est irridere, velle hodie morborū præ-
sidia, per tot annorum centurias in hortis conse-
pulta, Vigente pharmacorum tanta luce & co-
pia, suscitare, aut redditura commonstrare? Sa-
uerum ini- nè, et si anceps ac lubricum sit rerum omnium
gia diffici nouarum initium, videaturque res ista ardua,
lia. & quæstuoso hocce tempore admodum operosa,
nihilominus tentanda est, tam grandi & salu-
tari multorum emolumento, maximè eorum qui
diurno & nocturno labore, curaque indefessa,
& operis irrequietis, vitam fouent ac tuentur
nostram: cuiusmodi sunt populares, rustici, &
qui quis alij, medicorum ac consiliorum inopes,

SEV
PROLEGOM. IN ALEXIKEP.

emendorumque pharmacorum impares. Quibus mutuas debemus operas, & vicaria auxilia, interim dum nobis terrena colunt, serunt, metunt, ac sudando, & plerunque agrotando ad nos comportant:

Hoc lex, hoc pietas, hoc vult Deus, oia no dans
Omnibus, insigni pro bonitate sua.

Domesticas itaque hortorum opes incomparabilis illius rerum omnium parētis naturæ, quam noster Hippocrates ubique iustissimam nuncupat, illis certatim perlustremus & illustremus.

Quam, per deos immortales, quis nescit voluisse, ut statim à positis terræ fundamentis, prima & precipua morborum remedia in agris essent,
& postea, ne longius cundum esset, in hortis?

Quis inficiabitur templa AEsculapio, medici nœ deo prisco, in sylvis & mediis viis extra urbes olim condita, significauisse prisca & prima morborū auxilia, non fuisse in urbibus & officinis, sed potius in agris & sylvis, ubi vooōdios ille, & auxiliaris Deus implorabatur, & agrotantibus eò tendentibus, quid agēdum esset sugerebatur? Quis nescit populū Rom. annis D C, salubriter vixisse absque ullis pharmacopolis & medicis? sed non tamen absque medicina: quemadmodum simplex erat & suavis, adhac inuentu & paratu facilis, quia altilis, vernacula achor-

Natura
ubique iu-
stissima.

Tēpla A-
sculapij
extra vr-
bes.

Populus
Rom. diu
vixit absq;
medicis.

P R O L E G O M E N A

tensis. Quemadmodum præclarè testatus est M.
Cato in eximius illis suæ brassicae encomius, ut
suo dicemus loco. Qui vnus herbis quas planta-
uerat, & maximè brassica, usus, se, coniugem,
filium, necnon libertos, ad longæuam senectu-
tem incolumes perduxit. Vis tibi antiquiora
proponam? consule M. Varronem, ex eo statim
audies, sapientiss. illum Nestorem, qui Troiani
belli temporibus floruit, ἀλεξικηπον, hoc est, au-
xiliarem hortum carmine descripsisse: à quo id
nominis in titulum huiusc Opusculi vere mu-
tuatis sumus. Edidit etiam Sabinus Tyro librum
Cepuricon, seu hortensium, quem, Plinio auto-
re, Mecœnati dicauit. Itaque, escas antiquis
hortus dabat & medicinas, sicuti scripsit
Æmilius Macer, poëta & medicus non indo-
etus. Fuit ergo medicina hortensis apud Roma-
nos omnium prima & præcipua. Quæ cum an-
nis DC, in precio illis fuisset, vna cum agresti,
superueniente, et sensim cum imperio crescente,
effrænata gulæ & Veneris licentia, è medio ho-
minum coetu, retrò abire, ac longè exulare fuit
coacta. Nam cum morborum omnium agmina,
hasce duas sorores pestilentissimas ubique comi-
tarentur, & confertim opes triumpharent, ac
opum furiosa libido, velis, quod dicunt, & equis,
è Gracia, ac locis aliis accersiti fuerunt medici,

Nestoris
Alexikep⁹
& auxilia-
ris hortus.

Medicina
hortensis
prima
apud Rom.
& quando
illinc exu-
lavit.

I N A L E X I K E P V M.

vite & necis imperatores imperiosissimi: eoque
cæcitatis ventum fuit (perinde atque hodie) ut
quibuscumque se medicos, vel de titulo & veste
profittetibus, statim crederetur: cum in nullo mē-
dacio periculum sit periculosius. Hi, ut ex fumo Primorū
darent lucem, & famam nouitate auçuparebant, medicorū
cœperunt illico in hortorū materias, & hortes
medicinas palam inuehi, ac inflatis buccis illas
despuere. Quas ut funditus extirparent, qua-
stuosissimas officinas, ac superba myropolia, bar-
baris & inauditis medicamentis longè ac latè ra-
diantia, pedetentim erigere nihil fuerunt cun-
Etati. Quæ radices usque adeò disseminarunt suas,
& artifices paulatim sparserunt suos, ut de illis
hodie iure dici possit: Quis enim non vicus
abundat? In his emicant capsulae & pyxides
suis nomenclaturis perbellè distinctæ, in quibus
latitant deorū manus, ut vocabat Herophilus,
& numerosa ostentantur articia, quæ solis ho-
minum ingenii costare certum est: neglectis, si
diis placet, simplicib⁹ illis naturæ opibus ac ope-
ribus, absq; ullo artificio, ullo apparatu magno,
aut latente fuco, suauibus & absolutis. Hinc,
nimirum, dubia vita & fortunarum alea, ut
peregrina sibi comparet medicamenta,
Impiger ad Persas, Mauros, Babylonas et Indos,
Velis ac remis Pharmacopola volat.

Primorū
medicorū
apud Rom.
fastus.

Quando
pharma-
copolæ in-
troducti.

P R O L E G O M E N A

Hinc male sarta putatur esse vita, & corporis valetudo parum firma, nisi barbaris, ac ple-
Barbarorū runque adulteratis & suspectis, magnóque em-
& exotico- ptis præsidiis sæpenumerò delusa fuerit: Hinc ul-
rum medi- ceri admodum paruo, & leui morbo, medicina
camento- à rubro mari, aut nouis insulis accersitur, cum
rum alea vera & neutiquam suspecta remedia, quotidie
dubia. pauperrimus quisque cœnet, ac pedibus in suo
hortulo, vel agello passim conculcat. Ita est pro-
fectò, merces vltrò oblatæ sordet: & quæ patria
sunt ac domestica, quantumuis preciosa ac salu-
bria, externis, etiā summè abiectis & plerūque
dubius, viliora ac deßpicabiliora habentur.
Vtilior seges est, inquit poëta, alieno semper
in agro:

Vicinūmque pecus grandius vber habet.
Stultissimū sanè est longius quærere, quod ante
pedes situm habes: & periculoſo, insanōq; sum-
ptu cōparare velle, quod impostura sæpenumerò
constat. Dic, amabo te, non summa est cœcitas
Peregrina alienis & peregrinis ita subscribere, vt tua ne-
non esse præferēda gligas? non deploranda est amētia, dum tibi scire
patriis & non libet quid saluti tuæ conducat, alienis pedi-
domesti- bus ita ambulare, alienis oculis sic aßpicere, au-
citis. ribus alienis ita audire, & aliorum manibus sic
omnia cōtrectare, vt tibi aliena ope miserrimè
prorsus viuendum sit? Siccine incōparabilia re-

IN ALEXIKE PVM.

rum naturæ precia et vitæ subsidia in hortis con- Pulcherri-
tempta iacent, ac si ventri duntaxat faburrādo, mæ ac ve-
aut oculis & naribus tantum pascendis nata es- rissimæ ex-
sent? Quid hoc est, nisi mera stupiditas est, dubia postula-
& suspecta sic persequi, sic ambire, sic ample- tiones.
cti, ut certam & domi vigente medicinam de-
seras? ô quantum est in rebus inane! Medemur,
scilicet, aliena fide, & famam exoticorum me-
dicamentorum miscellaneis, ancipitique farragi-
ne, ac inani ostentatione venamur. Hæc dū au-
dis, amice Lector, scire fortasse laboras quid in
tam dubio pharmacorum casū, tibi serio ac tutò
agendum sit: dicam paucis, Fruere prischorum sa- Consilia
lutari more: elige ex tuo hortulo & agello me- notatu sū-
dicas materias tibi notas ac familiares, tecū edu- mè digna,
catas, apud te excultas, patribus tuis assuetas, pa- & non de-
trix probatas, ac sub eodem cœlo & aëre tecum spicienda.
viuentes: quarum copia, ubi, quoties, & quādo
visum erit, recens ac vegeta haberi potest. Irri-
de auidos lucrorum aucupes, & Φαρμακοζόφες
plerosque, quibus nihil potest placere, nisi quod
Indiam loquatur, Hesperiam resipiat, & extre-
mum reboet oceanū. Despue in illos qui barba-
ras, & adhuc male cognitas pharmacorū vires
ac nomenclaturas tibi ad miraculum usque ex-
tollūt: quæ, re vera, magis expiatione quādoque
egent, quam quòd corpus expiare possint ac cu-

P R O L E G O M E N A

rare. Agè itaque, vernaculas opes externis con-
stater præpone, & priscam medicinam horten-
Exhorta-
tio ad hor-
tem medici-
nā am-
plectendā. sem, extemporaneam, fidam, ac minimè suspe-
Etam, è profundis tenebris in apertā lucem pro-
ferre incipe, sopitā excita, exulantem reuoca: &
ut idem faciant noti & amici tui omnes, cōten-
de, insta, & pro viribus admitere. Eam in rē tibi
prælucebit hic noster Alexikepus: viam indica-
bit, ac fidum comitatū vbiique præstabit. Tibi,
obsecro, persuade verissimum esse Quintilia-
num illud, V sitatis tutius utimur, noua non sine
periculo usurpamus. Tibi confidenter propone,
ea remedia optima esse, quæ pluribus cognita,
& pluribus probata sunt: qualia esse diximus
domestica & hortensia. Quibus tamen sic vtē-
ris, ut nec externa bene nota et selecta, siue sim-
plicia fuerint, siue cōposita, omnino reiicias, ac
Pharma-
copolianō pharmacopolia esse inutilia iudices: quæ sum-
damnāda, mē probamus ac laudamus, modò naēta sint do-
& qualia.
cētos, peritos ac fidos artifices, probis & recenti-
bus materiis medicis, accurate, ut par est, instru-
cētos. Hæc in medicum Hortū satis erunt: quem
nouā formā dis̄posuimus, ut ad eius imaginem
cuique deinceps liberum sit similem construere,
colere, & per proprios campos & areas, plātis
arboribūsque eiusdē generis, ut fecimus, regio-
natim disseminare: ut sint quæque hinc inde

IN ALEXIKE PVM.

locis, digesta decenter, & non cōfusis ordinibus,
ac diuersarum qualitatum, variorūque gene-
rum miscellaneis, vt perperam apud omnes fieri
solet: ob causas cūm alibi, tū in nostris hortorum
Secretis expressas. Fœliciter valebis, Lector
optime, & si quid alicubi peccatū erit, imò verò
quia peccatum, tecū reputa, optimum esse arti-
ficem, non cui nūquam, sed quām minimum er-
rare concessum sit. Fruere alienis laboribus, &
tibi sudantibus, algentibus, ac lucubrantibus,
bene, quæso, precare.

Autoris
depreca-
tio, & con-
clusio.

ALEXIKE PVS SEV AVXILIARIS ET
medicus Hortus, octo Campos, vel regiones, continens,
propriis areis, quo sequitur ordine, nabis
distinctus ac descriptus est.

Campus primus olera aliquot
cibaria, decem areis hac serie
complectitur.

- 1 Iactuca.
- 2 Brassica.
- 3 Petroselinum.
- 4 Portulaca.
- 5 Beta.
- 6 Blitum.
- 7 Oxalis.
- 8 Spinacea.
- 9 Borago.
- 10 Asparagi.

Campus secundus radices ali-
quot esculētas, quatuor areis
claudie.

- 1 Porrum.
- 2 Cepa.
- 3 Allium.
- 4 Raphanus.

Campus tertius herbas odora-
tas areis XI disseminat.

- 1 Salvia.
- 2 Hyssopus.
- 3 Satureia.
- 4 Maiorana.
- 5 Foeniculum.
- 6 Mentha.
- 7 Thymus.
- 8 Ocimum.
- 9 Orualla.
- 10 Rosmarinus.
- 11 Lauandula.

ALEXIKEPV.

- Campus quartus herbaceos est
fruticeos fructus sex areis
distinguit.*
- 1 Cucurbita.
 - 2 Cucumis.
 - 3 Pepo, melo & melo-
pepo.
 - 4 Cinara.
 - 5 Fragaria & Framboesia.
 - 6 Grossulæ.
- Campus quintus flores aliquot
tam odoros, quam inodoros,
nouem areis dispergit.*
- 1 Rosa.
 - 2 Lilium.
 - 3 Leucoion.
 - 4 Viola Martia.
 - 5 Betonica altilis.
 - 6 Phlogium.
 - 7 Iris.
 - 8 Amarantus.
 - 9 Solsequium.
- Campus sextus platas aliquot
non esculetas areis undecim
capit.*
- 1 Absinthium.
 - 2 Abrotонum.
 - 3 Ruta.
 - 4 Vrtica.
 - 5 Plantago.
 - 6 Artemisia & Tanacetū.
 - 7 Chelidonium.
- 8 Mercurialis.
 - 9 Parietaria.
 - 10 Malua.
 - 11 Lathyris seu Cataputia,
& Ricinus seu palma
Christi.
- Campus septimus pomiferas
arbores cum suis fructibus
areis tredecim distribuit.*
- 1 Malus & eius pomum.
 - 2 Pyrus.
 - 3 Cotonea.
 - 4 Prunus.
 - 5 Cerasus.
 - 6 Morus.
 - 7 Persica.
 - 8 Mespilus & Sorbus.
 - 9 Citria malus.
 - 10 Aurantia malus & Li-
monia.
 - 11 Punica malus.
 - 12 Ficus.
 - 13 Olea.
- Campus octauus arbores nu-
ciferas et earundem fructus
areis quinque continet.*
- 1 Juglans & eius nux.
 - 2 Amygdalus.
 - 3 Pinus.
 - 4 Corylus & Auellana.
 - 5 Castanea.

His adduntur sub finem, faciles & populares oleo-
rum medicatorum concinnationes ex qua-
uis hortensi materia, necnon aquarum
distilladarum formulæ pulcherri-
rimæ ac summè utiles.

ANT. MIZALDI
MONLVCIANI ALEXI-
KEPV^S, SEV AVXILIARIS
& medicus hortus.



C R I P T V R V S h̄ic non
de afini vmbra , quod
aiūt, sed de medicis hor-
tensiū facultatibus, quæ,
re vera, omniū accurate
medicantiū iudicio ,

AEquè pauperibus prosunt, locupletibus æquè,

„AE què neglectæ pueris, senibúsque nocebunt:

precium operæ facturum me puto, si institutæ narrationis fores à Lactuca aperuero. Nō quòd ei olerum & hortorum principatum velim ascribere, contra M. Catonem & Plinium: qui illum, vt suo dicemus loco, Brassicæ constanter adiudicat: quin potiùs, quòd sciam Lactucam salubrem & euchymam esse plantam inter omnes hortes, & ob id benedictum olus, ab Auicenna appellari. Qua dote & priuilegio, certum est illam priscis usque adeò placuisse, & tanta cura exultā fuisse, vt ab ea Lactucinos in Valeria familia,

Autoris sco-
pios & in-
stitutum.

B

*Lactuca à
morbo D.
Augusti no-
bilis.*

Plinio autore, cognominari non puduerit. Illa, illa est qua D. Cæsar Octavianus Augustus, in lōga & ancipiū ægritudine, consilio Antonij Musæ medici excellētissimi, conseruatus fuit. Vnde statuam collato ære iuxta signum Æsculapij, Suetonio Tranquillo attestante, promeruit. Sed prætermisso lactucæ verbosiori encomio, medicas eius vires, pro nostra tenuitate in mediū proferre, & hortulum nostrum per suos campos areatim distinguere aggrediamur.

HORTI MEDICI CAMPVS

PRIMVS, O L E R A A L I Q V O T
cibaria, decem areis
complectens.

Lactuca altilis, & medica eius auxilia.

A R E A I.

*Quid per
olus hic in-
telligendum.*

O L E R I S nomine hīc complectimur plantas eas hortenses & herbaceas quæ non solūm condiendis iusculis accommodari solēt, sed etiam paruo sumptu & facili apparatu in vsum cibarium pauperibus quotidie venire, siue in ace-

tariis, siue aliter id fiat. Tale est illud Horatij ad Sæuam,
 " *Si pranderet olus patienter, regibus vti*
 " *Nolle Aristippus: si sciret regibus vti,*
 " *Fastidiret olus, &c.*

Sed hæc Grammaticis discutienda relinquemus, & medici medica lactucę præsidia tractabimus: quam norunt omnes in historiis versati, vsque adeò priscis Romanis fuisse commendatam, post D. Augustum per eam ianitati restitutū, ut seruari, etiam in hybernos menses, ex oxy-
 melite repertum sit. Plāta est admodum salubris, sicut testatur Columella in suo hortensi carmine, de illa propter seruatum Augustum ad hunc scribens modū,

" *Iamque salutari properet lactuca sapore,*
 " *Tristia quæ releuat, longi fastidia morbi.*

Huius succus febricitantis fronti illitus somnum accersit, quēadmodum scripsit Florentinus, rerum agri & medicinę interpres Gr̄ecus ad vnguem factus. Qui etiam tradit eum, qui iejunus lactucam prægustauerit, ebrietatem non sentire: adhæc semen eius tritum & potum, genituræ effluvia cohibere: quapropter aduersus crebra Veneris ludibria in somno,

B ij

utiliter propinatur: sicuti vulgari hoc iatatur disticho,

„ *Semen lactuæ Veneris ludibria tollit,*

„ *Cum vino bibitū, fluxum quoque cōprimit alui.*

Quod equidem distichon esse astruimus Macri poëtæ & medici non indocti: quem multi, hocce Ouidiano dimetro, ipsius Ouidij σύγχεον sub D. Augusto fuisse contendunt,

„ *Sæpè suas volucres legit mihi grandior æuo,*

„ *Quæq; nocet serpēs, quæ iuuat herba, Macer.*

Sed his dimissis, lactucam repeto, quam idem Florentinus tradit stragulis suppositam, ægris nescientibus, hac præsertim ratione, ut ante solis exortū sinistra manu radicitus euulsa sit, somnum illis conciliare. Qui etiam accersetur, eodem autore, si folia quina, terna, aut vnū, ceruicali clanculum supponantur: sed ita, ut quæ imo caule decerpta fuerunt, ad pedes: summo verò, ad caput spectent. Admonent insuper Græci geponici, quòd effusus & assiduus lactucarum usus, cane peius & angue fugiendus est his qui procreandis libēris operam dare solēt. Nam fœcunditatem non modò minuere scribunt (vnde Ἀράχων, hoc est spadoniam

Somni consiliatio.

Lactuca cur fugienda cōtingatis.

vocauerunt Pythagorici) sed quos postea sustulerint partus, velut amentes, ineptos ac stupidos à progenitorum ingenio degenerare promittūt. Hactenus illi: à quibus ad nostros deficio Medicos, apud quos etiam lego, lactucas somnos conciliare, ac sanguinē neque improbum creare, neque vndique perfectum, multò tamen, quàm à cæteris oleribus, præstantiorem. Quæ duo, Eobanus Hessus poëta elegatiſſ. pulchrè expressit in libello de tuēda valetudine, hunc in modum:

- .. *Hortoru laetuca decus, quia friget & humet,* Qualem gi-
gnat san-
guinem la-
etuca.
- .. *Sæpè leueis somnos conciliare solet.*
- .. *Atq; vt corporib⁹ reliqua omnia vincit aleidis,*
- .. *Sic viui succus sanguinis inde venit.*

Hinc factum arbitror, vt Galenus illam de oleribus solam, in homine temperato eucyham esse dixerit, hoc est succū bonum gignere, & optimum corpori alimentum sufficere. Quæ, vt calidis ventribus sumpta mirè auxiliatur, ita vſu crebro, oculorum aciem retundit, ac caliginem, vt mox scribemus, inducit. Addo quòd suspriosis, & sanguinem excreantibus, ac pituitosis summè nocet. Præterea, quòd tam crudæ quàm coctæ vſus lar-

Ventres, ca-
ligo, asth-
ma, hemo-
ptœ & pi-
tuita.

gior, non minus est periculosus q̄ cicutæ.
 Æstate ea vtimur vt medicamēto, potius
 q̄ alimento: nimirum ad humectandū &
 refrigerandū: nam frigida est, ac humida.
 Quod cùm ita sit, iure quis dubitet, quo-
 modo probū & purum sanguinem in no-
 bis possit gignere: substātia, inquam, no-
 stræ familiari, quæ illi planè est laetitia &
 dulcis, adhæc moderatè cocta, & proinde
 in sanguinem prōptè ac facilè mutabilis:
 quāobrem etiā lac affatim gignere solet.

*Lac & cho-
lera morb⁹.* Prodest eadē aduersus morbum prēcipi-
 tem & periculosum, quē Gr̄eci ζλέρα vo-
 cant, ab immodicabilis deiectione, & im-
 placabili vomitu. Cui⁹ rei testē pferem⁹
 antiquiss. poëtam & medicū Q. Serenū,
 „ Noxia (inquit) si penit⁹ cholera fœuire venena
 „ Perspicies, cocta lactucæ fronde leuabis:
 „ Proderit & caules assumere s̄pè madentes.

*Lubricam
aluum quo-
modo faciat
lactuca.* Aluum ideo lubricare dicitur, quòd hu-
 miditate & frigiditate sua immoderatū
 hepatis calorem tēperet: qui ob celerem
 & vehemētem cibi ac potus distributio-
 nem, & direptionem, aluum resiccare ple-
 runque solet. Huius lubricationis & faci-
 lis per lactucam ad excrementa vacuāda
 apparatus, testem etiam citabimus Mar-

tialem hunc in modum scribentem,
 " *Prima tibi dabitur ventri lactuca mouendo*
 " *utilis.* Et alibi:
 " *Vtere lactucis, vel mollibus utere maluis,*
 " *Nam faciem dudum, Phœbe, cacantis habes.*

Visionem præterea turbare fertur, ut nūc dicebamus, & oculis nocere, eisque caliginem inducere, quòd spiritus visorios denset & incrasset, humorēmque crystallinum, videndi speculum summè tersum, turbidum reddat, & animalem spiri-
 tū sua frigiditate offendat: nisi calorificis herbis illi remistis, aut generoso vino su-
 perepoto, frigiditas ea tēperetur. Nā ex Hippocrate, frigidū cerebro, spinali me-
 dullę, neruis, ossib⁹ ac dētibus summè ini-
 micū esse solet: ex quo fit vt soporifera etiam censeatur esse lactuca, sicuti suprà à nobis adnotatū fuit, & Claud. Galen. suo experimēto cōfirmauisse intelliges. Ple-
 riq; (inquit) lactuca vtūtur prius q̄ in cau-
 lem assurgat, aqua illā incoquētes. Quod ego nūc, ex quo dentes mihi malè habēt, cœpi facere. Quidam meorum sodalium conspicatus olus id iam olim ab adolescentia mihi esse consuetum, nunc tamen ipsius esum esse permolestū, autor mihi

*Quomodo
visionē tur-
bet lactuca.*

*Quomodo
vtebatur la-
etuca Gale-
n⁹, et quam
ob rem: ex
suis Alimēt.
libris, &
aliis.*

B iiiij

fuit, ut ipsum coquerem. Ætate autē iuuenili cùm mihi ventriculus assidua bili infestaretur, cruda lactuca, vt eum refrigerarem, vtebar. Cùm verò ad ætatem declinantem perueni, hoc olus fuit mihi remedio aduersus insomniam & dormiendo impotentiam. Tunc enim, contrà ac in iuuentute, somnum mihi dedita opera conciliabam · nam graue erat præter voluntatem vigilare. Quæ res mihi accidebat, partim quòd in iuuentute meaptè spōte vigiliis, studiorum gratia, assueifsem: partim quòd declinantium ætas ad insomniam sit admodum propensa. Itaque, lactuca vespere in cœna, vel somni hora, cocta & commansâ vnicū mihi insomniæ erat alexipharmacon & remedium. Hactenus Galenus: ex quo hanc historiam, quòd pulchra sit, præsenti loco accommodare visum fuit. Veteres, initio mensæ, primisue epulis, lactucam, vt solemus, nō proferebant, sed postremis, sicuti Martialis hoc disticho eleganter expressit,

“ *Claudere quæ cœnas lactuca solebat auorum,*

“ *Dic mihi cur nostras inchoat illa dapes?*

Cur postremis epulis *Quod, nec temerè, nec citra rationē fa-*

Etum fuisse audies: cùm enim lactuca frigidæ humidæque sit naturæ, si à cœna sumatur & summis epulis iniciatur, somnū efficaciùs conciliat, vinique fumos halituosos promptiùs reprimit, ac ebrietati, inducta cerebro humiditate, faciliùs pugnat & obsistit. At nostra ætas, ab eius esu cœnas & prandia auspicari salubriùs esse duxit, ex aceto, sale, & oleo conditam illum cibis aliis præponens, nimirum ut astuantem vetriculum recreet, & sopitam per calores appetentiam excitet, sanguinisque feruorem temperet, a hepatis & cordis æstum mitiget. Ex quo mirum nō est, si ebrietati aduersatur, & capitis grauitatem, quam Græci apposito vocabulo *χαρησαγιαν* vocant, insita frigiditate sanat, vapores à nimio vini potu sursum elatos, & caput grauantes, retundendo ac discutiendo. Quod Q. Serenus poëta ac medicus præstatiissimus non omisit, hunc in modum scribens de curāda ebrietate,

” *Quidam lactucæ huic credunt prodesse sapores:*

” *Curandi modus hic, et suavis, et utilis id est.* Inde factum crediderim, vt lactuca à Rufo Ephesio medico, ἀργυρίῳ, rectè nuncupata sit: quòd crapulā arceat, & omnē

olim sumebatur lactuca.

Capitus grauitas & ebrietas.

capitis noxam à vino contractam excusat. Verum enim uero, ea cautè vtendum est: nam illius usus immodicus, vt præmonuimus, Veneris ignes extinguit.

Quibus prohibeatur & concedatur lactuca usus.

Quare his qui matrimonij capistris sunt alligati, parcus ac sobrius debet esse lactucarum cibus: nisi calorificis, vt eruca, nasturtio, mentha, sampsacho, & similibus, frigiditas illarum obtundatur, aut generosum vinū aliquod superbibatur. Qui verò cœlibatui addicti sunt, sacerdotes, monachi, vestales, & alij qui claustra sequuntur, calorifica excludere debent: vt pudicitiam illæsam tueantur, & prurire, vrique desinat. Lactuca itaque consulto prius téperamento, prudenter vtendum erit: in qua Callimachus ἀληγορικῶς scripsit, Venerem suum amasium Adonini abscondisse: ὅτι ἀθεναῖς εἰσὶ πρὸς ἀφροδίσια οὐωρχῶς χρέουσι θρίσσεξι: hoc est, vt Athenæus exponit, quòd imbecilles sunt ad Venerea, qui assiduè vtuntur lactucis. Quare videant vxores, ne earum maritiniū illis vtantur. Hic non tacebo rārum experimentum & sæpenumerò mihi fœliciter probatū aduersus albas mulierum fluxiones, quod constat cremore

seminis lactucæ priùs macerato in aqua
 extinctionis chalybis, addito puluere e-
 boris in tenuissimum pollinem redacto:
 nō tacebo præterea, quòd semen lactucæ
 in iusculo tritū & haustum, dormiēdi im-
 potētiam expugnat: & folia in aqua hor-
 dei cocta, lac potu mirandum in modum
 augent, si postea mammæ blanda manu
 fricentur. Addam, quòd si vehementer
 caput incaluerit ab æstu, & hinc doluerit,
 aceto miscebitur succus lactucæ, & eo fo-
 uebitur, monitore Galeno. Et ad ardores
 ac ambustiones, folia diligentissimè te-
 rentur, & cum pane inducta, parti affectæ
 admouebuntur, ac subinde cōmutabun-
 tur, ne ibidem incalescant & obrigescāt.
 Sed de medicis lactucæ facultatibus hæc
 satis erunt, vbi admonuero quòd tam
 manducata, quām admota, æstus, necnon
 ardores internos & externos, vt dixim⁹,
 clementer mitigare & restinguere solet.
 Cuius rei gnarus Antonius Musa D. Au-
 gusti medicus incomparabilis, ad despe-
 rationem redactus in curanda distillatio-
 ne, qua optimus ille imperator, ob vitia-
 tum iecur, vehementissimè torquebatur,
 contrariam medendi rationem inire fuit

*Albe mulie-
 rum fluxio-
 nes, somnus,
 lac, capitū
 dolor, ardor
 et ambusio.*

*Aestus tam
 interni,
 quām ex-
 terni.*

Lactuca ab coactus, & ad lactucæ præsidia confuge-
Augusto no-
bilitata. *re, sicuti paulò antè adnotauimus: quo-*
rum auspiciis cōualuit Augustus, & hinc
lactucam summè nobilitauit.

Brassica, & medica eius auxilia.

A R E A I I.

*Brassica à
priscis valde
commenda-
ta & lau-
data.*

No n sum nescius optimum illum, si-
ne æmulo, agricolam M. Catonem,
triumpho, censura, ac literis insignem,
oleribus omnibus Brassicam anteposuisse,
& Plinium hortorum principatum ei-
dem ascripsisse, adhæc Pythagoram eius
laudes ante omneis celebrasse, ac Chri-
sippum medicum, priuatū volumen per
singula hominis membra digestum, de
eadem composuisse, ipsumq; e Catonem
eius facultates & medica auxilia populo
Rom. vsque adeò fœliciter indicasse &
præscripsisse, vt annis multis absque vllis
medicis ac medicamentis aliis salubriter
vixerit: verumenimuerò omnia hæc, ma-
gna licet, me mouere non potuerunt (ob
causas paulò antè memoratas) vt in hac
medica hortensium historia, brassica an-
te lactucam describeretur. Quæ vna, ob

insignem truncum & brachiatas virgas,
 etiam Caulis nomen sibi asciuit, & nunc
 demum nobis medicè excutienda venit:
 sumpto initio à priscis M. Catonis de illa
 experimentis aliquot. De iis itaque qui-
 bus ægrè fluit lotium, & substillum est,
 hūc in modum scribit. Sumito brassicam,
 coniicito in aquam feruentem, coquito
 paulisper, vt subcruda siet: postea aquā Substillum
 defundito, nō omnem, eò addito oleum seu strangu-
 & salem, ac cumini paululū, inferuefaci- ria, tumo-
 to paulisper, posteà inde iuscum frigi- res, vlcera
 dum sorbeto, & ipsam brassicam mandu-
 cato, ac quotidie id facito. Ad omnes tu-
 mores & omnia vlcera, etiam inueterata,
 brassicam cōtritam, quæ minutis est cau-
 libus & foliis tenuioribus (Crambem vo-
 cant) ille idem imponit: ac eodem præsi-
 dio cancros purgat & sanos reddit: quod
 facere non potest, vt scribit, medicamen-
 tum aliud. Verùm, priùs quàm imponat,
 aqua calida multa lauat, aut vino tepido,
 vt legit Macer, posteà bis in die, cōtritam
 admouet. Quo remedio etiam ad luxata Luxata, cō-
 & contusa, mammásque vlceratas & can- tusa, māmæ
 crofas vtitur. Si vlcus acrimoniam ferre vlcerae &
 non possit, farinam hordeaceam miscet, cācrofæ, nec-
non articu-
laris morb⁹.

ac ita apponit : testatürque articularem
morbum nulla re æquè domari , atque
brassica cruda, si eam concisam cum ruta
& coriandro quis edat : aut salis mica &
hordei farina mista , opportunè illinat.
Quod herbularius poëta , versibus ali-
quot complexus est , de M. Catonis bras-
sicaria medicina,hunc in modū loquens,

- ” *Hordea quam dederint cauli miscere farinam*
- ” *Idem præcepit , rutam quoque cum coriandro*
- ” *Et sale permodico : sic omnia mixta terendo*
- ” *Apponi diræ docuit cataplasma podagræ:*
- ” *Hoc etiam morbo medicabitur articulorum.*

Si auribus parum audies (inquit ille idem
Cato) cum vino brassicam terito , succum
exprimoto , & tepidum in aurem instilla-

*surditas, bi-
lis atra, liē,
cor, iecur,
pulmo, præ-
cordia, men-
ses, oculi &
boleti.*
to,citò intelliges. Si bilis atra est, si lienes
turgent, si cor dolet, si iecur , pulmones,
aut præcordia, vno verbo omnia sana fa-
ciet brassica, quæ intus dolitabunt. Qui
plura curiosè scire curabit, librum de Re
rustica eiusdem consulat, illic inueniet
quod placuisse queat. Sed hæc , inquieris,
magna ex parte non quadrant nostræ
hortensi brassicæ , de cuius vsu hodierni
medici inter vtrunque volant . Causam
alibi accipies . His sic positis , venio ad

geponicos, apud quos lego brassicæ decoctum cum dulci vino haustum, mulieribus menses ducere: adhæc succum eiusdem cum optimo melle remistum, oculos iuuare, si illorum angulis admoueat. Quòd si venenatos boletos quis ederit, poto brassicæ succo valde iuuabitur. Addunt præterea q̄ corpori alimento ex ea multūm præstari solet: adeò, vt pueri brassica vescentes, citius adolescere credantur. Succus cum vino albo ad dies xi, haustus, splenicos & ictericos curat: quemadmodum in Rusticis paradoxis scripsit Paxamus Græcus. In quibus non omittit quòd brassica alumini rotundo, aceto macerato permista, pforam ac lepram mundat: coctaque & præsumpta, voci atque arteriacis affectionibus medetur. Vnde vocis studiosi habentissimè vti solent. Folia perinde atque semen, cum sylphio & aceto trita ac imposita, morsum canis rabidi, vel alterius perfectè sanant. Et si contigerit à destillatione vuulam aut columellā in guttur laxari, succus crudæ brassicæ summo capiti admotus, illam in sublimem oris partem reuocabit, solitūmque locum re-

*splenici,
icterici, pso-
ra, lepra,
vox & ar-
teria.*

*Canis mor-
sus & la-
xata vu-
la.*

*Succus melancholicus,
os ventriculi, visus,
viperarum
morsus, et
articularis
morbus.*

*Vlcera, ca-
put, menses,
tumores, car-
bunculi, ca-
pilli, lieno-
si, gangre-
ne & late-
rū dolores.*

petere coget: quod naturæ arcanis & se-
cretis ascribendum est. Haec tenus Græci
geponici. Medici vno omnes ore tra-
dunt, brassicam frequenter manducatam
succum melancholicum plus iusto auge-
re: cuius substantia os vetriculi etiam læ-
dit, & visum, ut mox dicemus, obtene-
brat: quare illa, nisi vrgente olerum me-
liorum penuria, mensis excludenda est
salubribus. Crudus eius succus cum vino
potus, viperarum morsibus auxiliatur: &
cum fœni Græci farina illitus, podagris
ac vitiis articulorum præsenti est reme-
dio. Idem prodest sordidis ac vetustis vl-
ceribus, sed impermistro: qui etiam nari-
bus immissus caput purgat, & cum lolia-
cea farina pudendo muliebri inditus,
menses trahit. Folia perse illita, aut cum
polenta trita, conferunt inflammationi-
bus ac tumoribus, & ex sale carbunculos
rumpunt, fluentesque capillos retinent.
Eadem folia cruda, ex aceto prosunt lie-
nosi, & addito melle cocta, plurimū
pollēt aduersus vlcera depascētia & gan-
grēnas. Virētes cauliculi cū radice crema-
ti, & vetusto porci adipe excepti, diutur-
nos laterū dolores mitigāt. Quod poëta
herbu-

herbularius nec ignorauit, nec omisit,

„ Cum veteri pingui (inquit) cineres caulis be-
ne triti,

„ Prosunt ad veteres lateris, coxaeque dolores.

„ Sit licet haec vilis, tamen est medicina salubris.

Si humētem aluum siccare volueris, vbi
mediocriter ebuliisse videbitur brassica,
priore aqua effusa, repente aliam calen-
tem ei iniicies, atque ita rursus illam dis-
coques, usquedum tenera, flaccidaque
euaserit: quod non sit cūm ventris sub-
ducendi causa sumitur. Hinc emersit Sa-
lernitanum illud,

Ius caulis soluit, cuius substantia stringit.

Hæc omnia, & plura, versiculis aliquot
paulò elegantioribus, Eobanus Hessus,
pulchrè & ingeniosè sic est complexus,

„ *Brassica veteris onus bis cocta, comestaque sistit:*

„ *Sed semel & modicè cocta, resoluit idem.*

„ *Profuit hanc succo conspergere pinguis oliuæ,*

„ *Lac auget, multum seminis esse facit.*

Nō putauit hoc loco prætereundū, quòd
omnis brassica, ut diximus, oculis admo- Lat, fferma-
dum officit. Quæ res lucubrantibus, & li- oculi, fo-
terarum studiosis est imprimis notanda. mnia, &
Parum nutuit, & somnia terribilia parit, || puerperæ.

Ob humorem melancholicum, cuius pa-

Quomodo
coquenda
brassica ad
meuendam
aluum, &
continenda.

C

Ebrietas,
crapula &
grauedo.

rens, ut monuimus, illa esse solet. Porrò, scitu indignum non est, quod Athenis olim brassica in cibo parabatur puerperis, amuleti cuiusdam vice, ut author est Athenaeus. Tradit præterea Suidas, pri-scos in coniuuiis crambem adhibuisse, sed recoctam, adeò ut nauicam adferret, ex quo Græcis in prouerbium abiit, *δίς κρέμας θάρατος*. Inest brassicæ vis peculiaris contra ebrietatem: cuius noxas non solum ante cibum & à cibo sumpta im-pedit, sed etiam crapulam & grauedinē in-de obortam tollit ac discutit. Cuius rei duos è multis testes & autores profere-mus. Marcum Catonem imprimis, ho-minum, ut scribit Plinius, in omni rerum vsu summum & maximum. Si voles, in-quit, multum in coniuicio bibere, cœna-réque libenter, crudam brassicā ante cœ-nam esto quātum voles ex aceto: & item vbi cœnaueris, esto quinque folia, reddēt te quasi nihil ederis ac biberis, bibésque quantum voles. Testem dabimus secun-dum, Cl. Gal. scribētem, folia brassicæ ca-lida aqua macerata, & capiti circumpo-sita, ebrietati naturaliter resistere: quod mirabili fit oleris huius cum vino antipa-

thia, vt admonuit Agrius apud M. Var-
ronem. Ex quo non temerè scripsisse mi-
hi videtur Athenæus, vineas in quibus
nascuntur brassicæ, languidius vinū crea-
re, vsque adeò illis pernicialia sunt cum
parente & filio, hoc est cum vite & vino,
odia, ac dissidia. Hinc nimirū Theophra-
stus, viuam vitem, oleris huius odore fu-
gari, rectissimè adnotauit: & Plinius, vi-
num in dolio huius sapore & odore cor-
rumpi, sed betæ foliis demersis restituī.
Quo argumento, Androcydes sapientia
clarus, vt idem tradit Plinius, brassicam
cōtra ebrietatem, vt præmonuimus, ma-
ximè pollere dixit: atque hinc Aegyptij
vini, vt scribit Suidas cum Athenæo, ma-
gnoperè amantes, omnibus esculētis co-
ctam brassicam olim in cibatu præmitte-
bant, & primum in symposiis ex eius ole-
re ferculum faciebant, ad inhibēdam vi-
ni noxam & crapulam. Quorū vestigiis,
defixo (vt aiunt) pède, cùm alij, tum præ-
cipuè Germani inhærere mihi videntur:
brassicam suis cibis & mēsis anteponen-
tes, & quandoque postponentes, vt do-
lofas vini insidias fallant: quod manu æ-
què liberali propinare confueuerunt, at-

Mira brassi-
cae odia cum
vitibus &
vino.

Aegyptij,
vini aman-
tes.

C ij

que impigro gutture haurire, laborum alioquin patiētissimi, sed sitis admodum impatientes. In quam rem cum nostro Geruasio Marstallero Brisgoico, Germano mihi amico & vndequaque erudito, sic ludere aliquādo solebam, dum nobis-
*Germani
laborum pa-
tientissimi,
sed suis im-
patientes.*
cum ageret,

„ *Germani varijs norunt tolerare laborares:*

„ *O vtinam possent tam bene ferre sitim.*

Quæ restat animaduersione digna sunt.

Cinis caulium brassicæ & eorundem de-

*Furfures, lac, ambu-
sta, impeti-
gines, oculo-
rum fluxio-
nes, poda-
gra, phle-
gmone &
erysipelas.*
*coctū, caput à furfuribus emundant si il-
lis abluatur. Et fatus vberū ex iusculo
brassicæ tepido, lac auget: cinis præterea
cum albumine oui, ambustis auxiliatur:
& aqua quæ ex eius caule, dum aduritur,
stillat, recētes impetigines delet, non se-
cūs quām cortex radicis oxylapathi com-
māducatus & eisdē illitus. Addam quōd
brassica cum tenui polentæ polline trita,
& ex aqua rosacea oculis apposita, calidas
illorum fluxiones emendat: & si foliis co-
ctis ac tusis fēcem aceti addideris, crudo-
rūmque ouorum lutea duo, cum pauco
rosaceo, & omnia accuratè miscueris, te-
pefeceris, admoueris, continuè mutaue-
ris, præstantissimum experieris reme-*

dium aduersus podagræ insultus & accessiones. Eadem brassica per se, vel cum axungia trita, phlegmonis induratis & erysipelatibus valde idonea cestetur esse, hoc modo : Partes affectæ rhodelæo fuentur, & materia tusa in cataplasmate fasciis alligatur. Nihil mihi video superesse in hac medica brassicæ historia, nisi ingens & minimè vulgare naturæ miraculum, quod tacendum non est: nempe hoc olus, quo vitem fugari diximus, clamino & origano aduersum, perarescerre: naturali & occulto odio, quo plætæ ille brassicam non minùs prosequuntur, quam vitem & vinum brassica, & cōtrà. Vinū bras-
sicæ cocturā
impedire. Hinc absurdum videri nō debet, quòd si feruescenti & ebullienti brassicæ, paululum vini generosi guttatim quis instillauerit, non amplius coquetur illa, sed suis viribus defuncta, mutato colore corrūpetur, quemadmodum adnotauit Paxamus ex Græcis geponicis vñus. Quibus ex rebus appositi colliges, eos qui vinū multum bibere volunt, & potandi certamine victores coronari cupiunt, crudam brassicā cibis anteponere debere, ne temulentia, ut paulò antè diximus, tenten-

C iij

tur. Quod se præsentē factū fuisse à quodam docto & philosopho homine, autor est Gulielmus Gratarolus medicus præstantissimus, in libro de tuenda valetudine. Nam dum is in cōuiuio accumberet, probatis & acceptis inuitatium omnium poculis, perstrenuè potauit: quòd foliolum crudi caulis rubescentis præsumpsisset. Hæc de brassica satis, vbi addidero, illam nascētem in locis aridis & siccis, terrestrem esse valde & adstringentem: in calidis verò & humidis, contrà. Adhæc Raphanum Græcis etiam ρρόγκη dictū, iisdem viribus pollere, quàm brassica: quēadmodū proprio loco explicabimus.

*Apium hortense, seu Petroselinum, &
medica eius auxilia.* A.R. III.

APIVM satium, Græcis σέλινον, vulgo Petroselinum, & nostratibus Persilium dici consueuit: cuius facultates & medica auxilia hīc nobis sunt paucis explicanda. Florētinus in suis Græcis georgicis, ut hinc auspicet, tradit Apium cum pane, cataplasmati vice impositum, sarcis ignibus mederi: eius verò decoctum, calculos, infidentibus deturbare, & fotu idem præstare. Adhæc vrinæ difficultati-

*Ignis sacer,
calculi, vri-
na & renes.*

bus, & ægrotantibus renibus, tam folio,
quàm radice auxiliari. Quod ab herbu-
lario poëta etiam adnotatum fuisse repe-
rio, vbi de apij planta sic scribit:

- „ Prouocat vrinas hæc cruda comeſta, vel haufa:
- „ Sed magè radicum faciet decoctio ſumpta:
- „ Hoc itidem ſemen operatur fortiū haufum.

Subdit præterea idem Florentinus, fugil-
lata colori reddere, ſi eius ſemine deco-
cto foueantur, mammarumque duritias,
foliis attritis & impositis emollire. Plinius
ſemen cum ouī albo illitum, aut ex
aqua coctum & potum, renibus mederi
ſcribit: ac in frigida tritum, oris ulceribus
prodeſſe: necnon cum vetere vino, vefi-
cæ calculos frangere: quod etiam præ-
ſtat radix. Datur ictericis idem ſemen
ex vino albo, & iis mulieribus, quibus
ſtati menses non procedunt. Radicibus
in iuſculo coctis, vel acetariorum modo
ex oxelæo apparatus licebit per hyemem,
veris initia, & autumni finem, potius vti,
quàm æſtate: idq; prādij, vel cœnæ prin-
cipio: quoniam materias à superioribus
ad inferiora, vrinam proritando, euocat,
ac vehiculi modo deducunt. Sed hoc lo-
co nequaquam diſſimulandum eſt, quòd

Sugillata,
mammæ, re-
nes, oris ul-
cera, calcu-
lus, icterici,
Et mēſtrua.

C iiiij

Colicus dolor, flatus & inflationes.

non solum renibus medetur hortulanū apium, sed etiam colicis cruciatibus & aliis qui ex flatuoso spiritu egressum non habente generatur. Prætereà, quòd succus apij cum melle bibitus, coagulatum in vetriculo sanguinem, vomitu exhaustit. Et semen eiusdem coctum in aceto & aqua, lotium remoratū elicit: plantaque ipsa contusa, & in vuluam missa, fœtum cum secūdis trahit. Quòd si bibatur succus eiusdem, vterus à superfluis humoribus purgabitur. Dioscorides ad nullum determinati morbi genus apium applicat, sed omnibus indifferenter inflationibus vtile esse pronuntiat: sic de eo simpliciter scribens, Soluit inflationes. Tradit nihilominus petroselino vires cōtra colū intestinum, vt diximus, validas inesse: adhæc cōtra stomachum, sic loquēs:

Stomachus, tormina, vulnera, oculorum & mammarum tumores.

Petroselinon stomachi & coli inflationibus, torminibꝫque medetur. Cui subscribit Galenus, tradens insuper, ori sanè quām gratū esse. Plinius incoctū, aquas potu suauiores reddere prodit: & Florētinus Græcus, in cibo sumptū facere, vt propriæ vulnerum fluxiones magis propnæ deferantur. Oculorum tumores, vti

etiam mammarum, succus eius mica pa-
nis candidi exceptus, emendare solet ac
tollere. Quod non prætermisit herbula-
rius poëta, sic de apio rursum scribens,

» *Illiis succo si candida mica terendo*
» *Panis iungatur, oculis sedare tumorem*
» *Dicitur, emplastri, noctu, superaddita more:*
» *Sicque ferunt mammis prodeesse tumetibus illa.*

Penè omittebam, quòd neutrum apium
(de mare loquor & fœmina) Chrysippus
medicus & Dionysius, cibis admittēdum
censent (licet Plinij tēporibus, vt etiam
hodiernis, per iura largis portionibus in-
nataret, peculiarēmque gratiam condi-
mentis accerseret, ex quo *euoduo* Theo-
phrasto vocatur) quoniam epulis ferali-
bus, vt volunt, dicatum sit, & ob id nefas-
tum habitum. Vel, vt Plutarchus scribit,
quòd apio sepulchra coronentur: vnde
vetus illud prouerbium, *Apio indiget*: de
eo qui desperata sit valetudine. Sed hæc
nihil ad apij nostri facultates: Caule fœ-
minini vermiculos innasci tradunt: cre-
duntque eos in sexu vtroque sterilescen-
re, qui ederint: adhæc, in puerperiis co-
mitiales fieri, qui post apij cibum vbera
hauserint: innocentiorē tamen esse ma-

*Cur olim
apium cibis
damnatum
sit.*

*Sterilitas &
comitiales.*

rem affirmāt, vt Plinius scribit, veterum sententia & testimo niis fretus. Quibus ex rebus mirandum non arbitror, si recentiores medici, ex Auicennæ consilio, comitialibus seu epilepticis apio interdicant, ac contendant quòd illorum paroxysmos moueat & excitet: atque ea causa

*Nutrices,
granida,
puerpare,
lac & li-
bido.*

*Febriles ar-
dores.*

*Oris & ha-
bitus suauis-
tas.*

Græci infantorum nutricibus, & gravidis, puerperisque apium in cibo prohibeant. Quanquam alia etiam potest subesse causa, nimirū quòd fœmininos fonticulos resiccat, lactisque prouentum negat, ac vescentes ad libidinem proritet. Sed ne, quæso, hîc intactum relinquatur, quòd apiū, Celso inter ea quæ reprimunt & refrigerant collocatum, febrium ardores ex oleo inunctum, refrigerare, à multis non infelicit expertum fuit. Quod etiam à Q. Sereno confirmatū scriptūmque audies ad hunc modum:

„ *Sin autem calidæ depascent corpora febres,*
 „ *Tunc apij succus leui soluatur oliuo:*
 „ *Membra line, fotuque ferus mulcebitur ignis.*
 Cætera de apij facultatibus conticebo, nisi quòd pisces ægrotantes in piscinis, illo summè recreantur ac refocillantur.
 Ad hęc, quòd nihil æquè oris suavitatem

commendat, atque recens apium & viride commanducatum. Quod meritoriae mulieres pleraque non ignorant, apium mandentes & circumferentes, ut virus tertri odoris, quo imbuuntur, fallant, & suauorem auram spirent. Hanc de apio medicam historiam penè claudebam, cùm tria percommode mihi in mētem venerunt. Primum est, quòd apium manducandum non est vbi scorpionum ictus timetur: sicuti adnotauit Albubater scribens ad Almansorem Saracenorum regem. Secundum, quòd coci acetum suis obsoniis apio, & cellarij grauem odorem vino, in fassis eximere solent, Plinio auctore. Tertium, quòd petroselinum, hippofelinum, eleofelinum, oreofelinum & apium rusticum, adeò congeneres sunt plantæ, ac tanta virium affinitate coniunctæ, ut altera alterius nomen apud rei herbariæ autores quandoque sibi arroget. Quod ad hippofelinum attinet, ego sanè illud (ut id obiter adnotem) appositiè à Gaza equapium interpretatum fuisse mihi aliquando persuasi, non ob insignem magnitudinem, ut multis visum est, sed quòd equis ociosis & defatigatis,

*Tria sum-
mopere no-
tanda.*

Equorum
ociosorum
& fatiga-
borum re-
media.

salubre sit ac gratum pabulum. Quod non ignorans ter maximus ille Homer, Achillem ociosis equis legatorum Vlyssis & Phoenicis, palustre apium, aut si mauis eleoselinum, quod nonnulli paludarium vertunt, non temerè exhibuisse scribit. Cuius rei causam Plutarchus in Symposiis reddidit, quod vacantes à labore consueto equi, pedum vitio offendantur, cui præcipuum remediū, apium esse tradit. Quo loco illud cum eleoselino & hippiselino, ob virium & auxiliorum cognationem ac similitudinem, cōfundit. Hactenus de hortensi apio & petroselino.

Portulaca, & medica eius auxilia.

A R E A I I I I .

Fluxiones
biliose, &
febris ar-
dens.

P O R T U L A C A ex hortensibus vna est quæ omnium ferè iusculis suo tempore innatat, & pauperum ac diuitum mensas, oleo, sale & aceto condita, inchoat. Frigida est & humida, qua propter fluxiones biliosas ac feruentes, commutando & refrigerando emendat, febrique ardente conflictatis summè opitulatur. Quod poëta herbulario non fuit occultatum,

de illa hunc in modum scribenti,
 » *Humida vis eius & frigida dicitur esse.*
 » *Vnde iuuat febrem quam dicit Grecia causum,*
 » *Trita super stomachum viridis si ponitur herba:*
 » *Præstat idem succus si sumitur, herbaque mæsa.*

Dentibus qui stupore obtorpescunt ab
 esu acidorum, austeriorum, vel frigido-
 rum, mansa remedio esse solet, ignibüs-
 que sacrī auxiliatur, ac Veneris impetus
 & somnia frangit. Capitis dolores inso-
 latione contractos, cum rosaceo mitigat,
 & vulneribus syderatione periclitanti-
 bus, efficaciter cum polenta inungitur.

Prætereà infantibus vmbilico prociduo
 laboratibus, salubriter apponitur, ac dē-
 tes mobiles commanducata stabilit:oris-
 que ac tonsillarum vlcera, & gingiuarum
 tumores suo opportunè sedat succo. Ani-
 malia ventris rotūda ex decocto, vel stil-
 latitia aqua pellit, ac dysentericos ex vi-
 no hausta liberat. Vnde idem poëta,

» *Mansa, vel hausta potest nimium restringere*
 » *fluxum*

» *Sanguinis, & ventris largum cohibere fluorē.*

Leontinus Græcus, ex geponicis vnus,
 scribit folium portulacæ lingua subditū,
 his qui siti cruciantur, bibēdi desiderium

*Dentibus stu-
 por, ignis sa-
 cer, Venus,
 somnia, ca-
 pitis dolor,
 vulnera,
 vmbilicus,
 dentes, ton-
 silla, gingi-
 ue, lumbri-
 ca
 Et dysente-
 ria.*

situs, verru-

ea, podagra restinguere, & verrucas multorum dic-
et mamme. rum illitu tollere: quod etiam non omis-
fit Plinius: docens insuper, mammarum
& podagrę inflammationes, succo portu-
lacæ cum melle, aut creta cimolia, sanari.
Qui frigido sunt ventriculo, vim portu-
lacæ frigidam, mētha, fœniculo, aut simili
quapiam herba calorifica debent obtun-
dere. Sed, ô me obliuiosum! penè omit-
tebā quòd portulaca miraculo quodam
demulcet febres æstuātes, trita cum hor-
dei farina, & hypochōdriis ac hepati ad-
mota. Adhæc, quòd melli intincta, com-
mansa, & ore retenta, aphthas ac oris vl-
cera valde emendat. Insuper, quòd sua
radice siccata, & cum melle trita in for-
mam vnguenti, fissuras labiorum, par-
tiūmque aliarum non minùs adiuuat,
quàm vulnerū dolores, si illis cum oleo
& polenta imposita fuerit. Quæ si per-
coquatur, ad hæmorrhagias & sanguinis
profluuia summè efficax habetur. Postre-
mum id erit. Experti sunt veteres, quòd
succus portulacæ sputa sanguinis mirifi-
cè compescit: imò verò portulaca ipsa
quouis modo ministrata. Quæ si cum
aceto manducata fuerit, ventriculi ardo-

*Febris ar-
dens, oris
vlera, fis-
sure labio-
rum, vulne-
ra, hæmor-
rhagia, spu-
tum sangu-
inis & ven-
triculi ar-
dor.*

ribus valde commodabit.

Beta, & medica eius auxilia. A.R.V.

CLAVDIVS Galenus hoc olus nitro-
sa facultate dotatum esse censet, qua
etiam sordes eluit ac discutit: quæ vis in
candida beta efficacior est, adeò ut ven-
trem ad excernendum inuitet, ac stomachum
sensu exacto præditum mordeat &
vellicet, cum nonnulla hepatis iactura.
Quæ duo postrema, versiculis duob⁹ ele-
gantissimis sic expressit Eobanus Hessus,
» *Cruda nocet beta, hanc coctā sumpsisse iuuabit:*
» *Sūpta frequens stomachū vellicat, atq; iecur.*
Diphilus medicus geoponicus tradit, be-
ta cädida aluos solui, & rubra vrinas pro-
ritari. Sunt qui nigram vituperent, quod
atrabilarium sanguinem gignat. Succus
naribus inditus, caput purgat: infusus,
aurium dolores sedat: illitus, dentium
cruciatus compescit. Si caput succo illius
detergeas & confrices, à porrigine & pi-
tyriasi vindicabis: & si radicis succum na-
ribus iniicias, dentium cruciatus emen-
dabis. Si decocto perniones souebis, eos
mitigabis: si folia coxeris, ambustis me-
deberis. Addam quod vsus betarum fre-

*Sordes, ven-
tris excre-
tis, stoma-
chus & he-
par.*

*Aluns, vri-
na, caput,
aures, dentes,
porrigo, p-
rniones, am-
busti, nycte-
lopes, vul-
narum vi-
tia & ren-
ter.*

quens nyctalopibus est vtilis: & si cum
atriplice illarū decoctum vuluis ritè in-
fundatur, earum vitia corriget. Beta ni-
gra seu rubra coquitur cum lente lubri-
co ventri cohibendo, quem, vt diximus,
cādida soluit: quæ cocta, & cum allio cru-
do sumpta, intestinorum tineas abigit.

*Vermes, ie-
coris obstru-
ctio, lienosi,
& flatus.*

Iecoris obstructionibus aptius q̄ malua
accommadatur, maximè vbi cum sinapi,
vel aceto estur: lienosos similiter mādu-
cata, mirificè iuuat. Vnde quis eam me-
dicamentum potius quam alimētum di-
xerit, vbi hoc modo manditur. Menan-
der, vnu ex schola Græcorum geoponi-
corum & medicorum, tradit radices bete
tostas, tetrū allij odorem ac virus extin-
guere, si supermanducētur. Quæ rubras
vel subrubras habent radices, vt valen-
tiū nutriunt, ita sanguinē gignunt lon-
gè crassiorem quam folia: illudque insu-
per obtinent, quod flatus facilè pariunt,
cum facile per aluum alioquin descen-
dant. Huius oleris, sicuti aliorum, exigua
est alimonia: quod si largius sumatur, sto-
machum, vt paulò antè dicebamus, infe-
stat & mordicat. Tacendū non est, quod
sicuti à brassica vini sapor (vt suprà do-
cuimus)

*Quale nu-
trimentum
à beta.*

cuimus) in dolio facilè corrumpitur, ita odore betæ, foliis eius demersis, facilè reparatur. Cæterùm si acetum subitò facere voles, tusam betæ radicem in vinum coniicies, post horas tres in acetum degenerabit: quod si voles in pristinū statum restitui, brassicæ radicem indidisse satis erit. Sed hæc ad nostra vinorum secreta & auxilia releganda erant: quorum participes nunquam fient œnopolæ, nisi vina in multorū perniciem temerè confundere & perditè turbare desinant.

*vinum &
acetum.*

Blitum, & medica eius auxilia. A.R. VI.

STOMACHO inutile olus censetur esse blitum, vētrem adeò turbans, vt cho-
leram morbum aliquibus faciat, & alui fluxiones vomitionésq; cum intestino-
rū torminibus, mota bile excitet: quod de immodico & assiduo eius vsu dictum accipies. Vnde à Plinio iners olus nuncupatur, & à poëta Hesso ignauum, ac ventri mouendo duntaxat utile,

*Venter, cho-
lera, aliis
fluxio, ro-
mitus &
tormina.*

» *Ignauum (inquit) sine honore blitum, sine vi-
ribus estur,*

» *Hoc solo, ventrem quod bene deiiciat.*

Hinc fortasse fit, vt homines inertes &

D

inutiles *Bliteos* prouerbialiter vocēt Gal-
li. Sed hīc prætereundum non est, quōd
prisci cum blito betam confuderunt: vn-
Blitū igna-
num & fa-
tuum olus.

„ *Vt sapient fatuæ fabrorum prandia betæ,*

„ *O quam sèpè petet vina, pipérque coquus!*

cùm re vera sapore sit nitroso, & non fa-
tuo, aut insipido, vt blitum. Vnū & item
alterum bliti auxilium omittebam. Prius
est, quōd aqua decoctionis eius, & maxi-

Furfures et
ambusta. mè rubri, cum suis radicibus, furfures ca-
pitis amolitur. Posterius, quōd folia sub
cineribs cocta, vel elixata, ambustos sum-
mè iuuant.

*Oxalis seu Acetosa, & medica eius
auxilia.* A R E A V I I .

Oxalidis
rus ad ex-
citandam
appetitiam,
& alia. **O**XALIS ab acido succo nomen habet,
vnde apud multos *Acetosa* dici solet,
& vulgari nomēclatura *Ozella*. Duorum
est generum, maior, & minor. Vtraque
iuribus affatim innatare cōsueuit, & sin-
gularē gratiam in acetariis habere. Quin
& carnis intingendis iucundum succi
viridis accrementum subministrat: nec
aliud in obsoniis maiorem sibi vendicat

autoritatē: quam de multis in illa talem
sum expertus, quòd carnes quantumuis
duras, coriaceas ac peruetustas, esui aptas
reddit ac teneras, si illi concoquantur &
præmaceratæ elixentur. Nam lubricæ &
humentis est naturæ, quâ dura emollit:
Quæ facultas cum multò validior & ve-
getior sit in oxylapatho & lapatho, ita
rem eam certiorem cum illis sum assecu-
tus, quâm cum hortensi oxalide, quâ
nihil frequentius vbique ad irritandam
appetentiam, si langueat, aut mitigādum
vētriculi vel hepatis æstum immodicum,
si opus sit. Quod poëta herbularius nec
ignorauit nec omisit: de Oxalide, hunc
in modum scribens,

*Ventriculæ
& hepatis
æstus.*

„ *Hanc auidè multi comedunt in tempore veris:*

„ *Expertūmque ferunt sibi quòd fastidia tollat.*

Semen vtriusque tritum ex aqua aut vi-
no, vtiliter bibitur contra dysenterias, &
cœliacorum affectus, ac stomachi fastidia
& nauseas. Radices ex aceto coctæ, aut
crudæ illitæ, lepras & impetigines sanāt:
sed antea locus aceto & nitro in sole est
perfricandus. Sunt qui planta tota effica-
citer vtantur (sicuti etiam aïzoo mino-
re) aduersus erysipelata & herpetas, nec-

*Dysentericas,
cœliaci, nau-
sea, lepra,
impetigo,
erysipelas,
herpes &
oculis.*

D ij

non tumores oculorum in cataplasmate:

*Podagra,
cephalal-
gia, & fluor
muliebris
& ventris.*

præterea aduersus calidas podagras cum polenta, & antiquos capitum dolores, cum rosaceo. Fluxum muliebrem vtero apposita, cōmodissimè sistit, vt tradit Dioscorides: sed non menstrua, seu lunares fœminarum purgationes, vt vult poëta herbularius. Ex quo etiā addimus quodd

.. *Omne genus fluxus ventris restinguere mirè*

.. *Cum vino potata solet, vel mansa frequenter.*

*Pruritus,
dentes, stru-
me & re-
gius morb.*

Decoctum radicū eius, pruritus corporis sedat, si eo foueatur aut confrietur corpus in soliis balnearum: mulcet insuper dentium dolores cum vino. Nō nulli in strumis amoliendis radicum gestamine vtuntur, eas collo appendentes: quæ etiam cum vino potē, regio morbo auxiliatur. Verūm, hæc omnia efficaciūs præstare solet oxylapathi radix. Apuleius ad

*Abscessus
aut bubo
inguinum
& malacia.*

abscessum qui fit in inguine, oxalidē contundit absque sale, cum veteri axungia, quæ dupla esse debet ad herbam: iisque probè commixtis, pastillum concinnat, quem folio caulis inuolutum sub calidis cineribus sepelit, & mox abscessui aut buboni calentem applicat, lineo que panno tegit, & colligat. In vino austero cocta

& potata prægnantium malaciam & de-
prauatam appetentiam emendat: quod
etiam præstat citrij decoctum. Non tace-
bo quòd radix aqua incocta, vel macera-
ta, rubelli vini colorem mētiri solet, gra-
ta & salutari febricitantibus impostura.
Folia papyro vestita, & sub calidis cineri-
bus igneum tempore experta, necnon
pauco rosaceo excepta, quos si tumores
ad suppurationem facilè mouent. Noui
quendam qui omnes dysenterias in par-
ticulari, ad hunc curabat modum. Oxali-
dem forti aceto macerabat, deinde stup-
pis eodem aceto intinētis, sub calidis ci-
neribus modicè decoquebat, postea suc-
cum exprimebat, & calidū propinabat.
Penè omiseram, quòd oxalis mirabilem
habet energiam aduersus luem pestilē-
tem, si ex aceto macerata, matutinis su-
matur horis: fœlici experimento proba-
tum, quemadmodum locis multis ostendimis in nostro opusculo de Peste. Hoc
postremū sit, Nostrates mulierculæ in fe-
brium ardore contusam oxalidem carpo
manuum utiliter imponunt.

Tumores,
suppuratio,
parviorū
dysenteria,

Pestis &
aestus febri-
lis.

Spinacea, & medica eorum auxilia.

A R E A V I I I .

D iij

SANE mirandum est, spinacea olera ve-
teribus incognita fuisse, cum & pau-
perum & diuitum mētas onerēt per ver-
na ieunia, ac eosdē inferciant & saturēt.

*Alui lubri-
catio et fla-
bus.*

Aluum emolliunt, & corpus humectant,
flatūsque colligunt, nisi humor excre-
mentius abiiciatur, & calidis rebus ad-
motis emēdetur. Cæterūm, quia in isto-
rum olerum cibaria præparatione & es-
culenta, à multis peccatur, ideo illā pau-
cis hoc loco ostendisse, inutile fortassis
non erit. Abiectis radicum capillamentis
citra aquam elixari postulant, nam ma-
gnam vim humoris inter coquēdum ef-
fundunt, propriōque iure contenta, alie-
num aspernantur: aliter si coquas, nati-
uum illorum succū perdis ac temerē ine-
brias. Abacto post elixationem lentore,
ligneo cultro, aut aliter, percutiuntur, &
subinde versantur, postea in manuales
globos & offas herbaceas (expressa peni-
tus sanie) rediguntur, ac patinis ex oleo
optimo vel recenti butyro, diligēter fri-
guntur, addito omphacio & piperis tusi
momento, ut magis palatum titillent, &
flatulētam humiditatem exuant. Sed hīc
medicū agimus, non coquum: quare,

*Quomodo
sunt coquen-
da & ap-
parāda spi-
nacea.*

*Notanda ēt
in r̄sum
vertenda.*

quæ medicorum sunt promittamus, &
sua tractent coquinalia coqui.

Borrago, & medica eius auxilia.

AREA IX.

BORRAGO, quæ verum & legitimum buglossum multis esse creditur, foliis suis, obsoniorum iuribus salubrem & peculiarem addit gratiam : estque hyeme apud nonnullos eius radix, foliorum vice, quoties anni tēpus illa denegat. Flos æstate in acetariis summè gratus habetur. Olus hoc, suavi suo odore (nā peponem iucundissimè subolet) vires recreare solet, ac animi voluptates, vt tradit Galenus in vino augere. Ex quo Græci θεραπεύονται, hoc est oblectans & lātificans, scitè admodum nuncuparunt : adhæc νίτιον, id est tristitiam discutiēs. In quam rem alludit vulgaris versiculus,

„ *Dicit borago, gaudia semper ago.* „

Tradunt plātam hanc vtilem esse aduersus horrores febrium, eiūsque radicem quæ treis emiserit thyrſos, cum seminibus tritam, & ex vino decoctam, tertianis prodeſſe; quæ quatuor, quartanis, quod etiam cōfirmat Discorides. Alij testātur

Berragine
vires ac
animi vo-
luptates re-
creare.

Febrister-
tiana, quar-
tana, ab-
ſcessus, tuſ-
sis.

D iiiij

*Febris, cho-
lera rubra,
pulmonarij,
cardiaci, is-
chiatici, &
memoria.*

*Partus &
eius purga-
tio.*

abscessibus valde accommodam esse. Galenus illos, qui ob faucium asperitatem tussiunt, decocto eius in melicrato summè iuvari scribit. Plinius addit, quòd si quis boragine aut buglosso inarescente, medullam è caule exemerit, alligaueritque septē folia ante accessionem, à febre liberabitur. Poëta herbularius ex Arابum placitis etiam adducit,

„ *Quòd choleram rubram nimio ferore perustā*

„ *Purgat, cum vino fuerit sisumpta frequenter:*

„ *Humores nocuos pulmonis detrahit hausta,*

„ *Mixtus aquæ tepidæ si succus sumitur huius.*

Subdit præterea, quòd cardiacis valde prodest, & iis qui coxēdicum labores patiuntur: adhęc, quòd vino sæpè immersa, memoriam reddit illæsam ac vegetā. Hic non tacebo quod expertū audiui: Si mulier post partum non potest liberè purgari, propina illi succum borraginis, porrorum & petroselini, cum vino, vel oleo dulcium amygdalarum, & videbis rē admiratu dignam. Si addideris suffitum ex cornibus & vnguibus capræ, vterum valde commouebis ad excludendum excrementitias gestationis reliquias.

Asparagi, & medica eorum auxilia.

AREA X.

HIC mihi monendus est lector, quod Græci germina herbarum & fruticum ante florem erumpentia, nomine largè sumpto, asparagos nuncupare solent. Sed nos hoc loco agimus, duntaxat de iis asparagis qui satiui sunt & altiles, quique propriè ac peculiariter id nominis sunt adepti. Horum cibus stomacho vtilissimus esse traditur: cui si cuminum vel anisū addatur, alii & coli inflationes discutiet, vrinas mouebit, ac calculos exturbabit. Sunt qui ad vuluæ dolores radicem cum vino dulci propinent, & negent ab apibus illum posse pungi, qui asparagis cum oleo tritis perunctus fuerit. Plinius pectoris & spinæ doloribus summè prodesse scribit, ac Venerem stimulare, & ventrem leniter mollire. Sed ante alias cibos debent sumi. Vnde maximo- perè peccant, qui postrema mensa illos apponunt. Dioscorides assos aut elixos, vrinæ stillicidium, difficultatemque, ac dysenterias mitigare tradit. Galenus vero renes ac iecur infarctu liberare, maximè radice & semine. Quod Q. Serenus

*Stomachus,
inflationes
alii & coli,
vrinæ, cal-
culus, vul-
uæ pectoris
ac spinæ do-
lor, Venus
& venter.*

*Straguria,
dysuria, dy-
senteria, re-
nes & ie-
cur.*

in sua illa celebri remediorū poëtica syl-
ua non omisit, hunc in modum scribens
de lumbis & renibus sanandis,

" *Aut caput asparagi cum vino sume vetusto,*
" *Seu maius appone: modus conductit uterque.*

*Vrina &
dentes.*

Radicis decoctum ægrè meientibus pro-
dest, ac dentibus excruiatis medetur, si
qua dolent parte contineatur. Non de-
sunt qui canes necari scribant, hausto
asparagi iuscule. Quod an verum sit, néc-
ne, faciet experientia fidem. Cæterùm
hīc non dissimulabo, nec tacebo, quòd
medicam coctionem sustinent asparagi:
nam diutiùs percocti, in tabem abeunt.
Ex quo Imperator Drusus, celerem rei
successum demonstrare volens, dicere
solebat, *Citius quam asparagi coquantur.* Si
in iure pingui elixentur, suum condi-
mentum sic apud multos secum referūt:
Si in aqua, oleo optimo, vel butyro recé-
ti, addito sale & aceto, piperisque momē-
to conspersi & imbuti, summa cum vo-
luptate māducantur. Sed rursus obliui-
scor me hīc medicum agere, nō coquum.

*Quomodo
coquendi et
parati sint
asparagi.*

HORTI MEDICI CAMPVS

SECUNDVS, RADICES ALIQVOT
esculentas, quatuor areo-
lis continens.

*Porrum hortense, & medica eius
auxilia.* A R E A I.

RADICES aliquot hortorum esculen-
tas medicè hīc descripturus, à porro
auspicandum duxi: quod Sotion in suis
Græcæ agriculturæ præceptis refert tri-
tum & appositum, morsus reptilium,
alio quoquis pharmaco citius curare: eiūs-
que semen cum passo potum, vrinę diffi-
cultati mederi. Adhæc vetustis sanguinis
reiectionibus opitulari, si temperato mo-
dulo cum pari baccarum myrti vel gallæ
mensura, & thuris farina, opportunè ex
vino, si febris absit, propinetur. Hippo-
crates absq; vlla mistura dari iubet, usum
que porrorum nimium & continuū pro-
hibet, quòd oculorum aciem hebetet, ac
stomachum malè habeat. In quam rem
Eobanus Hessus pulchrè & eleganter al-
lusit ad hunc modum:

*Reptilia,
dysuria,
sanguis,
oculis &
stomachus.*

*Officiunt oculis capitati segmina porri:
Interiora graui viscera mole premunt.*

Vsus illorum innocentior fiet, si tantum
percoquatur, vt in tabem ferè soluatur:
sic enim creduntur non minùs alere q
carnes: tametsi ægrè à ventriculo confi-
ciantur, ob fibrosum nescio quid, quod
illis inest. Crudorum succus largus Pli-
nio inter deleteria recēsetur. Nam fama
est, Melā equestris ordinis reum, ex pro-
curatione à Tiberio principe accersitū,
in summa desperatione succo porri ad
trium denariorum argenteorum pōdus
hausto, confestim expirasse absque cru-
ciatu. Porrum ex melle tritū vlcera pur-
gat: & eius succus paucus cum lacte mu-
liebri haustus, profluua ex abortu sedat,
tussimque vetustam curat, quemadmo-
dum herbularius adnotauit poëta,

” *Comixtus, inquit, porri succus lacti muliebri,*
” *Et bibitus, tussim fertur sanare vetustam:*
” *Ac variis vitiis pulmonum subuenit idem.*

Vlcera, flu-
xus mulie-
bri, tussis,
pulmo, pun-
catura vene-
nata & ca-
pitis dolor. Datur salubriter cum vino his qui à ve-
nenatis bestiolis iecti fuerunt: imò verò
cum melle tritum vtiliter puncturæ ea-
rundem superponitur. Si prætereà eius
succo pars mellis tertia addatur, & per
nares vel aures guttatim infūdatur, mo-
dò id tepidum fuerit, capitis dolores fri-

gidos compescet. Idem succus aceto exceptus, vel cum galla remixtus & fronti illitus, stillantem è naribus sanguinem fistit. Quod etiā fiet si adiecto thuris polline naribus iniiciatur. Quin & thoracis vitia cum melle datus expedit. Hic non est tacendum ex Galeno, quòd porrum acrimoniam deponit, ac minùs inflat, si bis permutata aqua decoquatur, deinde frigida perfundatur: quo modo etiam fluentem aluum sistere fertur, & grauem vocem explicare, faucium asperitatē suo lentore deliniendo. Vnde & perdices (si Aristoteli credimus) porro vescuntur, canoræ vocis gratia. Hinc minùs mirū esse debet, à Nerone mansum fuisse porrum ex oleo, statis mensium diebus, ad conciliandam vocis præstantiam, dum pro ea certaret cum phonasco: per quod tēpus, nihil aliud, ac ne panem quidē, sumebat, quemadmodum scribit Plinius, qui de seculio porro id intelligendum censet: cui ille idem princeps Nero autoritatem dedit. Experti sunt nōnulli, succum porrorum ex vino haustum, lumborum dolores mitigasse, & fracturas, apponendo solidasse. Quid amplius?

Sanguis,
thorax,
fluor aliis
& vox.

Pulchra his-
toria de
Nerone.

„ Contractas vulvas succo curabis eodem:

„ Hocque hausto reddes fœcundas sœpè puellas.

Lumborum
dolor, fra-
cture, san-
guis, vulne-
ra & lotij
difficultas.

Dissimulandum non est ex Dioscoride,
Plinio & Celso, quod porris facultas in-
est adstringendi, & sanguinem, ut dixi-
mus, suppressandi: ex quo vulneribus
ritè imponuntur. Quod Q. Serenus non
tacuit, hunc in modum ea de re elegan-
ter scribens,

„ Præterea nimios reserati vulneris amnes

„ Fœniculi cinis adstringit, vel fimbria porri.

Semen eiusdem cōtusum, & ex passo, aut
vino albo generoso, ut diximus, bibitum
lotij difficultates soluit, ac vrinarios mea-
tus aperit. Et si succo porri misceatur
adeps anseris, ac eo inūgatur collum vte-

Vterus, par-
tus, sangu-
nis & utum.

ri post mēstruas purgationes, cōtractam
matricem relaxabit. Idem succus cū aqua
tepida haustus, potēter operatur in euo-
cando & ducendo fœtu parturientium.
A nonnullis pro experto audiui, quod
porri semina cū mirrha & aqua, vel succo
plantaginis trita, saluberrimum prēstant
auxilium aduersus excreções sanguini-
nis pulmonarias, vel thoracales. Et eo-
rundem drachmæ duæ cum granis ali-
quot myrti & aqua portulacæ idem ope-

rantur. Præterea vapor decoctionis foliorum porri, salviae & lauri ex generoso vino, per anum exceptus, & calentes herbae, ventri appositæ, eius dolores etiam colicos abolent. Quod experimētis multis testatum est cum sequentibus: nimirūm, quod succus porri sectiui cū melle vuluas purgat, & cū vino generoso hauſtus, menses ciet. Cibus ex illis frequenter repetitus, ad fœcunditatem prodesse fertur. Et si cum thure, aut galla teratur porrum, & eo nares inferciantur, fluentem ex illis sanguinem sistet. Cæterūm, si quis experiri volet num membrum aliquod amputandum, verè sideratum fuerit & sphacelismo tactum, partem eam porrorum quæ virescit, cōtundat, & una nocte membro superponat. Id si postridie liuorem aut nigrorem nō nihil exuerit, significabit vitale adhuc esse, sin minūs, mortuum & iustè amputandum, ne pars syncera trahatur. Experimētis multis confirmatum fuisse mihi fidem fecit Hispanus quidam arcanorum naturę explorator indefessus: quod posteris impertitum volui. De medicis porrorum auxiliis hactenus. Sed prius quam ex hac

Colicus dolor, vulna, menses, fœcunditas & fluor sanguinis.

Notatu valde dignum.

tabula porracea manū tollam, monuisse
iucundum erit, & fortasse gratum, quòd
qui cuminum prægustauerit, fœdum &
teturum porrorum odorem nūquam ex-
halabit, etiam si larga manu porrum ip-
sum manducauerit: nam eius esu grauis
halitus extinguitur, quēadmodum tra-
didit Sotion in græcis agriculturæ præ-
ceptis. Hoc vnum restat ex Petro Cre-
scentio cognoscendum, nimirum quòd
semen porri in vinum proiectum, efficit
ne aceſcat: imò verò vt acetum in vinum
redeat, hoc est acorem omnem exuat.
Quod experientia admodum facili & la-
bore paruo ita probari potest, vt inde se-
quantur cōmoda mille. Sed indigni sunt
noſtrates œnopolæ, vinorum peſtes, &
eorundem pernicioſi fucatores ac impo-
ſtores, qui hæc reſciāt, & alia item iucun-
da æquè ac vtilia, quāplurima, in noſtris
vinorum ſecretis & auxiliis deſcribenda.

Cepa, & medica eius auxilia. A.R. XI.

VETERES rustici, vt teſtatur Columel-
la, Cepas *Vniones* nūcuparunt: quòd
vno & singulari conſtent capite, & non
pluribus bulbis aut nucleis coagmētato,
vt

*Quomodo
tegatur fœ-
dus odor
ex porris.*

*Quomodo
fiat ex vino
acetum &
contra.*

vt allium. Quod nomen apud nostrates Gallos, velut triuiale hactenus usurpatur. Hippocrates cepam aspectu, magis quam esu, commendauit, visu bonam esse dicens, & gustatu malam, quia est mor-dax, summè calida, & æstuosa. Sotion Græcus agricola & medicus, autor est, quod si quis teneriorem cepā cum melle iejunus quotidie manduauerit, firmitatem valetudinis custodiet. Id quod etiā adnotauit herbularius poëta, de cepis hunc in modum scribens:

- ” -quisquis ieunia soluerit illis,
” Una quaque die, viuet hic absque dolore.

Tradit insuper idem Sotion, cepas ulce-ra ad sanitatem perducere, & vitiliges in Sole perficitas emaculare, purulentis que auribus suo prodeesse succo. Si angi-nis illinantur, illis auxiliari ferunt: perinde atque tussi, modò sub cineribus co-quantur, & ex oleo comedātur. Sunt qui adfirmēt virides cepas ex aceto perlitas, canis morsum post diem tertium solue-re: necnon in foculo tostas, & cum hor-deacea farina impositas, epiphoris, gen-taliūmque ulceribus succurrere: & suc-cum tepidum cum lacte muliebri instil-

Hippocra-tis iudicium
de cepa.

Ulceræ, vi-tiligines, aures, angi-na, tussis et canis mor-sus.

*Epiphora,
genitalia,
aures, ob-
mutescetes,
et morsus
canis.*

latum, aurium grauitatem ac sonitum emendare. Quem etiam ex aqua bibendum multi dederunt repente obmutescientibus. Hæc omnia, ille idem poëta, versibus aliquot expressit, de cepis ita loquens,

- „ Appositas perhibent morsus curare caninos,
- „ Si tritæ cum melle priùs fuerint, vel aceto:
- „ Apponunt alij cum vino, melléque tritas,
- „ Transactisque tribus soluūt cataplasma diebus.
- „ Fœmineo lacti commistus succus earum,
- „ Pellit sèpè graueis, infusus, ab aure dolores.
- „ Is rursum commistus aquæ, bibitusque iuuabit,
- „ Illos, quos subitus facit obmutescere morbus.

*Dysenterici,
lumborum
dolor, hy-
drops, le-
thargus, tu-
bercula, na-
res et caput.*

Non defuerūt qui cepas dysentericis exhibuerint, & lumborum doloribus mirificè prodesse dixerint: succùmque illarū cum succo fœniculi, incipientibus aqua intercutanea laborare vtiliter propinarent. Qui vñus cum ruta & melle, etiam lethargicos excitauit: & cum passis vuis, velfico, tubercula maturauit, & cōfestim aperuit. Idem naribus exceptus, caput à noxiis humoribus exonerat: & cum bōbace, in anum missus, cunctantes hemorrhoides euocat. Præterea cepa confricata pilos regenerat, & olfacta paraly-

ticos ac spasmodicos valde iuuat. Quæ alba est, sub cineribus cocta & multo butyro recenti excepta ac pista, vehementes hemorrhoidum dolores sedat, illis apposita. Cum sale & melle trita, & morsui ab homine vel rabido cane impresso, diem vnum admota, auxilium non vulgare adfert. Et si cum adipe gallinæ teratur, corporis rubras ac liuentes maculas obliterat, maximè faciei. Quod etiam præstat sanguis gallinæ nigræ. Eadem cepa cum sale aut melle trita callos & poros eradicat, præsertim qui de calceamētorum attritu fiunt. Addam ex Galeno, quòd qui ex vetere cepa locū alopecia vel ophiasis glabrum sæpenumero fricabit, summum illi præsidium adferet. Præterea, si cepa in vino, vel aqua parum coquatur, deinde teratur, & in oleo communi frigatur, ac vtero emplastretur, dolores à partu relictos soluet. Et qui eandem sub cineribus coctam cum fermēto & oleo liliorum subiget, præstantissimum habebit remedium ad maturādum, emolliēdum ac digerendum. Sed ne, obsecro, omittamus quòd cepa solo odoratu materiam multam pituitosam à cerebro elicit: ad-

Hæmorrhoides, pæ-
ralysis, morbus canis ac
hominis, pustule calli
porti.

Alopecia,
ophiasis,
partus &
plage bestiarum.

hæc quòd prisci bestiarum omnium plagi
 ceparum succum fœlici successu instil-
 lauerunt: monueruntque cepam com-
 māducatam, vel ex vino albo potam, tar-
 dantia menstrua accelerare, & pedum in-
 tertrigines, succo gallinarum pingui re-
 misto, emendare. Qui foculo percoctam
 & oliuo exceptam sumpserit, morsus ac
 biliosas erosiones, dysenteriæ comites,
 maximoperè leuabit, necnon sæuos hæ-
 morrhoidum labores. Sed lucubranti-
 bus, & literarum studiis addictis summè
 cauendum est, ne cepis ac alliis profusè
 vtantur: nam oculos vitiant, visum ob-
 tenebrant, sitim accendunt, & bilem ex-
 acuunt: prosunt tamen pituitosis vtcun-
 que, & maximè hyeme. His addo, ex Ga-
 leno, quòd cum bis elixa fuerit cepa, acri-
 moniam deponet, virésque imbecillio-
 res habebit, succi prauitatem nec retinēs,
 nec agnoscens. Verū enim uero, hoc loco
 valde admirandum occurrit, quòd cepe
 olerum omnium sola, vt tradit Plutar-
 chus, Lunæ damna non sentit, habéatque
 augendi & minuendi, vires illi cōtrarias.
 Nam reuirescit ac regerminat deceden-
 te & senescente luna, inarescit verò ac

*Menstrua,
 intertrigi-
 nes, dysente-
 ria, hemor-
 rhoides &
 oculi.*

*Cepam ha-
 bere vires
 lune con-
 trarias.*

marcescit eadem redeunte & adolescēte.
 Atque hinc fortasse factum fuit, vt Pelu-
 siotæ Ægyptij sacerdotes, cepas religiosè
 suis abdicarint mensis. Nam cùm fruges,
 herbæ, arbores & animalia sideris lunaris
 incremēta & detrimēta sentiant, sola ce-
 pa vicissitudines agnoscit aduersas. Pro Remedias
cōtra vſtio-
nem.
 coronide sit hoc. Ceparum philuræ seu
 tunicæ sub cineribus coctæ & tepidæ par-
 ti ambustæ admotæ, vſtionis cuiuscumque
 dolorem ac sensum tollunt. Quod etiam
 præstare solet earūdem succus expressus
 & linteolis exceptus, ac nonnihil calens
 per initia adhibitus. Nam acres fuligines
 & vſtionis scintillas sub densata cute de-
 litescentes expedit, & foras laxata cuticu-
 la abire sinit. Res variis experimētis mi-
 hi & item multis, sæpenumerò probata.

Allium hortense, & medica eius auxilia.

A R E A I I I.

INTER ruris pulmentaria, & domestica
 agri præsidia, allium admodū familiare
 esse, nemo est rerum rusticarū studiosus
 qui nesciat. Hinc de Græcis geoponicis
 vñus Sotion tradit, allia in cibo sumpta,
 vel è regione ventriculi appēsa, lumbri-

Lumbrici,
reptilium

E iij

*ictus, rabio-
si canis mor-
sus, & alio-
rum rene-
natorum.*

cos expellere: & in cataplasmate, morsis
à vipera, aut rabioso cane, mirum in mo-
dum auxiliari: imò verò si quis illa præ-
sumperit, à serpentū, reptiliūmque ve-
nenis tutissimum esse. Quarum rerum
post Græcos, Arabes & Latinos medicos
omnes, testem citabimus Eobanum Hes-
sum, poëtam elegantiss. de allij viribus
in hunc modum scribentem:

” *Nanque venenatis melius vix ylla medentur*
” *Pharmaca, serpentes illius arcet odor.*

Quod etiam longè ante Eobanum con-
firmavit herbarius poëta, de eodem al-
lio sicloquens,

” *-mansum, vel inunctum*

” *Curat quos serpens, vel scorpius attulit ictus.*

” *Sanat & appositū morsus cum melle caninos.*

Pulchra & Hinc verè scripsisse mihi videtur Vol-
mirabilis terranus, suo tempore inuentum fuisse
historia, ac rusticum, qui cùm serpētem per hiantes
notatus sum- fauces in agris dormiēdo, ignoranter ad-
mē digna. misisset, sese statim commāducatis alliis,
ceu præsenti amuleto curauit: virus ta-
men ac mortem, vxori (res mira) in coi-
tu stillauit, ac transfudit. Ex quibus faci-
lē colligis, allium rusticorum theriacem
appositissimē dici: quòd illo nec præsen-

tius, nec certius vllū habeant antidotum
agrestes aduersus venena & venenata
omnia. In quam rem allusisse mihi vide-
tur Virgilius philosophus & medicus ar-
canorum naturæ conscius, hoc disticho,
» *Thestilis & rapido fessis messoribus æstu,*
» *Allia serpillumque herbas contundit olentes.*

Causa esse potest, quòd odorata omnia,
vermibus ac serpentibus sint valde no-
xia: vel quòd allia defatigatos spiritus re-
creent, & labascentes vires firment ac su-
stineant. sed versus Æmilij Macri super
ea re pulchrum erit audire.

» *Hæc ideo (inquit) miscere cibis, messoribus
est mos,*

» *Vt si forte sopor fessos depresso artus,
Anguibus à nocuis tuti requiescere possint.*

Redeo ad facultates, & medica alliorum
auxilia: quorum spicata & bulbacea capi-
tella melle subacta, suggillata delere, ac li-
uentia ad colorem reducere experientia
docuit: necnon vrinas mouere, vitiisque
renum pugnare: & dentium dolores, ore
contenta, sedare, maximè à causa frigida.
His, ex Celso licebit addere quòd allium
ante accessionem quartanæ manducatū,
calorem mouet qui horrorem non ad-

*Acria &
odorata, oīa
serpentibus
infensa.*

*suggillata,
vrine, re-
nes, dentes,
quartana
et oculi.*

mittit. Sed illud de multis est memorabile, ut scripsit Serapio, quod licet sanam oculorum aciem laedant allia, nihilominus eandem humiditate vitiatam ac hebetem refocillant. Cum nitro, sale & acetato inuncta, phthiriasi, seu pediculari morbo medentur: quod etiam praestant per se, tum pota, tum illita, ex Plinij & Auicennæ sententia. Dioscorides contra pediculos & ledes, cum origano utiliter propinari tradit, siue cruda, siue cocta fuerint. Absque rei alterius permisitione in cibo sumpta, contra vermes prodesse, autor est Celsus: cui subscribens Rufus Ephesius addit, noua antiquatis esse praestantiora. Cum oleo & sale papularum eruptionibus profuisse testatum est: adhæc, lentigines ac lichenas emaculasse. Vetus tam cruda, quam cocta succurrunt: sed cocta crudis utiliora censentur, & elixa, tostis, ac ita voci plus conferunt. Sunt qui pro certissimo experimento mihi nuntiarunt, allia tria cum porci axungia subacta ad formam vnguenti, summum exhibuisse praesidium aduersus tussim ex frigore contractam, quoties plantæ pedum eo vnguento, ante focum inundatæ.

Pediculi,
lendes, ver-
mes, papu-
larum eru-
ptiones, len-
tigines, li-
chenes &
tussis.

Tussis, se-
bris, vene-
num, conco-
ctio & oculi.

fuerunt, & in lecto, spina dorsi: verūm in prandio & cœna pectorali decocto vten-
dum est. Profuit idem vnguētum etiam contra febriles horrores ac rigores, sed cum suprà dictis, carpi manuum etiā in-
ungi debent. Qui allia prægustauerit, si venenum hauriat, nihil ei incommoda-
bit: & qui coctionis munia obire nō pos-
funt, magnas vtilitates ab alliis percipiēt:
modò id prodiga non fiat manu: nam sic oculis impense nocerent: quod non præ-
termisit poëta Hessus, de allio ita canēs.

- „ Præterea, coctūmue cibo, crudūmue comedūm
- „ Calfacit, & stomachos humiditate leuat.
- „ Verūm oculis persæpe nocet, si copia sumpti
- „ Multa sit, & siccâ conficit ora siti.

Praxagoras aduersus morbum regium, icterus, se-
cundae par-
tus, nephre-
tici, vrina
et hydrops. cum coriandro in vino admiscet. Hippo-
crates suffitu, secūdas partus euocari exi-
stimat: quod etiam testatur Plinius, apud quem secundos partus perperam scribi existimo. Diocles apud eundem, nephre-
ticos, si elixum fuerit, iuuare contendit: vbi etiā phreneticos malè scribi arbitror. Sententiæ nostræ astipulatur Didymus Gr̄ecus geoponicus, tradens allia vrinam subducere, & nephritim, siue renū mor-

bum curare. Nunciarunt mihi nonnulli certo experimento, allium elixatum, vel sub cineribus coctum, & cum pice tritū, omnia quæ in vulnere continētur extrahere. Adhæc nucleos allij sua tunica exutos, & in muliebre pudendum penitus missos, menstrua emulgere: sed filo debent coxæ alligari, ut cùm visum fuerit retrahi possint. Addebat id iucundius & multò plausibilis fieri, alliis cum oleo despica tritis, & in rarum linteolum oblongi sacculi modo conformatum, intrusis, ac in vuluam profundè pulsis, & dum licebit exclusis: sic enim cessantes menses potenter mouent, & vterum mira voluptate reficiūt ac repurgant: adeò vt hinc facta sit via nonnullis ad cōceptum, longo tempore desperatum. Hic non tacebo, quòd allij nucleolus decorticatus & assatus, ac denti excrucianti appositus, illi egregiè auxiliatur, modò à causa frigida obortus fuerit dolor. Quod etiam experti sumus in radice chelidoniæ trita & admota. Præterea, allium cum vino tusum & percolatum, valde confert puncturæ serpentis, si illico bibatur, & acri cepa locus ictus diligenter confricitur:

Vuln^o, mē-
strua, vte-
rus, conce-
ptio.

Dentes, ser-
pens & re-
nenata.

vel emplastrum ex alliis, foliis ficus & cumino vnā attritis, eidem superponatur. Quæ res etiam locum habere poterit in aliis venenatorum animalium morsibus. Eadem porrò allia cum cētaureo vel duplii fico, ad euacuādam & exclusis aquis resiccādam aluum, hydropicis valde conferre, testatur Diocles: sed certius id prestatre aiūt viride allium, ex mero cum coriandro tritum ac epotum. In quam rem πάρεργον non erit poëtæ herbularij versus proferre, quibus hæc & superiora pulchrè, sic satis, confirmat: de allio itaque hunc in modum scribit,

*Notanda
hæc anti-
quorū ex-
perimenta.*

- Prodidit Hippocrates educi posse secundas
- Fumo combusti, si vulnera diu foueatur.
- Praxagoras illo fuit usus cum coriandro
- Et vino, morbos sic curans ietericorum.
- Cum centaurea Diocles dare præcipit illud
- Hydropicis: si humores desiccat aquosos.
- Idem nephreticis elixum sumere iussit.

Sunt qui dentium dolores frigidos consopiant tribus alliaceis bulbulis, in aceto tritis, & in dentium caua immisxis. Alij, sola aqua decoctionis eorum os colluūt. His addendum venit, quod porrigines, ex aceto & nitro tollunt allia, valéntque

*Dentium
dolor, pru-
rigo, turbidæ aquæ,
frigidus aëris
& quarta-
næ.*

plurimūm præsumpta, & ore contenta,
aduersus frigidi aëris iniurias, ac turbidarum aquarum, niualiūmque incommoda. Quartanas bulbulus vñus, cum la serpentij obolo potus fertur excutere: adhæc in cibo mistus & comminutus, aduersus pituitam gallinarum, ac gallinaceorum valde prodesse.

„ *Est id de multis etiam nescire pudendum,*

„ *Quòd nihil hoc Veneri gratius esse solet.*

Vnde si trito allio iumentorum natura tangatur, vrinam impeditam expediri, &

Vrina, Venus, capititis dolor, surditas, tussis, suspiria, vox rauca, teinesmonus et pulmonum effectus.
hinc ad Venerem proritari aiunt. Si cum faba ad tabem usque coquatur, & tempora inde illinantur, hemicraniam capitísque dolores, à frigida causa, de experiméto sanat: & cum anseris adipe auri instillatur, & surditati prodest. Elixum, tufsim, suspiria, ac raucam vocem emendat.

Quòd si pulticulæ incoquatur, aduersus teinesmon mirè confert, ac frigidis, pituitosive pulmonum affectibus summè auxiliatur. Porrò, Galenus tradit, bis tereue cocta & elixa allia, acrimoniam depnere, sed alimentū corpori paucissimum dare, quod ante elixationē omnino negabant. Abstinendum tamen præcepit,

non solùm à frequenti illorum vſu, sed acrīum omnīum, his potissimūm qui naturā sunt biliosi. Solis enim qui succum crudum, crassum, aut lentum aceruarunt accommoda sunt, modò opportunè sumantur. Quæ sequuntur omittēda non duxi. Prodit Didymus, Græcus rei rusticæ scriptor, vel potius Sotion, vt meus habet codex Græcus, tædium halitus à manducatis alliis conciliatum aboleri, si faba cruda illis superedatur. Alij, betæ radicem in prunis tostam supermāducare, satis supérque esse putant: quo remedio virus tegi, è Græcis, Menander vnus pollicetur, sicuti in betæ medicis auxiliis paulò antè adnotauimus. Nostrates apio viridi fastidium illud deponunt. Si volēs allia habere, quæ mandentium halitum nullo modo vitient, & teturum odoris halitum deponant, imò verò vt dulcia euadant, consule librum secūdum nostrorum Secretorum horti, inuenies illuc quod placuisse queat. Duo valde mirabilia (quod postremum erit) hoc loco non tacebo. Prius est, mustelas & sciuros tentato allio dentibus, vix audere in posterum mordere, cicurésque hoc modo

*Quomodo
fædus halit
tus à com
manducatis
alliis possit
emendari.*

*Duo pul
chra et val
de notanda.*

fieri. Posterius, allia arborum ramis suspenſa, accedentes ad fructuum deprædationem auiculas longè arcere, si vera ſunt quæ in Græcorum georgicis adnotauit Democritus: cum quo hanc alliorum historiā claudimus, ut reliquis ſuus detur locus.

Raphanus seu radix altilis, & medica eius auxilia.

A R. I I I I.

*Nephretici,
calculosi,
vomitus &
eructatio-
nes.*

RA P H A N V M satium, vulgus Gallicum *Rauen*, & *Reforum*, aut *Raphum* nuncupare ſolet: quo plerique omnes urbani & agrestes, dum cibi fastidio vrgentur, edendi appetentiam vbiue excitant, nunc per ſe, nunc cum aqua & ſale. Florentinus Græcus in suis de Agricultura commentariis ſcribit, pituitofis valde commodare, & nephreticis calculo vexatis appositè mederi: maximè ſi quis partem illius externalam, cum vi- no albo & aqua coctam, vel tufam, nec non percolatam, iejunus diluculo hau- riāt, & dies aliquot id facere perſeueret. Vacuo ſtomacho ex aqua tepida offer- tur, ut meatum vomitionibus præparet: in quam rem medici potiū ſemine vtū-

tur, quām carne. Si cum oleo manducetur, eructationes de ventriculo, quas sollet, ciere non potest: nam eas exhalare non sinit oleum. Succus ex passo potus regium morbum curat, & cum melle, tufses. Quæ res etiam suspiriosis & anhelosis cōcedetur. Medius apud Pliniū medicus, coctos raphanos dare iubet sanguinem excreantibus. Cui sic subscribit Q. Serenus,

Icterus, tufsis, suspiriosi, anhelosi & sanguinem excreantes.

„ *Sin autem rutilus referetur pectore sanguis,
Sorbitio menthae, raphanus vel cocta iuuabit.*

Idem Plinius autor est, satiuos raphanos in posca decoctos, serpentium morsibus mederi, si illinantur: sed poscam non addit Q. Serenus, his verbis rem eandem sic persequens,

„ *Proderit & caulem cum vino haurire fabuci:
Aut coctum raphani librum, tritumue ligare.*

Tradūt alij, quod tota radix venenis usque adeò aduersatur, ut præsumentibus ieiunis non sint nocitura. Et qui eius succo infectas habuerit manus, serpētes impunè tractabit, quod credendum potius quām experiendum suadeo. Sed illud de multis videtur memorabile, quod qui raphanum prægustauerit, si à scorpione

*Serpentum
morsus &
venena.*

feriatur, citra vitæ aleā euadet: Et si scor-
 pionibus inspergetur raphanus, illos ad
 mortem adiget. Addunt Græci geopo-
 nici, quòd si quis à tormētis plagas ac vi-
 bices accepit, trito ac imposito raphano
 emendabit: nam cicatrices ac liuores ad
 colorem reducit, lentiginésque in facie
 delet: quartanarios liberat, si continuo
 vsu ventriculus in vomitiones illo effun-
 datur. Puerperis ac nutricibus ad augen-
 dam lactis copiam efficaciter exhibetur,
 ruétisque primo cibo laxat, & vrinas ex-
 haurit. Hactenus bona ex parte Floren-
 tinus, inter Gr̄cos geoponicos summus.
 Hippocrates, vt medica rusticis coniungam,
 capillos mulierum defluos tritis ra-
 phanis fricari iubet: adhæc super vmbi-
 ua, iliosi, co-
 lici, mēstrua,
 lumbrici &
 angina.
 Capilli, vul-
 ua, iliosi, co-
 lici, mēstrua,
 lumbrici &
 angina.

licum poni contra vuluæ cruciatus. Pra-
 xagoras iliosis dandos censet, & Plistonius
 colicis. Cum melle non solūm men-
 ses euocant, sed & intestinorum animalia
 detrahunt, ac anginis opitulantur, cum
 aceto mulso gargarisati, vt verbo vtar
 medico. Sed in his Galenum, audiēdum
 esse quis dubitat? Radix raphani, inquit,
 ex iis est, quibus assiduè vescimur, éstque
 obsonium magis quām alimentum. Scri-
 bunt

bunt multi, tam cibo quām potu aduersus fungorum strangulantia pericula salutarem esse. Sanguinem acrem & mor-
daceum gignit, proindeque biliosis cor-
poribus obest. Sunt qui cacostomachum
afferant, ac ructus ciere dicant, necnon
cruditates, si coetrix virtus imbecilla fue-
rit. Quæ omnia intelligi debent de im-
modico illius usu, eoque simplici, vel cū
pauco rerum aliarum cibo. Nam ut ho-
die estur, eius vires facilè obtunduntur. Mi-
ratur Claud. Galenus quosdā crudas ra-
phani radices à cœna manducātes, vt co-
ctionem iuuent. Quod tametsi, inquit,
dicant se compertum habere experientia,
nullus tamen citra damnum potuit eos
imitari. Hinc, sanè q̄ recte poëta Hessus
scripsisse mihi videtur,

„Et sunt ante cibum qui magis esse probent.

Decoctione foliorum utilis est contra ob-
structiones hepatis & ieterū. Vnde pru-
denter facere mihi videtur, qui foliis ra-
phani loco brassicæ, iuscula condunt sua,
gusto æquè ac sapore ex utrisque admo-
dum iucunda & salubria. Succus radicis
vel oleum eiusdem auribus instillata, fla-
tus & sibila dissipant: & semen ex vino

Raphani
facultates
ex Galeno.

summè no-
tanda &
aduertenda.

Hepar, icte-
rus, aures,
venena, pe-
stis, gangra-
na, phlegmo-
ne, vesica,
lotiū, sug-
gillata, lac
& dentes.

F

albo tritum, percolatum & potū, nō minūs est efficax aduersus venena, quām theriaca. Quod in lue pestilenti sāpenu-
mero obseruatum vidimus. Idem se-
men cum aceto tusum & gāgrēnis appo-
situm, illas valde emēdat. Et si ex percus-
sione, vel flagellatione, vibices, liuores
aut vestigia superfuerint, delebuntur se-
mine raphani cum melle trito & inūcto.
Si cum aceto radix teratur, initiantes
phlegmonas iuuabit: & si cū radice nenu-
pharis coquatur, vesicæ dolores sedabit,
ac lotium promouebit, emplastri modo
pubi admota: præterea si succo eius ca-
seus salē expertus miscebitur, suggillata
obliterabit. Addā quòd ex frequēti vſu
raphanorum, lac augetur: nec omittam
Plinium tradere, raphanis acrimoniā in-
esse pro crassitudine corticis, ac dentibus
nocere, quòd illos atterant. Est certè hoc
admirabile, raphanis & vitibus odia vſ-
que adeò infensa & pernicialia esse, vt si
iuxtā serantur, ad sensum diffugere vi-
deantur, occulta nescio qua naturarum
discordia. Quòd si permutatis scrobibus
pangantur, nullo modo comprehendēt:
ex quo, contra ebrietatem, medicinā esse

Mira de ri-
te et rino
cū rapha-
nis.

raphanum scripserunt Græci, illum cum brassica, vt in nostris hortorum Secretis adnotauimus, confundentes, & cōtraria facultate (quod ad vina attinet) dotantes. Nam si in dolium corrupti ac vitiati vini immittatur, & paulò pōst eximatur illud emēdare fertur, & vitium in se contrahere. Quod contrario fit modo à brāsica, quę vino immersa, illud vitiat & corrumpt, tantū abest, vt emendet ac reparet. Petrus Crescentius (ne quid hīc dissimulē quod legerim, audiuerim, vel obseruauerim) tradit ex raphano acetum fieri medicatū hoc modo. Radices raphani siccatas in puluerem redigito, deinde in vas quod vinū habeat, infundito, misceto, ac dies aliquot quiescere sinito, sic acetum comparabis raphanatum, ad renūm calculos atterēdos & deturbandos, aliāq; multa, summoperè vtile. Pauca restāt. Fuit apud priscos in tāto honore raphanus, vt Moschion Græcus de ei⁹ laudibus integrum scripserit volumen. In quo illum cæteris cibis in Græcia usque adeò prælatum fuisse tradit, vt Delphis in templo Apollinis ex auro dicaretur, beta ex argento, & rapum ex plumbo.

Quo modo
fiat acetum
raphanatum,
et que sint
illius vires,

F ij

Pulchra de
raphano, be
ta, & rapū.

Quod hisce quatuor versiculis doctè cō-
plexus est Eobanus Hessus , sic de rapha-
no loquens,

„ Fabula narratur sacros ab Apolline Delphos

„ Omnibus hunc aliis præposuisse cibis:

„ Ex auro vt raphanum sacrarent, pōdere betam

„ Argenti, plumbum rapa fuisse ferunt.

Nephretici,
calculosi, co-
lici, & vri-
ne suppres-
sio.

Priusquam manum de hac historia tollā,
secretum raphaninū multis experimen-
tis mihi probatum & confirmatum cōtra
nephreticos cruciat⁹ & colicos, à calculis
vel flatibus obortos , necnō ad ischurias,
candidis lectoribus, candidè, vt omnia,
hīc proponam: quod tam præcauendo, q̄
curando summoperè efficax & salutare
inueni, ac pecunia oblata multis recusa-
ui: sic itaque habet . Accipe corticū acer-
rimi raphani vnc.vnam:ossium mespilo-
rum drach. duas : blandè cōquassata ma-
cerentur horis octo in vini albi generosi
vnc. quatuor , deinde percolata & modi-
cè calentia propinentur in egressu lectu-
li, & eiusdē ingressu : itereturque potio,
si opus fuerit, dosim eius augēdo vel mi-
nuendo pro corporum & etatum modu-
lo . Non deerūt qui pro tam salutari mu-
nere mihi summā sint habituri gratiam.

Sed scitu etiam iucundum erit, quod raphani ebora perbellè expolire feruntur: & salis cumulos quantumuis ingentes, in aquam falsuginem ilicò trāsmutare, si illis consepiantur: & si vino immergantur, fœtorem eius contrahere. Verūm hæc extra medicum nostrum institutum esse videntur: sequor itaque reliqua.

HORTI MEDICI CAMPVS TERTIVS, HERBAS ODORATAS accipiens, x i areolis.

Salvia hortensis, & medica eius auxilia.

A R E A I.

NVLLI, vel saltem perpauci, reperiuntur horti, tam urbani quam rustici, in quibus frutex iste non spectetur: de quo nec temerè, nec ineptè mihi videtur scripsisse herbularius poëta,

- » *Cur morietur homo cui Salvia crescit in horto?*
salutaris enim est planta. vnde illi fortasse nomen, vt ille idem poëta innuisse videtur, hoc senariolo rythmologico,
- » *Salvia saluatrix, naturæ conciliatrix, &c.*
Ad fœcunditatem imprimis, summè utilis cœsetur: ex quo Agrippa, illam sacram

F iij

*Fœcūditas,
partus &
conceptus.*

*Menses, mu-
liebre pro-
fluuiū, ner-
ui & ma-
nuum tre-
mor.*

non temerè appellauit: tradiditque Leç-
nas eam querere & manducare ad partus
facilitatem. Nec omisit Aëtius quod gra-
uidæ mulieres, si fluidæ laxæ que sint, illâ
utilissimè vesci possunt: nam conceptum
retinet, ac vitalem reddit. Si mulier suc-
ci plantæ huius heminam cum modico
sale, quarto à secubitu die potauerit, de-
inde viro post horæ quadrantē sese com-
miscuerit, proculdubio concipiet, si non
sunt mendaces priscorū libri. Hinc aiunt
in Copto Ægypti post sœuas pestilentias
ab his qui superfuerunt, ad eius succum
bibendum mulieres coactas fuisse, pluri-
mosque foetus inde productos. Medici
tradunt saluiæ suffitu, menses immoder-
atè fluentes, & omne muliebre proflu-
uiū fisti, ac neruos omnes roborari: quod
etiam contingit potu eiusdem: nam hu-
miditates valde exiccat, quibus illi rela-
xantur. Ex quo manuum tremoribus au-
xiliari fertur. His addimus, q̄ folia potui
imposita, eius prauitatem & malitiam,
si quæ insit, emendant. Quod vulgato
hoc versiculo etiam iactari solet,
Salvia cum ruta, faciunt tibi pocula tutā.
Eadē trita & venenatis morsibus super-

posita, illis auxilio esse traditur, ac vulnorum cruentum retinere. Et si cum vino succus eius tepidus hauriatur, veterem tuftam & lateris dolorem compescit. Bibita vel supposita matricē purgat, & secundas à partu remoratas educit, necnon cunctantes fœtus excludit. Potatur insuper salutari haustu cū absinthio ad dysenteriam: ferturq; mortuos partus adposita extrahere, & vermes aurium educere, necnon ex oleo attrita, contra serpentes prodesse. Capillum denigrat, ac tetra ulcera purgat, & cum vino menses remoratos trahit. Testium præterea, & vulnus pruritus extinguit tam rami quam folia, si eoru decocto foueantur. Quod herbularius poëta his versibus utique expressit, de illa ad hunc scribens modū,

- ” Pruritus vulnus curat, virgaque virilis
- ” Si foueas vino, fuerit quo saluia cocta.
- ” Illius succo crines nigrescere dicunt
- ” Si sint hoc vnceti crebro, sub Sole tepenti.

Fit vinum ex saluia, saluiatum dictū, ad multa utile & expeditum: de quo in vinis medicatis abundè scripturi sumus, si diuina nobis fauerint numina. Hæc sint pro colophone huius capituli. Orpheus

Morsus venenati, tufsis, vulnera, lateris dolor, dysenteria, partes & vermes.

Serpentes, capillus, ulcera, menses, testes & vulna.

*Sanguinis
excreatio,
appetentia
& stomacho.*

*Salvia ve-
nenatis ani-
malibus ob-
noxia.*

dare præcipiebat sanguinem excreanti-
bus, saluiæ succum bibendum cum mel-
le, ieuno stomacho, atque hinc effrenes
illius impetus ilicò cohíbebat. Sunt qui
in condimentis, & falsamentis vtātur sal-
uia, vt semisopitam appetentiam exci-
tent: maximè cùm stomachus humori-
bus prauis & crudis fuerit imbutus. No-
lim impræsentiarum omissum, quòd sal-
uia in hortis comitem ac vicinā, vbique
habere debet rutam: alioquin à serpenti-
bus ac buffonibus vitiabitur (magno ve-
scentium périculo) qui prope eam stabu-
lari solent. Indicio erunt folia, illorū af-
flatu in summitate, ceu sideratione qua-
dam, vista ac denigrata. Sūt alia saluię me-
dica secreta haētenus inaudita, quorum
gustum tibi exhibebimus, cùm tempus
suaserit & res.

Hyssopus, & medica eius auxilia.

A R E A I I .

HYSSOPVS Gallis vel hoc nomine co-
gnita est, quòd in vsum condimen-
tarium illis frequenter veniat, & recen-
tibus fabis dum elixantur, aut friguntur,
populariter, ac salubriter, remisceatur,

nam flatuosam illarum humiditatem discutit & emēdat. Cum vino cocta & gar-
garissata, anginæ medetur: babitúrq; vt-
liter ad suspiria, & ventris lumbricos de-
turbandos. Quadrupedum scabiem ex
oleo curat: & cum aqua, melle, fico & ru-
ta, peripneumonicis & hepaticis suo de-
cocto succurrit: necnon tussibus vetustis,
orthopnoïcis, pleuriticis & destillationi-
bus obnoxiis, vt interim non omittam
quòd etiam teinias in aluo necat, ac lum-
bricos cum ficubus, & ad vlcera manātia
valde est efficax. Iusculum eius cum ace-
to mulso propinatum, lensorē, & crassi-
tudines pituitæ dissecat, ac per inferiora
abigit. Ad aquam intercudem & lienem
tumefactum cum fico, nitro & iride effi-
caciter illinitur. Cum calēte aqua, suggil-
lata emēdat, & aurium inflationes ac tin-
nitus, vaporis sui suffitu, discutit. Den-
tium excarnificationes mitescunt, si il-
lius decoctione tepida cū momento ace-
ti colluantur: maximè si dolor excrucias
à causa frigida obortus sit. Vinum deco-
ctionis eius, vteri suffocationes laxat, &
matricē à superfluis humoribus absterget.
Singula his versibus nobis expe-

*Angina, su-
spiria, tum-
brici, perip-
neumonia,
tussis, hepā-
tici, ortho-
pnoici, pleu-
riticis, et vl-
ceras.*

*Pituita, hy-
drops, lien,
suggillata,
aures, dēres
& vterus.*

diet herbularius poëta,
 " *In pectus, capitis si destillatio fiat,*
 " *Quæ persæpè solet tussim, phthisimque creare,*
 " *Prodest hyssopi decoctio, sumpta decenter:*
 " *Sic ut cocta simul sint mel, ficus quoque sicca.*

Proderit etiam iisdē puluis hyssopi cum melle, in modum ecligmatis, aut cū oxy-melite. Quod medicamentum etiam flatus abigit, & viscosum phlegma diffecat, redditque ad expulsionē facile. Sed pulchrum erit in medium proferre quæ de hyssopo scripsit Ioannes Mesue, familiæ Arabicæ medicus præstantissimus. Hys-

Thorax,
pulmo, asth-
ma, epilep-
sia, coctio,
respiratio,
hepar, lien
et viscera.

sopos (inquit) thoracem & pulmones, partésque alias respiratorias pituita, & humoribus putribus ac pure expurgat: & tenuando, incidendo ac tergendo sputū facile reddit. Ob hæc asthamati & epilepsiæ pituitosæ, cæterisque cerebri affe-ctibus humidis salubris est, si decoctum eius sumatur cū oxymelite scillitico. Coctionem quoque iuuat, respirationē leuat, & cutis colorem floridum facit. Cum vino decoquitur ad soluendos tumores hepatis, lienis & aliorum viscerum. Quæ odore & sapore est acerrimo, præstantior censetur, & quo floret tempore, eo colli-

Flatus &
pituita.

gi debet. hactenus Mesues. Hoc loco
mihi sanè quām opportunè in mentem
venit secretum cuiusdā doctissimi medi-
ci, facile admodum & familiare ad detur-
bandos è renibus calculos. Id solum con-
stat syrupo hyssopi cum duplo vel triplo
aquæ parietariæ. Quo remedio per dies
decem aut duodecim hyeme propinato
adolescenti cuipiam, & aliis, ieuno ven-
triculo, ille mihi fidē fecit se multos cal-
culos è corporibus eorum exclusisse. Hęc
de hyssopi viribus satis erunt, vbi admo-
nuero quod mediocrem sustinet coctio-
nem ac trituram.

Satureia, & medica eius auxilia,

A R E A I I I .

SATVREIA Gallis Sarrieta dici solet, vri-
nas ciens, ac mēses euocās. Herba eius
cū floribus, olfactu, aut coronæ modo
capiti imposita, veternosos excitat. Suc-
cus cum rosaceo auribus dolentibus rite
instillatur, & cum triticea farina coxen-
dicibus utiliter illinitur: medeturque cū
vino, pulmonis, thoracis, ac vesicæ vitiis.
Pulices, cum aqua trita & respersa, necat:
purgatque optimè mulieres à partu, ac

Vrina, men-
ses, veter-
nus, aures,
coxendix,
pulmo, tha-
rax, vesica,
pulces, par-
tus & coi-
tus.

Ventriculus, marcescentes coitus stimulat: quare à Satyris salacibus nomen traxisse creditur,
pulmones, vt sit satureia, quasi satyreia. Non est o-
tormina, le- mittendum quòd ventriculi coctiones
thargus & adiuuat, & eius fastidia discutit. Suba-
Venus. ctus illius puluis cum melle cocto, & de-
linctus, aut cum vino haustus, tenacem
pectoris humorē per sputa educit. Idem
cum vino tepido, ventris tormina com-
pescit. Lethali somno oppressos exper-
geficies, si aceto calido satureiam com-
misceas, & inde caput frequenter foueas.
Puluis in ouo sorbili haustus, Venerē so-
pitā excitare fertur. Hęc de satureia satis.

*Maiorana, seu sampsuchus, & medica
eius auxilia.* A.R. I I I I.

MAIORANA Gallis dici solet, quæ aliis
sampsuchus appellatur: nomine, vt
videtur, à Latinis mutuato: fortasse q
maiore cura & diligētia à mulierculis ex-
colatur, quām herbæ multæ. Huius vis
excalfaciens esse traditur, vnde iuscum
decoctionis eius, ad incipientem aquam
intercutem salubriter propinatur: nec
non his quos lotij difficultas, aut tormi-
na malè discruciant. Folia arida ex melle

Hydrops,
dysuria, tor-
mina, sug-
gillata, mé-
ses, oculi,
tumores,
scorpiones,
luxata ce-
rebrum &
veneris.

illita, suggillata emēdant: & remorantes
menses, in pesso subdita sensim euocant.
Oculorum inflammationes prohibent,
& cum polenta, tumores. Scorpionibus
ex aceto & melle inuncta aduersantur, &
cum cera luxatis mirè prosunt. Succus
expressionis maceratorum in vino, nari-
bus attractus, aut immissus, sternutamē-
ta mouet, & à pituita cerebrū expurgat.
Oleum ex iis cōcinnatum, matricis coar-
tationem laxat: modò collum vteri, vt
scribit Auicenna, illo inungatur. Mirabi-
le sanè est, nedū memorabile, mures ra-
dicibus maioranæ certatim insidiari (sic-
uti à nobis sæpius obseruatum est) ac si
medicamentum & præsens auxilium ab
illis deposcerent: sed in quem affectū, aut
quam in rem, nos adhuc planè ignora-
re fatemur.

*Mures radi-
cibus maio-
ranae insi-
diari.*

Fœniculum, & eius medica auxilia.

A R E A V.

HORTIS omnibus innotescit fœnicu-
lum, à serpentibus summè nobilita-
tum. Nam gustatu eius senectam exuere
& oculorum aciem reficere traduntur.
Vnde intellectum est, inquit Plinius, ho-

Caligo oculorum, lac, nausea, vētricul⁹, pulmo et iecur.

Venter, lotium, tormina, renes, menstrua, hydrops & tumores.

minum quoque caliginem eo præcipue
releuari. In lactis defectu potum illius se-
men mammas implet: quod vnum etiam
præstat, autore Dioscoride, si cum ptissana
exhibeatur, imò verò herba ipsa. Idē
semen ex aqua tritum nauseam sedat, &
stomachi æstus compescit, ac dissolutum
ventriculum recolligit: estque pulmoni-
bus, ac iocinori laudatissimum. Ventrem
sistit, cum modicè sumitur, ac lotium mo-
uet, & tormina si tostum fuerit, illicò mi-
tigat. Decoctum comæ, renum doloribus
prodest, ac menstrua soluit: valētque ra-
dix cum ptissana ad eadem: quæ etiam
hydropicis cum vino pota, necnon con-
uulsis mirè auxiliatur. Folia vtiliter illi-
nuntur ex aceto tumoribus quibuscum-
que ardentibus. Et puluis semenis cum
mētha & axungia tritus, mammillarum
tumores laxat. Præterea ventriculo per-
frigerato, & iis quibus crassa pituita est
incidēda, summè prosunt vnciæ sex cor-
ticis radicis fœniculi cocti in aceti & mel-
lis libra vna. Post coctionē, facta expref-
sione, abiiciuntur radices, & melle super-
fuso iterum coquuntur omnia ad spissi-
tudinem, & de iis exhibentur cochlearia

tria cum aqua, plus, minus, pro xitate sumentis. Plerique radice vtuntur cum cera ad suggillata: cum melle ad canū morfus, necnon oculorum caliginem, & cum aceto ad tumores ictu illatos. Cuius rei testem citamus poëtam herbularium, de marathri, seu fœniculi plāta in hunc scribentem modum,

*suggillata,
caligo et su-
mores.*

- „ *Radicis succus oculis cum melle perunctus,*
- „ *Pulsa reddit eos omni caligine claros:*
- „ *Illatos, ictu subito, quoscunque tumores,*
- „ *Apponens tritam iuncto sedabis aceto.*

Semina ad dissipandos & vacuādos ventriculi ac intestinorū flatus summè profundunt, vel vulgato id attestante versiculo rythmico,

- „ *Semen fœniculi referat spiracula culi.*

Cæterū, hīc de multis tacendū non est, quòd fœniculum quomodo cunque hau-stum, geniturę abundantiam promouet: éstque pudendis amicissimum, siue ad fœnudum, radice cum vino cocta, siue ad illinēdum, eadem cum oleo trita. Fit succus è semine adhuc lactescēte & musteo, vna cum foliis, ramis & caulinulis tenellis trito, & simul expresso, qui in sole sic-catus vtilis esse traditur medicamentis

*Flatus, ge-
nitura, pœ-
dendum &
oculorum
acies.*

quæ parantur ad excitandam oculorum aciem. Prodest idem ex radicibus prima germinatione contusis. Sunt qui caulem demetunt vbi floret, ignique admouēt, vt caloris vi exudantem, vice gummi, liquorem excipient, qui vnuſ oculis multo efficacior ac præstantior esse solet, q̄ succus præcedens. Q. Serenus ēā in rem vtitur liquore fœniculi melle excepto: cuius carmina hīc subscribemus.

- „ *Si tenebras oculis obducit pigra senectus,*
- „ *Expressæ marathro guttæ cum melle liquenti,*
- „ *Detergere malum poterunt.*

Modus con-
ficiendi aquā
caligatibus
oculis vtile. Paulus Ægineta aquam oculis caligantibus vtilem ad hunc concinnat modum. In fictile nouum virētem fœniculū cum pluuiali aqua iniicit, & ibi dies aliquot simul esse sinit, deinde extrahit, & aquam in vſum seruat perpetuo mēſe oculis instillandam matutinis horis. Hīc nō omittam, quod fœniculo, tanquam alimento vtendum nō est, quin potius vt medimento: nam tardissimè coquitur, ac prauum & exile nutrimētum præstat. Non nunquam tamen exhiberi solet ad corrīgendarū ciborum quorundam prauitatem ac malitiā. Quemadmodum enim lactucæ

laetucæ interdū addimus petroselinum, mētham, maioranam, aut quid simile, vt eius frigiditatem obtundamus, vel contemperemus: ita & fœniculum nonnunquam cucurbitis, & napis, vnā incoquimus, vt illorum noxam & prauam qualitatem emendemus. Quod etiam in coquendis piscibus multis, pr̄sertim marinis, locū habere solet: quos fœniculi foliis nunc obuoluimus, nunc infarcimus, ad conciliādam saporis suavitatem, & fallendam marinæ auræ graueolentiam delicatulis palatis plerūque molestam. Sed hæc coquinam potiū subolere mihi videntur quàm medicinam, quare verbum non ampliùs addo.

Menthahortensis, & medica eius auxilia.

A R E A V I .

MENTHA nomen suum in Gallia retinet, quam Florentinus rusticæ disciplinæ apud Gr̄eos professor eximius, scripsit vel ob id inutilem esse, quòd vulnerato exhibita, vultur illius sanescere & cicatricem ducere prohibeat: datur nichilominus in sorbitionem sanguinē excreatibus, vel Q. Sereno teste, cuius hæc sunt verba, licet nobis alibi producta,

*vuln⁹, san-
guinis, testes,
aures, lin-
gua, partus
& canis
morsus.*

G

- .. *Sin etiam rutilus referetur pectore sanguis,*
 .. *Sorbitio menthæ, raphanus vel cocta iuuabit.*

Plantam hāc diuersis testium morbis occurre certū est, si eius decocto opportunè foueantur: adhæc aurum dolores & linguæ asperitates cum melle iuuare, & cum sapa, partum accelerare, canifque morsus, cum sale curare. Si in lac proiiciatur, neque illud coalescere, neque spissari permittet, etiam si ei coagulum remisceatur, quemadmodum scripsit Florentinus: qui eadem vi illam generationi resistere, & proinde parum vtilem esse arguit. Alij contrà, perquam salubrem haberi defendūt, adeò quòd si mammis familiariter accesserit, nec coire lac patiatur, nec densari: quare lactis potionibus illam consultò addi promittunt, ne eius coagulatione periculum strangulationis immineat. Multi fidem mihi fecerunt, se probauisse, caseos nec corrupti, nec putrescere, qui menthæ succo aut decocto illinerentur. Ex quo non ineptè post Græcos scripsisse videbitur herbularius poëta de hac planta hunc in modum,

- .. *Caseolos succus putrescere non sinit eius*
 .. *Admixtus, vel si viridis superadditur herba.*

Lac, māma
Et casei.

Singultus & vomitiones tam pituitosas
quam sanguineas illius succus cum succo
granati sistit, vt Democritus in suis adno-
tauit Georgicis. Cum amylo & aqua, cœ-
liacorū impetus frēnat, ac mulierū pur-
gationes immodicas cohibet. Hui⁹ odor

*singultus,
vomit⁹, cœ-
liaci, mulie-
rum purga-
tiones, ap-
petēria, na-
res, caput et
sanguis.*

vt animum excitat, ita sapor auditatem
& appetentiam in cibis proritat. Recētis
succus spiritu subductus, narium vitia e-
mendat: qui etiam in capitib⁹ dolore, tem-
poribus vtiliter illinitur. Idem cum ace-
to, sanguinis fluxiones internas cōtinet.

Quin aiunt plantam ipsam impetigines,
vel si teneatur tantū, prohibere: quod
aliis de mentastro scriptum placet. Non
est hīc tacendum, quod stomachum val-
de roborat, eiūsque putrefactiones sum-
moperē emēdat, vermes eō reptantes,
& ventrē inferiorem obsidentes, sūsque
déque exturbādo. Cuius rei testem pro-
feremus Salernitanam academiam sic de
mentha rythmicis versiculis scribentem,

*Impetigo,
stomachus
et vermes.*

„ *Mentitur mentha, si sit depellere lenta*

„ *Ventris lumbricos, stomachi vermesq; nocuos.*

Exhibenda est autem eius decoctio, vel-
ut absynthij, & non substantia. Cornel.
Celsus de teretibus vermib⁹ qui pueros

G ij

solent infestare, id accipiendum & intel-
ligendum censet. Dioscorides succum ex
aceto propinatum idem præstare pollice-
tur. Sed pulchrum erit audire Q. Sere-
num super ea re pulchrè philosophatēm.

*Quid non aduersum (inquit) miseris mortali-
bus addit*

- .. *Natura? interno cùm viscere teine a serpens,*
- .. *Et lumbricus edax viuant inimica creanti?*
- .. *Quod genus a siduo laniat præcordia morsu:*
- .. *Sæpè etiam scandens oppletis faucibus hæret,*
- .. *Obsessaque vias vitæ concludit anhelæ.*
- .. *Democritus memorat menthæ conducere potū.*

*Partus, lac,
& māme.* Bibita partū accelerat, lac auget, ac mam-
marū durities soluit, cocta & emplastra-
ta. Sed hīc omittendum non est q̄ cultus
mangonio humorem sibi asciscit mētha,

*Quomodo
mentha ad
Venerē sti-
mulos exa-
cuat.* qui ad Venerem stimulos exacuit: quod
est omnibus cōmune rebus quæ semico-
cto humore, eoque spirituoso ac flatulē-
to participant. Quod vnum problema-
ticum hoc Aristotelis Adagium soluet:
Mentha, belli tempore, nec seri, nec edi
debet. Hoc enim cibo largè vescentes in
libidinem ruunt, quæ corpus debilitat,
vires frāgit, ac animos eneruat. Quæ tria
fortitudini & audaciæ ex diametro pu-

gnare nemo est qui nesciat. Aristoteles tamen aliā arbitratur esse causam, nimirum quòd mentha corpori frigus adducat: eius rei argumento, quia semen genitale, vt diximus, minuit: frigus autem fortitudini atque audaciæ aduersari certū est. Vt vt fuerit, Dioscorides menthā, vt diximus, Venereis voluptatibus valde commendat. Vnde nihil mirum est si antiquitas flagrante bello, militibus illius esu interdixerit: scripseritq; Aristoteles,

“Menthā nec comedas, nec plantes tempore belli.

Nā frequenti Veneris vſu fortissimi qui-
que, ceu effeminati ac molles facilè con-
torpescunt. Sed in his versatum satis, vel
fortasse plus quam par fuerit.

*Cur olim
militibus
interdictus
mentha vſus.*

Thymus, & medica eius auxilia. A.R. VII.

TH Y M V M vulgò Gallorū *Thyn*, nūcu-
patum, plerique maioranam Angli-
cam dicunt: cuius flores apibus summè
amicos esse norunt omnes: nam gratum
colorem & odorem melli addunt: iuxta
Virgilianum illud,

-redolēntque thymo fragrantia mella.

Decoctum huius cum melle, orthopnoi-
cis & suspriosis valde prodest: necnō ad

*orthopnoi-
ci, suspriosis,
pulmonary,*

G iij

*menstrua,
partus, se-
cude, vrina,
verruca, if-
chiadici &
comitales.*

pectoris vitia quævis excreanda. Remoratos fœminarum menses, & enectos partus, ac secundas pellit, vrinásque promouet. Thymos ac verrucas herba trita tollit, & ifchiadicis cum vino ac polēta medetur, atque optimè comitialibus datur, quos correptos olfactu eius excitari sèpè audiuiimus. Quin & illos dormire aiunt oportere in molli thymo. Folia trita & lanæ inspersa, luxatis vtiliter ex oleo apponuntur: & ambustis, ex adipe suillo efficaciter linuntur. Sed vitari debet is thymus qui niger est, & eligi qui flore illustratur cæruleo vel albo. Verū enim uero iucundum erit hīc audire philosophātem de thymo Ioannem Mesuæ. Calfacit, inquit, tenuat, incidit, resoluit, obstructa aperit, ac crassos flatus dissipat. Pituitam clementer educit per aluum (cum sale & aceto vt Dioscoridi placet) &, vt quibusdam libet, etiam melancholiā, sed imbecilliter, cum sale gemmeo vel indo. Pituitam etiam crassam & lentā à thoracis & respirationis partibus euocat, nec non à cerebro. Ob id partium harum & nervorū frigidis & pituitosis affectibus mirè succurrit: vt asthmati, tussi, pulmonibus

*Flatus, pi-
tuita, melā-
cholia, tho-
rax, cere-
brum, ner-
ui, asthma,
tusus, pul-
mo, visus, et
aures.*

à frigido dolentibus : præsertim syrupo suo, vel decocto, vel oleo ex eius floribus incoctis facto: quod etiam visum acuit & sanitatem conseruat. Partes neruosas calore suo roborat, & suffitu auris dolorem ac tinnitus flatuosum emédat. Saluber thymus est senibus contra hyemis iniuriam : appetitiam excitat, coctionē iuuat, cum melle & nitro lumbricos necat, menses ac vrinas mouet, & rigori febrili opitulatur. Eius vehemens caliditas aliorum mistione obtunditur, siue coquatur cum vuis passis, siue aceto infundatur, siue mulſe cum pauco sale gémeo, qui purgationem eius auget. Coctionem & trituram mediocrē sustinet. Præter has thymi vires à Mesue Damasceno descriptas, alias quoque ei reddidit preclaras Aëtius Cappadox, hīc etiam nobis proponēdas. Hæc, inquit, experimētis de thymo comperta sunt. Dato iejunis articulari morbo laborantibus thymi aridi minutissimi drachmas quatuor, cum oxymelitis cynthio: bilem enim, reliquósque humores, atque acré saniem vacuat. Facit & ad vesicæ affectus. Ventre autem inflato, vbi scilicet intumescere cœperit, drachmam

*Appetentia,
coctio, lum-
brici, menses,
vrina et ri-
gor febrilis.*

*Arthritis,
bilis, vesica,
hydrops, lū-
bi, coxædix,
latus, tho-
rax & hy-
pochondria.*

G iiii

vnam dato iejunis cum cochleari aquæ
mulsæ . Ad lumborum, coxendicūmque
dolorem, ac lateris & thoracis, necnō hy-
pochondriorum suspēsiones & inflatio-
nes , pondere vnius drachmæ cum oxy-
melite cochlearis mensura , iejuno exhi-
betur . Similiter etiam melancholicis &
mente turbatis, timorēq; detentis, drach-
ma cum oxymelitis cochleari præbetur.
Datur item iejunis & ante cœnam ad-
uersus lippitudinem & vehementē ocul-
orum dolorem . Prætereà contra poda-
gram, etiam quæ motum omnino inter-
ceperit, cum vino vtilissimè propinatur.
Postremò ad tumefactos testes , iejunis
duæ drachmæ salubriter exhibentur .
Haðenus de thymo , cuius medicam hi-
storiā fusè dilatauimus, quòd magna-
rum virium plātam esse intelligeremus,
ac hortis oībus passim obuiā & familiarē.

*Ocimum hortense, & medica eius
auxilia. A.R. VIII.*

Ocimum vn-
de dictū, &
cur basiliū
appelletur.

OCIMVM hortense (aliud enim est pa-
bulare & segetarium) vsqueadè no-
tum est, vt perraræ vbique sint fenestræ,
quæ illo longè ac latè non redoleant, tāta-

est fragrantia & suavitate : à qua etiam
ozimum rectè dici , ac scribi posse cōten-
dūt multi : vt sit ab ὄλω, quod est redoleo.
Græci recētiores qui de re herbaria scri-
pserunt, Psellum sequuti, Βασιλικόν, id est
regium appellāt: quod nomen apud Gal-
los passim usurpat. Sic fortasse dictum,
quòd in solis Regum hortis aleretur, vel
quòd Regibus ob præstātiam odoris, di-
gnum esset. Verùm hæc nihil ad medicas
eius facultates, de quibus nunc demum
seriò nobis agendum . Inter veteres pa-
rum conuenire lego, vtilé ne sit an no-
xiū cibis . Chrysippus medicus antiquiss.
cacostomachū esse dixit. Galenus & Pau-
lus Ægineta ob humorē excremētitum
internis partibus officientem, cibis abdi-
carūt (quod de immodico usu intelliges)
nō tamen exteriūs damnarunt. Qui con-
trariam tuētur opinionem Dioscorides
& Plinius, hæc ceu commentitia rident,
afferentes stomacho prodesse, quòd eius
inflationes discutiat ex aceto sumptum.
Sanè sicuti eius usum largū & liberalem
nocere arbitror, ita sobrium & tempera-
tum iuuare credo . Nam si quis eo, perin-
de ac reliquis oleribus affatim & prodiga

*Stomachus
& eius in-
flationes.*

manu vti velit, pculdubio intestina sentiet incōmoda. Si verò parciūs, ac si medicamētum esset, interna percipiet comoda. Ventrem remollit, flatus discutit, lotium mouet, ac lactis prouentum mulieribus adfert. Tritum & naribus inditū sternumenta ciet: quibus instantibus cōniuere oportet. Odoratu tristes exhilarat, ac timidos animat, mixtōque atramento futorio verrucas tollit. Venerem stimulat, ex quo tam equis quam asinīs, admissuræ tempore, vtiliter ingeritur ac exhibetur. Vsu quoque compertum est,

Venter, flatus, urina, lac, sternumentum, verruce & Venas.

Lipothy-
mia, caput,
pulmones,
destillatio,
dysuria &
atra biles.

ex aceto salutare esse deficiētibus animo: adhęc, caput dolentibus, de causa frigida, cum rosaceo, vele eodem aceto. Dioscorides cum polline polētæ, aceto & rosaceo illitum, cōtendit pulmonum inflammationibus auxilio esse: eiūsque succum destillationes exsiccare: & semen potū difficili vrinę auxiliari, necnon atram bilem dignentibus, opem adferre summā. Refert Plinius, Chrysippum medicum grauiter ocimum increpuisse, & fugiendum hominibus præcepisse, quod capræ illud aspernentur. Quæ cùm cæteris pabulis oībus audiissimè vescantur, ab hoc vno,

etiam famelicæ, cautè abstinent. Quod à Sotione Græco geponico etiam adnotatum inuenio. Qui vltra hæc asserit, insanos fieri qui ocimo vtuntur: addítque eum qui ocimum manduauerit, si eo die à scorpione feriatur, seruari non posse. In quem & Chrysippum videtur pugnare Plinius, scribens, capras libenter ocimum esse, nec cuiquam mentem motam qui illud māduauerit: quin & terrestriū scor-
pionum iētibus ex vino & pauco aceto sumptum salubriter mederi. Dioscorides ex Aphricanorum placitis tradit, eos qui ocimum ederint, nullo conflictari dolore, si à scorpione feriātur. Ex quibus opinandum relinquo, num expungenda sit negatio apud Sotionē. Diodorus in Em-
peiricis credit ocimum pediculos creare, *Pediculi et*
si quis eo largiùs vtatur, ob excrementi-*partus.*
tiam humoris superfluitatē quo imbui-
tur. Sit postremum, quod ab amico pro-
batum intellexi. Si ex partu laborās mu-
lier, ocimi radiculam cum pēna hirundi-
nis tenuerit, absque dolore ilicò pariet.
Sunt alia plantæ huius admiranda secre-
ta, paucis hactenus intellecta, quæ cum
aliis plerisque tibi impertiemus, si isthæc

*Pulchra de
ocimo &
notatu di-
gnissima.*

grata fuisse audiuerimus.

Orualla, & medica eius auxilia.

AREA IX.

De Orualla quæ Parisiësibus *Tota bona* dici solet, nihil, quod sciam, apud antiquos scriptum extat. Sunt qui ad satium horminum illam referre satagant: quod quām rectè, iudices erunt rei herbariæ periti. De eius facultatibus hæc in præsentiarum à me accipies. Herba trita aculeos ac spinas extrahit, & remorantes difficilésque partus accelerat. Vino præterea iniecta mentem exhilarat, & Venereum extimulat: verūm liberaliùs sumpta, caput tentat. Semen lippitudines tollit, & oculis immissum, ac multa frequenti- que reuolutione per illorum orbem raptum, quasi humore prægnans, & tenuibus membranulis onustum, sordibúsque conuestitum, tandem egreditur: secum educens quæ inciderunt & molesta fuerunt. Id quod permultis multorum experimentis, tam est notū, quām nota fuit canibus casta Diana suis. Idem semen ἀργετα & oculorum albugines cum melle purgat, tussientibúsque utile censetur

*Aculei, spinae, partus,
Venus, lippi-
tudo, al-
bugo, tussis.*

esse. An verò hæc planta, Plinij alectoro-
lophos dici possit, viderint eruditi. Non
omittam, & si nihil ad medicum nostrum
institutum, quòd flore hortensis hormi-
ni & semine in dolio vini posito dum ad-
huc feruet, tanta gratia ipsi vino cōcilia-
tur, vt Cretici, aut Maluatici gustum præ-
se ferat. Arrigite aures œnopolæ, sed ne-
minem, obsecro, vestris improbis miscel-
laneis defraudate.

*Secretū pro
vinis.*

Rosmarinus, & medica eius auxilia.

A R E A X.

RVRA & officinæ Roremariñum ap-
pellant, quod aliis libanotis dici so-
let. Frutex est topiarius, necnō corona-
rius, cuius odor, resinam aut thus, vtcun-
que præ se fert: tam suavi ac iucundo spi-
raculo, vt quos animus defecerit, ilicò re-
creare possit. Suffitu destillationes actus-
sim cōtinet, regiūmque morbum suo cu-
rat decocto. Et quod illi de multis nobile
est ac insigne, solo nidore in pestilentia
tutam reddit domum, diluēdo & expur-
gando improbam aëris perniciem suffitu
ac vapore salutari. Flores caput ac cere-
brum maximè roborant: ex quo illorum

*Lipothy-
mia, destil-
latio, tuſis,
icterus, pe-
ſilentia &
capitis affe-
ctiones.*

*Nerui, oculi,
li, ieterus,
obstructio
hepatis, &
vtris dolor.*

vsus admodum efficax esse solet cōtra capitis affectiones. Sunt qui saccharo eos condiant, & sibi ac amicis eam in rem diligenter custodiant. Totus frutex vtilis est omnibus frigidis ægritudinibus, membra ac neruos egregiè roborans & calfaciens. Sed paulò particularius hīc nobis est medicè philosophandum in expertis & probatis Rorismarini auxiliis. Itaque, succus radicum & foliorum eius defæctus, & cum melle despumato in modum collyrij concinnatus, plurimum valet ad defluxiones pituitæ in oculos. Quæ si calidæ fuerint, licebit addere oui albumen, cum succo pomi generosi, & aqua rosacea confusum ac diu agitatū. Semen cum pipere & vino haustum, singulare adfert præsidium contra ieterū, hepatis obstrunctiones & inflationes. Radix siccata, puluerata, & cum vino bibita, ventris dolores, etiam si colici fuerint, perbellè castigat & demulcet. Quod etiam faciunt ruta & fatureia. Reliqua scribentur in opusculo vinorum medicatorum.

Lauandula, & medica eius auxilia.

A R E A X I .

LA V A N D U L A quæ Pseudonardus qui-
busdam dici solet, nostratis verò
Lauanda (quòd in balneis, lauādis corpo-
ribus summè expetatur, & elota omnia,
si permisceatur, odoris suavitate cōmē-
det) frutex est omnibus notus. Qui, quia
non minùs placet fragrantia quām nar-
dus, idcirkò apud nos Spicæ nomen sibi
arrogauit, & *Aspicum* dici cōsueuit. Licet
id ad maiorem Lauandulam multi detor
quere satagant. Huius spicata cacumina
& tonsiles vertices, manipulatim in sco-
pas & muscaria concinnatos, bigis ac cli-
tellis Lutetiæ per æstatē venales vicatim
proclamari, & passim à rusticis in varios
odorum usus comportari, nemo est qui
non videat. Sed hæc nihil ad medicala
lauandulæ auxilia, de quibus nūc demum
nobis agendum. Omnibus cerebri frigi-
dis affectibus, conuulsisque ac resolutis
illam auxiliari scribunt Arabes, Græci, ac
Latini medici: adhæc, ventriculum robo-
rare, & iecur ab infarctu liberare. Obstru-
ctos etiam lienes valde iuuat, & vterum
calfacit, ac menses secundásque educit.
Fit è floribus stillatitium oleum vitreis
organis expressum, quod vnguentarij

*Vnde dicta
sit Lauan-
dula.*

*Cerebrum,
conuulsi, re-
soluti, ven-
triculus, ie-
cyr, lien,
uterus, men-
ses et secun-
da partus.*

Oleum de
spica.

oleum de spica vulgò nuncupant, tanta
odoris præstantia & fragrantia, vt cetera
odoramenta superet ac obtundat. Quò
fit vt extra officinas & myropolia illud
afferuent aromatarij, ne moschi, ambari,
zibbeti, aliorūmque vnguentorum &
aromatū suavitatem intercipiat. Valet
ad eadem quæ planta ipsa, & multò præ-
stantiora, à nobis alibi exponenda.

Hæc sunt quæ de hortorum herbis &
fruticibus odoratis in præsentiarum ad-
ferre possum. A quibus ad herbaceos &
suffruticeos fœtus, eadem methodo ex-
plicandos, opportunè transeo: modò
commonefecerim lectorem, me lauādu-
lam inter flores odoratos noluisse trans-
ferre, quòd vniuersum foliū æquè odo-
ratum habeat, atque florem. Quæ res flo-
ribus in quinto campo descriptis, planè
denegatur. Verū enim uerò, quia eius flos
absque folio solus potest decerpi, si quis
ad florū regionem illam traducere vo-
luerit, vnguem non vorterim.

HOR-

HORTI MEDICI CAMPVS

QVARTVS, FRVCTVS HERBACEOS
& fruticeos, sex areolis distinguens.

Cucurbitæ, & medica earum auxilia. AR. I.

QVIA in censu fructuū herbaceorum qui cartilagineo generi ascribuntur, Cucurbitæ primas tenent in hortis, idcircò de illis primo loco hîc agemus: & si Chrysippus medic⁹ eas in cibo damnarit, ceu stomacho inutiles, contra Diphtilum, qui illas affirmat ex aqua & acetato coctas, ventriculum roborare. Afri, & item Græci geponici, aluum lubricare tradunt, earundémque succum instillatum, auribus dolentibus valde prodesse.

*Ventriculus
aluu⁹, au-
res, pedum
clavi et de-
tes.*

Caro interior suis spoliata seminibus, pedum clavis auxiliatur, & decoctæ succus dentes mobiles stabilit, illorum dolores cohibendo, à calida causa cōtractos. Aluū prētereà sua humiditate remollit, tamet si pessimè corpus alat, sicuti hoc disticho eleganter expressit poëta Hessus,

„ *Humida frigoribus cognata cucurbita, paruo,*

„ *Quod vires faciat, pondere corpus alit.*

Si sumatur vt simplex medicamentum, *Cucurbita* refrigerabit ac humectabit: si vt alimen- *humida &*
frigida.

H

tum, calida ei remisceri debet, veluti petroselinum, cepa, piper, mentha, thymus, & similia: alioquin humorē gignet aquosum & promptè corruptibilem, præferunt si frigidum nausta fuerit vetriculum. Corticis ramenta, tusa & infantium capitibus illita, ardores extingunt ex siriasi. Et si quis in crudam cucurbitam excauatam merū infundat, & sub dio cōtineat, illudque temperatum propinet quibus aluus est suppressa, ad excernendum proritabit. Cinis aridæ impositus ambustis, mirè illis opitulatur. Sed hīc ne, quæso, omittam⁹, quod cucurbita in patinis aut sartagine frixa, multò est salubrior quam elixa. Nam inter assandum vim magnam humoris aquosi deponit: ideo valentiùs ac præstantiùs exhibit alimentum. Si elixa fuerit, acrium societate postulat, alioquin fatua habetur, & insipida: gaudetq; acidorum, austeriorum, falsorum & aliorum contubernio: quorum vires corpori nostro communicat: fitque ita, ut nausea, quam alioquin creare solet, prorsus vacet: quemadmodum docte & eleganter scripsit Galenus, post Hippocratem ubique magnus. Sed his prælibatis, medica

siriasi,
aluus, am-
busa.

Cucurbita
frixa &
elixia.

& experta cucurbitarum auxilia repeto.
Itaque, si fictili torreantur, & cum anserino adipe teratur, incredibile auxilium vulneribus adferent. Et succus exceptus de rametis illarum per se tuis, aut cum ro-^{Vulnera & adustiones.}
faceo, cutis adustiones quasuis emendat.
Sed de omnibus mirabilis est earundem aqua aduersus febres acutas & ardentes ad hunc modum comparata. Recens cucurbita recenti pasta conuestitur, calente cibano cu pane assatur, aperitur, & aqua intus natans colligitur. Si alia via placet incedere, cucurbita tota & integra frustulatim secatur, fictili nouo includitur, cibano (vt prius) coquitur, & hinc expressa aqua seruatur. Usus erit cum saccharo ad restinguendos febrium ignes, sicut temperandam & aluum clementer mouendam. Quod etiam præstabit aqua infusionis & macerationis seminum psyllij cum saccharo rosato, vel iulebo violaceo, sicuti multis experimentis fœliciter obseruauimus factum. Non tacebo ex Auicena, q̄ qui colicis cruciatibus est obnoxio, religiosè abstineredebet à cucurbita & cucumere, quo quis modo paratis: alioquin suo damno acclamare poterit,

Aqua cu-
curbitæ præ-
stantissima.

Febris, aluna
& colici
cruciatus.

H ij

Heu patior telis vulnera facta meis.

Cucurbita
ex se insi-
pida.

„ Cæterūm , nec inutile , nec ociosum erit admonuisse , quòd cum insipida sit cucurbita , & ex eorum genere quæ Græci ἄποικ vocat , hoc est qualitatis expertia , tamen dum coquitur , quo quis sapore & odore , imò verò colore facile imbui potest , pro natura eorum quæ illi miscebūtur . Quomodo autē fieri debeat diectoria in suo cucurbitario , docebimus aliquando in opusculo Secretorū nostrorū medicinæ .

Cumeres , & medica eorum auxilia.

AREA I.

Cucumis
terræ filius.

CVCVMIS tā est notus vrbanis ac rusticis mēsis omnibus , vt nihil notius esse possit in tota hortensiū familia . Hūc Matron suis carminibus terræ filium nominauit , quòd ex ea veluti prodiens , in illius gremio perpetuō iaceat . Heraclides Tarentinus hedigeon , quasi terræ sua uitatem , nuncupare voluit : quē Diphilus Carystius , medicus apud Græcos doctiss . & agricola optimus , primis mensis veluti noxium damnauit : vt qui raphani modo sursum feratur : sed postremo cibo sumptum , concoctu faciliorem promisit :

alioquin epulis illum abdicavit. Semen vrinæ acres & febris horror.
vrinas acres contemperare tradunt qui de rebus agri & medicinæ scribunt. Vim habet refrigerādi pulpa tota, ex quo ęgrè in corpus dispensatur, ac difficulter per ventris anfractus permeat: febriles horrores nonnunquam hinc mouens, & Venerem cōsopiens. Quod postremū Græci celebratissimo hoc prouerbio testatū voluerunt, Mulier pallium texens, cucumerem deuoret. quoniam textrices magna ex parte, si Aristoteli credimus, sunt impudicæ, & Veneri admodum opportunæ. Naribus admotus cucumis valde confert ad syncopen à causa calida. Et semen in lacte vel passo vtiliter iis propinatur, quibus vesica exulcerata est: adhęc tussientibus, si quantum tres digitiprehenderint, cum cumino teratur, & ex vi-no bibatur. Prodest etiam phreneticis in lacte mulieris, & dysentericis acetabuli mensura: necnon purulēta excreantibus, pari pondere cum cumino. Totus abstergendi & incidēdi facultate pollet, ex quo splendida reddit corpora: eoque magis, si quis semine arefacto, tufo & cibrato, vice pulueris abstensorij vtatur. Sed vtile

Syncope, ve-sica, tuſis, phrenesis, dysenteria & purulēta excreatio.

H iij

erit & pulchrum audire Claud. Galenum de Cucumerum vsu elegáter, suo more, differentem. Quibus cucumeres, inquit, probè cōcoquere datum est, dum in hoc fisi, intrepidè affatimque iis sese explent, longi tēporis tractu, frigidum & vtcunque crassum humorem in venis coaceruant. Qui per eam qua venæ funguntur coctionem, haud facilè in probū sanguinem potest conuerti. Ob eam igitur causam, omnibus praui succi eduliis abstinentiam censeo: etiam si ea quibusdam concoctu sint facilia. Nobis enim non aduententibus prauus succus ex ipsis post longum tēpus in venis colligitur, qui posteā exiguum ad putendum occasionem natus, febres malignas accedit. Hæc sunt aurea Galeni verba, omnibus qui valetudinem inculpatā tueri satagunt, alto corde præuidēda, & mordicus tenenda. Memorabile sanè est quod in Græcis Quintilliorum georgicis legi, & à multis non infœliciter expertum audiui. *Quid illud, inquires? Si febricitanti infanti, qui adhuc lacte nutritur, aut paulò grandiori, paris longitudinis cucumeres dormienti apponantur, & quasi cōdormiscant, statim*

*Aurea Ga-
leni verba
summè no-
tanda &
obseruanda.*

*Febres par-
uolorum.*

sanabitur, febrili calore omni ab illis pres-
so, hausto & extincto . Athenæus scribit
cucumeres plenilunio in hortis maximè
gliscere, & manifestum incrementum ca-
pessere, necnon more echinorum mari-
norū impleri: quod aquei humoris sum-
mum est argumētum. Suffragatur Athe-
næo Plinius, addens insuper eos velut ti-
more perterritos , quoties cœlum tonat
conuerti, & quasi tabescere: cuius rei cer-
tam fidem mihi fecit experientia præsen-
tibus aliquot amicis meis , qui rerum na-
turæ & secreta per experimenta quærūt
& explorant . Ne, obsecro , prætermitta-
mus q̄ cucumeres à mulis & asinis sum-
moperè expetuntur , mira & incredibili
eorum voluptate illecti : quorū odorem
vel eminus sentiunt . Quare munienda
sunt cucumeraria , ne illuc erumpētes, ea
depopulentur, conculcent ac proterant.
Sed instituti mei oblit⁹, quorsum rapior?
medica itaque auxilia repeto . Si quis se-
minum cucumeris , cucurbitæ & citru-
lorum partes æquales acceperit, ac semi-
num lactucæ & portulacæ partem me-
diam , adhæc succi glycyrhizæ , quartam
ynius , & cum mucilagine pſylij paruos

*Cucumeres
lunares esse.*

*Aduersus si-
tim & astus
febriles.*

H iiii

trochiscos ex his formauerit, ac in ore tenuerit, vel syrupo aliquo acetoso diluerit cum aqua hordei, habebit præsens auxilium aduersus sitim & febrilem æstum.

Pepones, melones, ac melopepones, & medica eorum auxilia. A.R. III.

QVIA tres isti hortenses fœtus qualitatibus inter se ferè conueniunt, idcircò, vna (quod dicunt) fidelia nobis hīc dealbabūtur omnes sub pepone, qui tum maturus ac edulis esse videtur, cùm pediculus à corpore secernitur, & suavis odor ab eius vmbilico nares ferit. Diocles Carystius scripsit in libris salubrium quos edidit, peponem concoctu facilem esse, mirūmque in modum cordi placere, sed parum iuuamenti adferre. Diphilus promptè crassescere tradidit, ac paucam alimoniam suppeditare, & per aluum ægrè exigi. Phænias eum dūtaxat crudum censuit edendū qui est citra seminiū. Galenus pepones omnes refrigerare, & largo humore imbui dixit: sed non absque manifesta detergēdi facultate: vel eo nomine quòd obsitam pædore cutim illustrant, ac lētigines & vitia insolatæ faciei,

Causis pædor, lentigo, vitiligo, cholera & pittuita.

cum vitiliginibus emaculent, præsertim semine. Addit, improbum creare succum, etiam si à stomacho probè cōficiantur. Præterea, cholera morbum præcipitem ac periculosem in multis concitate, & superfluarum humiditatū copiam sūsque dēque effundere. Primo cibo sumi debēt, ita tamen, ut qui pituitosi sunt, vinum vetus superbibant: & biliosi acidulum cibum præsumant: nam sic omnis abigetur noxa. Peponarius enim cibus sanè quām facile in flauam bilem, vel pituitam degenerat. Qua ex re, biliosos prædulcis pepo, pituitosos verò immaturus offendit. Lōgos rotundis multi præferunt: omnes tamen aluum mouent, & vrinam cident, modò fuerint maturi: pro-indéque renibus vtiles esse cēsentur: sed semine magis, adeò ut cōcretos inibi calculos efficaciter deturbet. Si cortex oculis humore cal. vexatis frōti ligetur, ruētes in illos fluxiones pulchrē sistit ac cōpescit. Succus cum semine in farinam siccatus, smegma facit ad cutem emundandam, & conciliandum in facie nitorem, sanè quām illustrem. Cæterū, pepones omnes in paratis corporibus, vomitum

*Alius, vri-
na, renes,
calculus &
oculi.*

*Vomitus,
Venus &
genitura.*

eliciunt : nisi cibus succo bono præditus,
supermandatur: nam sic festinantiū de-
orsum prouoluentur . Plerique medici
tradunt , illos desideria ruentium in Ve-
nerem frænare , & genitaram minuere.
Sunt qui pro comperto scribant melonis
frustulū ollæ immissum , celerem carniū
Pulchra & coctionem iuuare. Quod etiam præstare
notanda. aiūt vrticæ aut sinapis semen , vel fici sur-
culū, vt suo dicemus loco . Finis hīc esto,
Pepones à felibus summè & audē expe-
tuntur : quare à peponariis longè sunt
arcendi, ac procul abigendi. Nō omittam
quòd semina melonū excorticata & fac-
charo condita, multūm valent ad ciēdam
vrinam & renūm dolores demulcendos.
Imprudenter omisi quòd ramēta pepo-
num vtiliter syncipiti apponuntur, con-
tra adustionem infantium quam siria-
sim vocant.

*Cinara, seu carduus hortensis, & medica
eius auxilia.* A R E A I I I I .

PA V C I sunt hodie horti in Gallia , qui
longè ac latè non syluescant hac plan-
ta, adeò vt opipara nulla sit mensa , absq;
echinato eius cibo , nisi anni tempus illū

negauerit. Altilem & hortensem nūcupamus, quòd re vera sit ex carduorū genere: quem culturæ mangonium domita feritate ex agris in hortos venire cōpulit Quomodo
cinara ex
agris in hor-
tos venerit. nescio qua gulæ audacia, quæ campestria terre portenta, & afinorum pabula, in ganeam & luxum vertit, à quadrupedibus plerunque neglecta: vsque ad eò ventris & Veneris desideriis ac illecebrosis voluptatibus obsonātur epicurei homines telluris inutile pōdus. Vulgus Gallorum plantam hanc *Alticocalum* nuncupare sollet: ab articulo Arabum *al.*, & *cocalos*: qui Hippocrati, Galeno teste, nucleus est pinçæ nucis, cuius quidem nucis imaginem pulchrè æmulatur cinara: quam iuribus, Quomodo
coquenda ē
paranda cr-
nara. asparagorum modo, incoqui, & ex butyro, sale atque aceto, diuitum mēsis apponi, nemō non videt. Sunt qui asperso sale, & piperis, aut anisi vel coriandri addito polline, cruda illa vtantur, & ita natuam nucleorum eius squammatim hærentium suavitatem excipient. Sed hīc rursum ad eūdem impingo lapidem, oblitus me medicum agere, non coquum. Venio itaque ad facultates cinaræ, quam Cinara pra-
ni succi edul-
lum. Galenus tradit praui succi edulium esse,

& maximè cùm plusculum obduruerit,
festinando scilicet ad florem: tunc enim
biliosum succum in se copiosum habet:
ex quo satiùs fuerit, eo tempore elixam
mandere, quàm crudam. Recentes & te-

*Vrina, Ve-
nus & gra-
ueolentia
alarum.*

*Stomachus
& vulua.*

*Pulchra &
notatu di-
gna.*

nelli eius nuclei, vrinas ciere feruntur: &
Venerem in vino generoso præmacerati
stimulare, Hesiodo teste: qui florente ci-
nara, cicadas acerrimi cantus esse scripsit,
& mulieres libidinis audiissimas, viròsq;
ad coitum pigerrimos. Radix emedulla-
ta, & in vino decocta, si bibatur, alarum
tædia hircosa, ac graueolentiam emēdat:
quam Xenocrates experimēto promit-
tit per vrinas ob id effluere. Eadē in aqua
excocta, stomachum roborat, & vuluis
nonnihil confert vt gignātur mares: sic-
uti Cherias Atheniensis & Glaucias asse-
ruerūt. Sed hoc loco tibi coniectandū re-
linquo, an vna eadémq; sit nostra & anti-
quorum cinara. Restat hīc admonēdum
(quanquam præter institutum) quòd à
duobus animalculis summè infestantur,
& audiè expertuntur cinaræ. A muribus
primùm, qui radicum voluptate semel il-
lecti, turmatim vel è lōginquo accurrūt.
A talpis prætereà, quas crebro defossu &

cuniculatione, sæpè vidimus cinareta ac cardueta funditus vna nocte, euertisse. Remedia eam in rem quærenda sunt ex nostris rerum hortensium Secretis. Sed repeto medica scolymi ceu cinaræ auxilia. Huius radix in vino cocta & pota, copiosam, vt tradit Oribasius, & graueolentem vrinam prolicit, alarumq; hircos ac virosum corporis odorem, vt diximus, tollit. Quo nomine etiam venereæ gonorrhœæ præsens esse remedium, fœlici successu se probasse scribit Ioannes Langius, illustriss. Comitum Palatinorū medicus doctiss. Cæterum, asparagi cinaræ cum butyro in iure elixati, sopitam Vennerem in vtroque sexu strenue excitant: æstate viris ad eius conflictum languentibus, hyeme verò mulieribus, ad eam pigris: sicuti ante Plin. adnotauerunt Hesiodus & Aristot. Nil igitur est mirū, mulieres adeò ambire plantam cinaræ, & cura admodū sollicita illā curare & colere.

Vrina, Ve-
nus, gonor-
rhœa et ala-
rum fætor.

Fragaria & Framboësia cum medicis auxiliis utriusque. A.R. V.

FRAGARIAE fructum vulgus Gallorū Fresam nuncupat, & nomine paterno

inautorat Framboësiæ fœtum, qui à rubente moro nō valde dissidet: nisi quod sapore & fragrantia indicibili, palato magis applaudit. Vnde cùm vinum aliquod à generoso sapore laudare volumus, olere fráboësiam, nostro vernaculo sermone dicimus. Vtriusque fructus citam sentit corruptionis labem: quapropter febrim facile experiuntur, qui largius fugaci hoc cibo vescuntur. Fragariæ tamen folia in iuscule cocta & sumpta, lienosis medetur: idémque præstat succus eorum ex melle haustus. Eadem folia cum radice, tam vulnera quam vlcera sanant, muliebrisque fluxus ac dysenterias cohibet, & vrinam cident. Decoctum herbæ ac radicis, inflamationibus iecinoris auxiliatur, & renes ac vesicam mundat. Idem ore contentum collutionisque modo agitatum, gingiuas roborat, deters commotos firmat, & defluxiones continet. Vinum quod ex fragis elicitor distillatione & sublimatione, aut putrefactione, vlcusculis que in facie pullulant ab hepatis caliditate, salubriter medetur, varosque, & oculorum nubeculas, ac calidas defluxiones impositū, mirè tollit. Quin multi etiam

*Febris, liens,
vulnera, vlc-
era fluxus
muliebris,
dysenteria,
vrina, iecur
& renes.*

*Gingiuæ, dē-
tes, distilla-
tio, faciei vlc-
uscula, va-
ri, oculorum
nebulæ, iete-
rus & ele-
phanticoru-
macula.*

de experimēto mihi affirmarūt, elephan-
ticorum maculas ac tuberculā emēdare:
adhæc , herbam fragariam cum sua radi-
ce in vino coctam & iejunis ietericis ex
iusculo dies aliquot propinatam, certum
illis præsidium adferre.

*Grossularius, tā albus quām ruber, & medica
vtriusque auxilia.* A.R. VI.

FREQVENS non solūm in hortis, sed
etiam sepibus rusticis esse solet gros-
sularij frutex, maximè qui baccis onera-
tur candidis, & ante maturitatem iucun-
da acerbitate gratis: ex quo tā pauperum
quām diuitum iuribus suo tempore in-
natare consueuerunt, & in dulciarias pla-
centas, ac farcimina, farctāq; passim tran-
fire loco vuę acerbæ. Quo nomine etiam
grauidis summè expetuntur. Est frutex
alter hortensis huius ferè plumæ, ruben-
tem ac pendulam ferens acinorum mul-
titudinem racematum congestam : quæ
more nucleorum punici mali, abeuntem
appetentiā reuocare, & nostratisbus gro-
sella rubra vel transmarina nuncupari vul-
gò solet. Non desunt qui putent id esse
quod Arabes medici Riben appellāt. Fru-

*Grossulariū
descriptio Et
vus.*

*Stomachus,
situs, febris,
vomitus,
aluuus, tor-
mina, san-
guis, bilis,
mēstrua, cœ-
liaci, dysen-
terici et cho-
lerici.*

Etus vtriusque, cādidas nimirum vel ru-
ber, æstuantem stomachum refrigerat, &
sitim restinguunt: quæ cūm alios, tum ma-
ximè febricitantes excruciare solet. Vo-
mitiones sistit, stomachum roborat, alui
profluuum retinet ex flaua bile, ac ven-
tris rosiones & vellicatus hinc obortos
emendat. Prætereà sanguinis ferorem
demulcet, bilis acrimoniam obtundit,
abundātiā fœminearum purgationum
cohībet, cœliacisque & dysentericis, nec-
non cholera laborantibus valde prodest.
Salgamarij saccharo, aut melle vtrunque
condiunt ad anni totius vsum. Scio non
deesse, qui hēc ascribenda cōtendant fru-
ctibus oxyacāthæ: quod vt obstinatē nō
nego, ita grossulis nostris conuenire de
experientia probatum habeo.

HORTI MEDICI CAMPVS

QVINTVS, FLORES ALIQVOT, TAM
odoros, quam inodoros, nouem areo-
lis complectens.

*Rosæ hortenses, & medica illarum
auxilia.* A R E A I.

• *Rara rosa-
rum excel-
lentia.*

QVONIAM Rosæ, floris ac odoris raro
priilegio, inter omnes hortorū
flores

flores ubique nobilitātur, & aspectu per-
quām iucūdo ac vario omnibus arridēt,
hortorūmque ornamenta cēsentur esse:
idcircò si de medicis illarum facultatibus
primo loco inter flores hīc scriberē, pre-
cium operæ facturum meduxi. In quam
rem gradum mihi substernent illarū par-
tes paucis animaduersæ: quas antiqui sex
nobis proposuerūt, scitu dignas, & in re-
bus medicis nequaquam neglectas. Duæ
in foliis, aut si mauis in floribus reperiun-
tur. Vna, vbi calyci inserūtur, & vnguium
modo albicant: ex quo vnguis rosarum
pars ea dici solet. Altera, reliquum folio-
rum explet. His succedunt aliæ duæ, quæ
veluti minutissima semina in rosarū um-
bilico flauescunt, tenuissimis capillamen-
tis alligata, quorum partem constituunt
granula, partem verò filamēta. Reliquæ,
in ipso rosarum alabastro, seu calyce con-
tinentur, vna in cacumine, altera in fun-
do. Quod ad facultates partium istarum
attinet, folia cor, ventriculum, iecur, & ^{Inflammatio,}
vim retentricem roborāt, dolores ex ca- ^{fluxio, gyn-}
liditate leniunt, & inflammationes discu- ^{gia, men-}
tiūt. Vngues vtiliter inseruntur lotioni- ^{strua alba,}
bus, fomentationibus, & clysteribus ad ^{alii fluor et}
^{cruenta ex-}
^{creatio.}

inhibēdās fluxiones. Flosculi medij cum suis fibris ac filamentis, ginguarum defluxus, & alba mulierum effluvia mirificè cohibent. Calyx, quē etiam caput non nulli dicunt, cum reliqua parte basis, alui fluores & cruentas excreationes sistit. Porrò, præter sex iam dictas partes, quæ in florentibus rōsis se produnt, tres aliæ in fructu reperiuntur, vbi maturuit. Vna in substantia carnis rubescente, altera in seminibus, tertia in lanugine conclusa, quibus omnibus non obscura inest adstringendi vis. Vnde præstāti admodum remedio & auxilio censentur esse contra alui fluores, & fœmininorum excrementorum abundantiam qualemcūque: adhæc aduersus gonorrhœā, in qua præcipiè valent. His vtcunque propositis, medica rosarū præsidia sigillatim aggredior. Si corona ex nouis & recētibus rosarum floribus cōcinnata, capiti coapetur, illius dolores ac molestias ex insolatu, vel ebrietate contractas, salubriter leuabit. Sed recētium penuria, veteres mandefacere poteris in aqua, addito paucō aceto, & illis cōmodè vti, Galeno monitore: qui ad æstuas lippitudines siccārū

*Alui fluor,
menses, go-
norrhœa &
capitis do-
lor.*

rosarum decocto etiam vti iubet, palpebras eo per spongiam continuè foulēdo. Suadet idem ad scabiosas oculorum lipitudines ex sole & pulueribus obortas, rosis aridis in vino albo tritis, & angulis oculorū admotis, vti: modò sub somnū oleo inungantur oculi, & ægrotans ab omnibus acribus abstineat. Rosæ siccae vino albo vsque ad tertias incoctæ, & ad colluendū continuò datæ, cruciatus dentium emendant, maximè à causa calida. Eadem in aqua elixatae, vel illarum flos, summo sunt remedio inflammationibus oris, gutturis, ac columellæ. Et si rosarum vncias tres, & ouorum tostorum lutea duo vino albo lœuigaueris ac cerato rosaceo exceperis, igneos & æstuantes sedis dolores mitigabis, perinde atque etiam hæmorrhoides. Sed priusquā alia rosarum medica auxilia persequamur, iucundum erit audire Damascenum Mesuen de illarum facultatibus docte & medicè hūc in modum philosophantē. Rosa frigida est primo gradu, sicca secundo, ex diuersis substantiis & separabilibus composita: aqua mediocri, terrea adstringente, aerea dulci & aromatica, denique ignea te-

Lipitudo,
dentes, in=
flammatio
oris, gutturis
& columel-
lae, sedis dol-
lor, & ha-
morrhoides,

Rosarū na-
tura et qua-
litates ex
Ioan. Me-
liss.

nui, in qua est amaror, rubor, perfectio & forma. Recetes sunt amaræ magis quam adstringentes, & ob eam amaritudinem, succo præsertim, purgant. Siccatæ substantiam adstringentem & constipantem retinent, sed albæ magis quam rubræ. Resoluunt, aperiunt, tergent, calidas intemperies emendant, & cogedo atque adstringendo roborant, maximè pilis & semine in calycis medio inuentis. Præstantior est in vrroque genere (albarum, inquam, & rubrarum) cui color genuinus inest, & folia adsunt pauca ac plana. Albæ nihil aut minimum purgat, sed potentiùs adstringunt & roborant quam rubræ. Aqua vbi recentes sunt maceratae, vel earundē succus, bile flava purgat venarum & arteriarum sanguinem, obstructiones ventriculi & hepatis aperit, ictero confert, febribus biliosis auxiliatur, viscera roborat, cordis tremorem curat, retentricem facultatem cōtinet, omnem inflammationem extinguit, & ab ea dolorem sedat, somnum conciliat, vuulam stringit, guttur roborat, crapulam aufert, & catarrhis obest. Cæterūm cūm sit medicamentum benignum, sed ad purgādum imbecillū,

*Obstrucō,
icterus, fe-
bres, cordis
tremor, in-
flammatio,
somn⁹, vuu-
la, crapula
& catar-
rhis.*

adminiculis quibusdam eget, vt sero laetis vel melle. Nam succi rosarum vncia vna, cum sero lactis duabus vnciis aut tribus, & pauca spica, commodè vacuat. Foliorum quoque sero lactis infusorum expressio, cum paucō melle, sine molestia purgat. Rosæ melle conditæ terget, purgant & roborāt: saccharo autem exceptæ minùs tergent, sed magis roborant & adstringunt. Acetum rosatum inflammatiōnes omnes sedat, incidit, purgat, roborat. Recentes rosæ nullam coctionem, vel quām minimam, sustinent: nam facultas earum tergens & purgatoria, statim igni resoluitur. Succus mediocriter coquēdo fit tenuior, & potētiū terget. Hactenus Mesues, à quo ad nostrum institutum & medica rosarum præsidia cōmodūm redeo, nihil in his prætermissurus quod apud probatos autores legerim, vel ab expertis didicerim, aut ipse diligēter obseruauerim. Si cui autem hīc prolixus videbor, id (quæso) factū putet in gratiam popularium, quorū horti & scrinia vbi que rosis scatent. Verum enim uero, ne quid in hac historia etiā vulgare omittā, Rosarū cons. serus quo modo fiat.

*Rosæ cōdita,
& acetum
rosatum.*

*Autorū ma-
desta excu-
stio.*

describo. Quæ fieri solet rosis tātūm rubris, recentibus, exunguatis, in mortario lapideo diligēter tritis, superaddito optimi sacchari duplo. Mox citra insolatum reponuntur omnia, sed vase non repleto ad cumulum, ne tritura foras exiliat, & sit feruendi locus. His positis, rosarum auxilia medica persequor. Zoroastres in suis de Agricultura obseruationibus Græcis, tradit, oculos eius dolorem non sentire anno toto, qui rosarū calyces antè quām in florem explicitur, leni tactu lustret, tribūsque earū alabastrulī visum detergat, illis in rosario parente relictis. Quod multi verum esse contendunt, in eo qui prim^o calyces in frutice occultatos videbit. Ut vt fuerit, ros ille qui rosis inhæret, pinnula munda lectus, & specillo, generum palpebris illitus, oculorum lippitudini medetur. Cremor è rosis aridis in vino decoctis expressus, ad capitis, oculorum, ginguarum & aurium dolores summè probatur. Prodest etiam vitiis sedis, ac recti intestini, pennai illitus, aut infusus. Trita rosa sacrum ignem, si apponatur, cōpescit, calētēmque stomachum & præcordia mitigat: fluxum ventris ac

Oculi, lippitudo, caput, ginguae, aures, anus, ignis sacer, stomachus, præcordia, venter, m^{ix} & os.

matricis cum vino pota, vel infusa, cohibet. His addendum quod siccæ rosæ puluis efficaciter medetur oris vitiis, per se, aut cum melle. Rosaceam aquam, vi ignis diuersis instrumentis extractam, hic conticeo. Quâ multò præstantior ac odore fragrantior solet esse, quæ vasis in aquam feruentem suspensis, aut priscorum more, per balneum calentis aquæ, vitreis organis elicetur, quemadmodum alibi doccebimus. Hoc postremum erit. Rosæ, ut flores alij, Sole blando, vel clibano, pane ablato adhuc calente, siccatae, odorem ac vires magis retinent, quam si in umbra siccentur, modò metam moræ non excedant. Idem de foliis & radicibus odoratis existimare tibi licebit. Quod pro reliquis floribus semel dictum ac scriptum velim. Supersunt multa rosarum occulta miracula, quæ tibi cum aliis plerisque hæten⁹ desideratis, libēter in nostris rerū medicarum arcanis aliquādo impertiemur.

*Aqua rosa-
cea quomo-
do elicienda.*

*Flores odo-
rati, radices
et folia quo-
modo siccari
debeant.*

Lilium hortense, & medicæ eius auxilia.

A R E A I I.

QVIA Lilium rosis nobilitate proximum esse scripsit Plinius, & me-
I iiiij

dio prouentu earum incipere, ideo secundum, post rosas, locum illi dabimus. Quibusdam ob insignem præstantiam flos regius, & Iunonis rosa dici cōsueuit, candore emaculato & odore eximio arridēs. Huius radices ex vino potæ, contra serpentium ictus plurimū valent : & ex mulso propinatæ, inutilem sanguinem per aluum detrahunt, ac ita lieni summè prosunt. Lichenas ac furfures in facie emēdant, & corpora erugāt. Cum adipe & oleo decoctæ, adustis prosunt, ac iisdē pilos reddunt, induratāsque matrices remolliunt. Folia in aceto elixata, vulneribus efficaciter imponuntur : & succus ab iisdem expressus, ad vulvas erugādas utilis est, mouēdōsq; sudores, & excoquendas suppurationes. Auxiliantur eadem serpentium morsibus imposita, & adustis feruefacta. Radices tostæ cū rosaceo, vlera cicatricibus claudunt, & cum melle neruis præcisis admotæ, luxatisque partibus, maximè succurrunt, ac vitiliges emaculant. Quod etiam præstant elixa ta folia, cataplasmate facto. Valet radicū bulbus ex vino coctus & intritus, ad pedum clavos : sed hinc amouendus nō est,

*Serpentes,
sanguis, lie,
lichen, fur-
fures, adusta
& matix.*

*Vulnera,
vulua, su-
dor, suppu-
tatio, serfēs,
edusta, lice-
ya, nervi, lu-
scata & vi-
tiligines.*

nisi cùm lux tertia venit. Testiū inflammations cum hyoscyami foliis & tritici farina etiam leniunt ac demulcent dictæ radices. Fit aqua è floribus lilioꝝ, vitreis organis in Mariꝝ balneo excepta (vt proprio scribemus opusculo) ad facies mulierum erugādas, & niueo cādore illustrandas, summè expetita. Radix quomodo cunque ponatur, hemorrhoïdes aperit. Et vnguentū ex ea factū cum oleo amygdalarum amararū & cera alba, mirādum in modū erugat, terget & expolit faciem mulierularum. Eadem in aqua elixata, vel sub prunis cocta, & cum dulci oliuo subacta, singulare adfert præsidium combustis tam igni, quàm aqua, ex Galeni & Auicennē testimonio. Si in aceto coquatur, calida testicularū apostemata emendabit: & si cum melle teratur, caput à furfuribus, tōsum & vncū vindicabit. Prodēst etiā ad vlcera capitīs manāntia. Ace-to incocta folia, & spleni admota, vnicè conferunt cōtra illius duritiem & scirrhū, modò quid eorum decocti præbatur. Succus etiā eorundē cum semine tritus & haust⁹, pūcturis venenatorū mire auxiliatur: & expressus de floribus suc-

Pedū clavi,
inflammatio-
nes testicu-
& facies.

Hemor-
rhoïdes, fa-
cies, combus-
tio, testiculi,
furfures, vl-
cera capitīs,
splen, & icl⁹
venenatorū.

Vteri vomicae, menses, vulva, fœtus, inflammatio, menstrua, secundæ, & discoloratio facies post partum.

cus, vomicas vteri valde iuuat. Præterea, radix sub prunis cocta, & oleo subacta, vteróque per linteolum immissa, mēses trahit, matricem emollit, & vuluam apertit: adhęc semen vino albo intritū ac epotum, fœtum mortuum celerrimè educit. Oleum ex floribus recenter confectum & croco coniunctum, omnes inflammationes discutit. Fötus pudibundorū mulieris ex aqua decoctionis foliorum, & radicis, plurimū valet ad mouenda menstrua, quæ à partu cum secundis excludi debuerant: sed post fomentum, debet in eodem decocto linteolum tingi, & usq; ad os vteri immitti, & exteriùs fötus cōtinuari. Sit hoc postremū, Radix cum aliis cocta, & in fæce rubelli vini trita, mulierum faciem, quæ post dolores partus discolorata remansit, perbellè emendat ac restituit, si hisce miscellaneis serò inūgatur, & manè aqua hordei detergeatur, idque toties repetatur, donec pristinum decus, sed maiore cum elegantia, resumperit. Quod rusticis mulieribus puerperis (quibus allia suauiter olent) scriptū sit, non urbanis, & aulicis, quæ moschum olere, ac rosas ubiq; spirare satagūt. Sed

heus tu? non redolet, sed olet, quod redolere solet. Nec cuius bene olet, quod bene semper olet. Verum hæc nihil ad historiam nostram.

*Leucoij & violarum congenerum medica
auxilia.*

A R E A I I I .

IN VENIO summum honorē fuisse Violis apud antiquos, post Rosam & Liliū. Quarum genus omne partim *Violetæ* nomine, partim odore garyophylli in hortis, & illorum maceriis, ædificiorūmque ac tēplorum parietibus familiariter hærere videmus & omnium maximè lutearum, Mauritanis & pharmacopœis *Keiri* nuncupatarum. Sunt etiam in fenestrīs & pensilibus hortulīs genera omnia frequentissima, figulinis aut ligneis vasis, à mulierculis, & his qui claustra sequuntur, studiosè exculta, mira sanè coloris, albi, purpurei, cærulei, crocei & vermiculati, varietate, odorisque suavitate, vel emin^o commendata. Sed maxima autoritas luteolis esse solet: quæ omniū primæ emergunt, & odorem vsqueadecò vehementē spirant, ut caput plerunque tentet, ac narē feriat. Verum enim uero hæc ad medi-

*Violarū di-
gnitas &
culus,*

*Viola lutea
præstantis-
simæ.*

*Menstrua,
oris vlcera,
rima sedis,
vuluæ,lien
podagra,
menses,par
tus & se
cunda.*

cas violarū facultates nihil attinent, quas nunc demum explicare iuuat. Aridi flores Leucoij feruefacti, menstrua educūt, oris vlcera cum melle sanant, cum cerato rimas sedis emēdant, & in defessionibus, ut scribit Dioscorides, contra vuluæ inflammationes plurimūm pollut. Radices cum aceto illitæ, lienem reprimūt, ac podagricos valde iuuant. Semen vnius drachmæ pondere ex vino potum, aut cū melle, genitalibus mulierū inditum, menses, secundas ac partus, etiam mortuos, extrahit. Frutex omnium, ex Galeno, facultatem habet extergentem, ac tenuium est partium: plus tamen flores, & inter hos qui sunt sicciores, quàm virides, exhausta excrementitia omni humiditate: vnde oculorum cicatrices, etiam crassas, extenuant. Si quis vehementiam viriū quæ in floribus latitat, multa aqua, aut aliter retundat, optimū habebit medicamentum ad phlegmonas tam vteri, quàm partium aliarum: potissimū quæ diuturno tempore ad scirrhi modum induruerunt: sic cum cerato vlcera ad cicatricem agrè venientia valde emendabit. Sunt qui phlegmonas in articulis in-

*Oculi,phleg
mone vteri,
vlcera,arti
culi,menses,
& podagra.*

duratas, radice cocta, trita & apposita curant. Semina lutearum in vino albo contusa (si febris absit) & hausta, menses potenter educunt, & fotu, frigidæ podagræ dolores leuant. Flores earundem, dimidio cyatho in aquæ tribus, eosdē menses, diebus aliquot hausti, euocant.

Viola, Martia nobis dicta, & medica eius auxilia.

A R. I I I I.

IN eo violarū genere, quas Martias nū-
cupamus (fortasse quòd mense Martio plurimū se prodant, & Ver aperiant) non solùm pupureæ apud nos visuntur, sed etiam albæ, æquè suaves & odoræ atque priores: licet id non agnoscat Andr. Matthiolus medicus doctiss. ac diligens. sicuti apud Dioscoridem testatū reliquit. Quod ad illarum vires & facultates attinet, Tarentinus in Græcorū agricultura & medicina exercitatissimus, scribit flores Violæ purpureæ refrigerare, & ea de causa inflammationibus prodesse, perinde atque oleum, & acetum, ut mox dicemus, ex illis compositum. Aqua infusionis & macerationis corundem, vlcu- scula in ore paruolorum oborta, ac apo-

*Viola cur
Martia no-
bis dicatur.*

*Inflammatio,
vulcicula
oris, aposte-
ma, pleuri-
tis, thorax,
erabula, gra-
uedo et epi-
lepsia.*

stemata valde emendat, & pleuritidi, anginæ, tumorib[us]que thoracis summè auxiliatur. Valēt etiam flores iidem aduersus crapulam & capitis grauedinem olfacti, vel coronæ modo sincipiti admoti. Addo quòd epileptici odore violæ (fortassis luteæ) summè recreantur, ac nō nihil iuuantur, & maximè pueri: nec tantum odore, sed etiam potu aquæ, in qua illius flores permaduerint. Radices cum myrrha & croco tufæ, inflammatis oculis mirè opitulantur: & trita folia cum melle & aceto, capitis vlcera sanant. Eadem elixata omnem matricis tumorem curant, si tepida elixationis aqua uterus foueat. Prosunt etiam in cerato fissuris ani, quas rhagadias nuncupant. Semina cum vino albo trita, calidam podagram fotu recreant: cui succedere debet folia in roseo tufa, & ex linteolo apposita ac subinde mutata. Penè præteribam quòd dicta semina vino albo (si febris absit) intrita & pota, choleram, modo rhabarbari, de ventriculo exturbant. Quod etiam præstare ferunt virentia folia, aut flos in aqua vel oxymelite, multa maceratione pmutatus. Quin & biliosos morbos, vel

Oculi, vlcera capitis, matrix, rhagadia, & podagra.

Bilis, sanguis, pulmo,

è sanguine factos, costales & pulmona-
rios, vt diximus, idem etiam iuuare solet,
ac infantorum tusses & suspiria cōpo-
nere. Folia eadem per se, & ex polenta,
æstuanti stomacho, & oculorum inflam-
mationibus, sedique prociduae aptissimè
illinuntur. Hic me subinuitat commune
iuandi studium, vt non omittam vnum
ac alterū Violarum arcanum, mihi à me-
dico Italo, haud ita pridem familiariter
impertitū, sed quod postea apud dignum
fide autorem legi & adnotaui. Si os capi-
tis, dicebat adolescenti, vel alteri, violen-
ter tactū fuerit, da illi statim bibere vio-
las tritas, & id dies aliquot facere perse-
uera. Prætereà, si cuipiam pes dexter læ-
sus fuerit, liga violam cum vino tritā sub
planta pedis sinistri: si sinister, sub dextra.
Rem vtramque facili experimēto excu-
tiendam, rerū abditarum studiosis pro-
pono. Sed Ioannem Mesuæ, de Viola-
rum facultatibus differētem iuuat in me-
diū accersere. Viola recēs, inquit, frigida
est & humida ordine primo: siccata, mi-
nùs. Nam in recente excrementosa hu-
miditas superficiaria, quæ lubricādo pur-
gat, caliditatem obtundit. In sicca, humi-

tus, suspi-
ria, stoma-
chus, oculi,
et sedes pro-
cidua.

Vulnus ea.
putis, & pe-
dum laeso.

Viola recē-
sis & siccæ
temperamō-
rum.

ditate illa resoluta, caliditas priùs obruta emicat: ex qua emergit sapor amarus, qui trahendo purgat. Recens ergo refrigerat, dolores calidos, narcoticorum & stupefacentium modo sedat, inflammations extinguit, thoracem & asperam arteriam lenit, bilem flauam purgat, & ab ea calorem sequestrat. Somnum præterea conciliat, vuulae confert ac cynanche, cephalalgiam à causa calida consopit, hepatis phlegmonem & eius obstructionem, vñā cum ictero valde iuuat, sitim sedat,

*Inflammatio, & febres inflammatorias mitigat, sed cor-
thorax, ryzam excitat. Cæterum, eligenda & de-
aspera arte-
ria, bilis, so-
mnus, cy-
nanche, ce-
phalalgia,
hepar, icte-
rus & co-
ryza.
Syrup' vi-
olarum laxa-
tiuus.*

cerpenda est matutina viola, cuius virtutem neq; Solis calor resoluit, neque pluia dissipauit. Si melle conditatur, magis terget ac minùs refrigerat, cum saccharo contrá. Succus, atque syrpus ex multa repetitáque eius infusione concinnatus, leniendo, clementer, vt ex rosis, purgat. Acetum similiter compositum, febrium ardores, emédat. Hactenus Mesues, cum quo medicam hanc Violarum historiam claudimus.

*Betonica hortensis, & medica eius
auxilia.*

A R E A V.

G A L-

GALLORVM vulgus altilē Betonicam & coronariam Ocellum seu oillethum, à floris figura nuncupare solet: quę tantam gratiam apud mulierculas, & monachos, inuenit, sui odoris iucunditate & coloris præstantia, vt tam in hortis, quàm fictilibus cura admodū diligentib[us] ab illis, etiam fenestratim, excolatur ac foueatur. Flores caryophyllū olent, & aliquid suauius, artificio & mangonio in nostris hortorū Secretis expresso. Mirum sanè est, quòd tam illustris flos, tam suavis & iucundus, à veteribus silentio inuolutus fuerit: qui pulchritudinē, varietate & amplitudine, cum rosa de principatu non temerè mihi certare videtur: ei nec colore cedens, nec odore: nisi quòd è lōginquo plus olet recens rosa, sed cui decerptæ, natiui vigoris longissima mora dies esse soleat: betonicae, quatriuum, vel amplius, vita, vigóre que perseverat. De eius facultatibus & medicis auxiliis, ne verbum quidem hīc à me expectabis, quòd prisci rerum agri & medicinæ doctores, illam, vt monuimus, vel ignorauerint, vel dissimulauerint. Nam quæ de hyacintho circūfertuntur, nihil, quod dicunt, ad hāc Parmeno-

*Altilis Be-
tonicae pul-
chra histo-
ria.*

*Betonica
hortensis præ-
scis incognita.*

*Agrestis Be-
tonica ab
Ant. Musa
descripta.*

nisi suem. De agresti Betonica, præter ea quæ à Græcis & Arabibus tradita sunt, extat pulcherrimus & elegantiss. libellus Antonij Musæ D. Augusti medici, ad M. Agrippam.

*Phlogium & Bellis hortensis, cum utriusque
medicis auxiliis.* A.R. VI.

*Phlogij pul-
chra & ele-
gans descri-
ptio.*

PLANTÆ & floris inodori genus illud quod gallicum vulgus *Penseam* vocat, & pharmacopœorum collegium, Trinitatis herbā, Phlogium proculdubio, mihi esse videtur: vere statim post violam purpuream emergēs, & flosculum coronis sanè quàm aptū, folio triquetro gerens, colore vbique commendato, licet inodoro, vt anteā diximus. Durat inter flores longo tempore: nam in autumnū, imò etiam in hyemem his prorogatur locis & hortis, in quibus cœlum clemētiū arridere solet, & vigilis adesse cura coloni. Quod attinet ad medica eius auxilia, hoc idē possum testari quod de superiore, nimirum nihil extare, quod sciā, apud Græcos, Mauritanos, ac Latinos medicos. Scribam tamen ex quorundam experientia, quòd planta hæc maximè pro-

batur ad glutinanda vulnera, tam exte- *Vulnera & enterocæle.*
riùs illita, quàm interiùs sumpta : adhæc
ad enterocælas. In quē vsum puluerem
eius, mensura dimidij cochlearis, ex vino
austero, fœlici successu propinant.

His positis, transeo ad Bellidem, seu
Bellum hortense (nam campestre quo-
que & pratense spectatur) de quo, priùs
quàm medicè aliquid proferā, monebo
quòd flores eius à Gallis *Margaritæ vul-*
gò nuncupantur, & à nostratis Borbo-
niis Pasquetæ, fortasse quòd circa Pascha
oriri incipient, vel quòd grato & vario
colore, licet inodoro, oculos pascant. Sed
hæc nihil ad medicam historiam, de qua
nunc demum paucis agendum restat, ex
recentiorum obseruatione: nam nihil ab
antiquis scriptum quoque reperio. Bellis
itaque trita cum artemisia, perbellè stru-
mas emendat. Laudatur etiam ad poda-
gras, ischiadem & paralysim, vnde à non-
nullis herba paralysis dici solet. Valet
præterea, ad capitis fracturas, & thoracis *Struma, po-*
dagra, is-
chias, para-
lysis, capitis
fractura, &
thoracis vul-
vulnera, quæ in eius cavitatem penetrat.
In quē vsum, succus potionibus ritè
quoque admiscetur.

Iris, & medica eius auxilia. A.R. VII.

K ij

IRIS quòd folium habeat in speciē gladij mucronatū, quibusdam Galliæ partibus *Glaiutum*, ac si diceres gladiolum, vulgò nuncupari solet: & à cœruleo ac versicolore flore cœlestem arcū imitante, *Iris*. Cui flores, præter cœruleum, insunt albi, pallidi, lutei, & purpurei, artificio in nostris hortorum Secretis descripto. Rura alicubi *Flammam* vocāt: ob rutilū, vt arbitror, ignis fulgorem, radiantibus aliquot lineolis, intus exaratum: vel quòd calfaciat, vt flāma. Radices fundit geniculatas, & summè odoras: quas plerique sub veris exitum terra eruunt, & per circulares, taleolas dissectas in umbra siccant, filoque transfutim exceptas, reconidunt. Alij lixiuio easdem macerāt, ad absorbēdam & exauriendam succi excrementitij sobolem, qua tinearum iniuriis sunt opportunæ, deinde siccant. Nam teredines, non siccæ modò, verùm & in terra virides celerrimè sentiunt. Ita curatæ armariis imponuntur, vt odore per quam iucundo, vestes ac lineam supellectilem imbuant, & cōmendent. Sed hæc, si placet, mulierculis tractanda relinquamus, & medicas Iridis facultates sedulò

Iridis no-
mīna & co-
rāndē ratiō.

Vsus œcono-
mīcus rads-
cum iridī.

excutiamus. Radici vis inest excalfaciens *Tussis, tor-*
 atque extenuans, qua dote contra tussim *mina, lieno-*
 efficax esse censetur: nam crassitatem hu- *si, perfrige-*
 morum, qui ægrè reiiciuntur, digerit, at- *rati, cōuulsi,*
 que hinc torminibus medetur. Cum ace- *gonorrhæi,*
 to, lienosis, perfrigeratis, cōuulsi, & qui- *menses, ex-*
 bus genitura effluit, summè prodest, co- *creatio, lum-*
 cтaque cum vino & hausta, tardates men- *bi, sternu-*
 ses euocat, necnon excreationes faciles *tatio.*
 reddit. Lumbis & coxendicibus ex resi-
 na vtiliter illinitur: naribusque ritè indi-
 tur puluis aut succus sternutamētis mo-
 uendis. Caput purgat, lachrymas elicit, &
 suo iuscule orthopnœas discutit. Oris fœ-
 dos halitus cōmansa abolet, alarūmque
 tædia & graue virus fotu emendat. Vinū
 decoctionis eius tussim sedat, & soporem
 cōciliat. Puluis ex vino propinatus, si fe-
 bris absit, saniem tenacem, quæ præcor-
 dialædit, & thoraci molesta est, mirificè
 expellit, & deturbat. Idem cū aceto gra-
 uia tormina compescit. Fiunt è radicibus
 cum melle admodum efficaces composi-
 tiones ad secundas educandas. In dolore
 coxendicum succus recentissimæ radicis
 vtiliter clysteribus infunditur, fotusque
 decoctionis eiusdē, fœminarum incom-

Thorax,
tormina, se-
cunde, co-
xendix, vl-
cera et fistu-
la.

moda ad vnguem leuat, duros earum locos emolliendo, & cōtractos relaxando. Eadē radix arida, & in pollinem redacta, ulcera purgat, ac fistulas sinūsque replet.

*Paronychia,
lentes, clavi,
verrucae, os-
sa, cutis, dē-
res, & ul-
cera.*

Valet etiā ad paronychias, & cum vino ad clavos ac verrucas. Ossa fracta, cū melle imposita, extrahit: & nudata, carne vestit. Lentes prætereā & cutis vitia emaculat, dentiūmque cruciatus demulcit, si eius decocto foulantur, & frigida sit causa doloris. Ulcerum sinus laudabili carne replet: & si mel accedit, mūdificat. Quod etiam præstare fertur puluis ex combusto osse mortui hominis, modò aloë & melle excipiatur, & in ulceris fistulam iniiciatur, quemadmodum scripsit Rhazes. Sed hæc ad nostra medicinæ Secreta referuanda erant. Radix iridis in puluerem redacta, & oleo de spica ad linimenti cōsistentiam excepta, caput à pituitosis excrementis suavi admodū odore, per narēs liberat, sed repurgato priùs toto corpore. Succus ex iisdem radicibus insertus naribus, fœtorem illarum emendat. Et cum aceto haustus, splenis dolores abulet. Hic tēpestium est, vt Ioannem Messiæ audiamus. Iridis radix, inquit, calida

*Caput, na-
rium fœtor
& splen.*

est & sicca ordine tertio, necnō acris: Detrēget, resoluit, coquit, lenit, aperit, dolores sedat, pituitā viscosam, & mistam illibilem purgat, necnon serosas aquas, eāq; omnia clemēter. Lentam & harentē materiā crassam in thorace ac pulmone coquit, tenuat, ac promptē educit, viscerāq; omnia expurgat. Hepatis quoque & lieenis ac vicinarum partium obstruktiones tollit, & affectus ab iis excitatos, hydrozem, dolorē, tensionem, duritiem, ac similes, sanat aut lenit. Omnes quoque tumores, etiā duros, & strumas digerit, præsertim neuorum & iuncturarum: maximè cum betē vel brassicæ succo, aut vino, & melle ac oleo chamēmelino. Præterea, veterem cephalalgiam sanat, præsertim cataplasmate imposita, & succo eius in nares attracto. Nam sternutamentū mouet, quod excremētorum vim maximam per meatus occultos in partes alias defluere paratorum, retrahit & foras dicit. Cum sapa tussim veterē ab humore crasso, vel lento factam, multū iuuat, & ab eodem spirandi difficultatem. Vterum præterea expurgat: & pessō imposita, vel emplastro admota, eius dolores sedat,

*Thorax,
pulmo, liens,
hepar, viscerā,
hydrops,
struma, tu-
mores &
cephalalgia.*

*Tubsis, asth-
ma, vierus,
dentes, rheu-
ma, hemor-
rhoides &
macula fa-
ciei.*

K. iiiij

*Electio, col.
lectio, &
note p̄e-
statis Iridis.*

menses euocat, abortum facit. Ischiadi
salubriter clystere iniicitur, aut empla-
stro apponitur. Si aceto cui incocta fuc-
rit, os colluitur, dentium dolorem leuat
& rheumatismum sistit: adhæc supposita
hæmorrhoidas aperit. Succus eius cum
farina fabarum & cinerum illitus, faciem
expurgat, eiūsque maculas deterget. Por-
rò, ne vētriculum lædat, sumitur ex mul-
sa & pauca spica, vel cū sero lactis, melle
& mastiche. Hactenus Mesues. Paulus
Ægineta tradit, obolos octo, seu scrupu-
los quatuor, purgare agarici modo, nisi
fuerit antiqua & pforata radix. Dioscor.
dosim illo amplius auget. Teri & co-
qui potest mediocriter. Eligenda quæ est
crebrò geniculata, dēsa, ex albo rufescēs,
frangi contumax, odore violæ aromati-
co, sapore acri ac mordente, & dum tun-
ditur, sternutamenta excitante. In quo
Florentina & Narbonensis nostræ præ-
fertur: & bonitatis rationem secundam
habet, cui flos inest cœruleus: nam albus,
vt reliqui mangonio accersiti, ad omnia
imbecillior censetur. Colligi debet, inci-
piente florum defluvio. Fit ex ea oleum
irinum dictum ad multa valde efficax, vt

in Opusculo hortensium oleorum aliquando scribemus, cum aliis plerisque, fauente Domino, legi ac aspici dignis.

Amaranthus, & medica eius auxilia.

AREA VIII.

Etsi à Plinio Amarāthus spica purpurea verius dicatur, quam flos, illum nihilominus in censu florum hīc adnumerabimus, quod eo nihil sit aspectu gratus ac iucundius. Tyrias enim purpuras flāmeo nitore vincit. Ex quo Gallis non ineptè Passuelutum nuncupatur: nā cum holoserico coccineo, quod Carmæsinū dicūt, de coloris præstātia certare videtur, absque ullo tamen odore: mirūmque est quod cùm defecere cuncti flores, ille mādefactus aqua reuiuiscit, & hybernas coronas pulcherrimē nectit: hinc dictus Amarāthus, quod nō marcescat, ita Grēcam nomēclaturam usurpante Latio. Ex recentium medicorum iudicio, facultas illi inest frigida & sicca: vnde flos eius ex iuscule potus, dysentericos & celiacos iuuare traditur: adhēc mensium abūdantiam, & albas vteri fluxiones cohibere. Quinetiam crūcta expuentibus prodest,

Pulchritudo
Amarāti Et
eius nomen-
clatura.

Dysenterici,
cœlitaci, nē-
ses, tertie flu-
xiones, crū-
cta expuentio-
nes, vomitus
& fluxio.

præsertim si in pulmone, vel pectori vas aliquod fractum fuerit, ut scribit doctiss. & diligentiss. medicus Andr. Matthiolus suis in Dioscor. commentariis. Non defunt qui tradat stomacho aduersari, licet cum vino vomitus ac fluxiones sistat. Flos in aqua maceratus, vinum emittitur, grata febricitantibus impostura, quo benefico inuenito illos saepenumero delusimus, ac summè iuuimus. Sit hoc postremo loco in virginum & puellarū gratiam scriptum. Amaranthi flos, furni tempore, post ablatū panem, siccatus, mira coloris præstantia ad coronarios hyemis usus seruari potest.

Solsequium, & medica eius auxilia.

A R E A I X.

SO L S E Q V I V M à multis falsò existimatur esse Heliotropium, siue maius illud fuerit, siue minus. Non quod Sôlem non sequatur, ut mox dicemus, sed quod pictura ei planè repugnet. *Calendula officinis* vulgo nūcupatur, quod singulis fere mensium calendis florere, vel (ut aliis placet) fruticare deprehendatur. Gallia *Solfiam* nominat, ac si diceres *Solsequiam*,

*Solsequij
nomenclatura, & ea-
rundem ra-
tio.*

quòd eius flores Solem ab ortu per meridiem ad occasum tendentem notabili conuersione sequantur, ac si eius spiraculo recrearentur: tantus est syderis amor, & occulta cū iis floribus sympathia. Hinc nimirum planta hæc Rusticorum horologium & Solis sponsa, ac solaris herba nuncupatur, sicuti fusè & apertè ostendimus in nostris Naturæ arcanis, & alibi. Venio ad medica solsequij auxilia. Suffimētum ex siccis eius floribus per vulvas receptum, secundas morantes trahit: & iidem recentes in vino macerati & poti menses ciente: sed multò efficaciùs id præstat herbæ succus: quo, in dentium dolore si os cum tātillo vini, vel aceti calidiusculi colluatur, præsentaneum adfert remedium. Rem eandem facit folium, digitis vtcunque emollitum, & crucianti denti appositum: sed illud igni oportet antè admouere. Quia frigidum, vt venrandus ille medicinæ parens Hippocrates noster scripsit, neruis, dentibus, ossibus, cerebro & spinali medullæ summè inimicum, ac valde infensum esse solet. Sunt qui Solsequij aquam omnibus oculorum morbis conducere asserant, tam à

Secundæ,
menses &
dentū cruce-
ciatus.

Oculi, cap-
itis dolor, pe-
stis & febris
quartana.

calore quām frigore: adhæc capitis dolores tollere. Hic penè tacebam & præteribam secretum magnum mihi & amicis meis, qui naturæ abdita, per experimēta scrutantur, sæpenumerò probatū & obseruatum. Si quis initio pestilentialis febris vncias duas succi calēdulæ biberit, deinde in lectulo bene opertus fudauerit, liber ab ea labe resurget. Quod Alessandro Benedicto sicuti acceptum libēter ferimus, ita tibi libentiūs offerimus ac impertimus. Sunt medica aliquot huius plantæ secreta alia, paucis intellecta, quæ cum plerisque haec tenus desideratis ex tenebris tibi in lucem aliquando proferemus. Hanc solsequij narratiunculam claudebam, dū medicinæ cādidatus quispiam familiaris meus, familiariter, vt sollet, me inuisit. Qui postea q̄ legit hanc facultatum solsequij historiā, fidem mihi fecit se cognouisse monachum quendam qui quartanas curabat propinato ante accessionem vino albo, in quo septē grana solsequij detrita fuerāt, repetito dies aliquot haustu: Quod hīc te scire, libenter volui.

HORTI MEDICI CAMPVS
 SEXTVS, CONTINENS PLANTAS
 aliquot non esculentas,
 areolis vndecim.

Absinthium, & medica eius auxilia.

AREA I.

Hic Naturam rerum omnium parentem imitabor, quæ sicuti per vastam mundi vniuersitatem iucūdis ac lātis tristia miscere solet, adhæc dulcibus amara: ita ego in hac hortensium medica historia, suauibus insuauia miscebo, & gratis ingrata. Itaque post odoratos flores & plantas, nunc demum inodoras & insuaves herbas aliquot describam, ab absinthio incipiēs, quod tam odore, quam sapore, iniucūdum esse, nemo nescit. In genera tria illud distinxerunt prisci. Vnum vulgare nuncupantes, quod Galli *Aluinam* vocant, ac si diceres *aloinam*, ab insigni aloës amarore, quem refert. Nostrates Borbonienses *Fortum* appellant, à forti ac vehementi eius odore & sapore: cui Ponticū Galeno simile esse traditur. Alterum *Seriphium* vocant seu marinum: cuius semine medici necem moliuntur

*Absinthij
genera tria,
& eorūdens
nomenclatura.*

vermibus ac lumbricis corporis, & ob id
 Semen cōtra lumbricos dictitant: Galli-
 cum vulgus *Barbotinam*, & *vermium mor-tem* nūcupat, eásque nomenclaturas of-
 ficinæ egregiè norunt. Tertium quibus-
 dam Romanum, nobis Santonicum, gē-
 tili regionis vocabulo, dicitur: quod vt
 reliquis minus est, ita amarore multò mi-
 tius, foliis constans albicantibus, lenibus
 & planis: adhæc odore iucundo & gustu
 non valde insuaui. Hodie apud nos in
 multis hortorum areis seritur, & acet-
 riis remiscetur, summo ventriculi, & he-
 patis commodo. Sed his neglectis, ad fa-
 cultates & medica omniū præsidia trans-
 eundum est. Absinthium decoctum, sui
 vaporis suffitu, dētium, ac aurium dolo-
 res tollit: hīsque vtiliter instillatur, si ma-
 nauerit sanies. Potionibus à multis im-
 probatur, quod stomacho & capiti dolo-
 rem inferat, præsertim vulgare, licet illis
 prosint folia admota. Cruditates cum pi-
 pere, ruta, sale & vino abigit: ac thora-
 cem cum iride purgat, & maximè Santo-
 nicum. In aqua pluuiia decoctum, & sub
 dio perfrigeratum, vētriculum & hepar
 summè roborare creditur, ac lotium po-

Vētriculus,
 hepar, den-
 tes, crudita-
 tes & tho-
 rax.

Lotiu, iuste-
 rius, menses,

tu elicere. Ad regium morbum bibitur *pruritus* &
salubriter cum apio, vel adianto : & cum *nausea*.
melle sumitur efficaciter, aut ex vellere
imponitur laudabiliter ad menses tra-
hendos. Sanat *pruritus* fotu suæ deco-
ctionis, & *nauseas* maris arcet in nauiga-
tionibus potum ex vino, vel olfactum,
aut è regione ventriculi appensum. Reli-
quas facultates & medica præsidia facilli-
mis versibus, & planè medicis, expediet
herbarius vates de absinthij planta in
hunc scribens modum,

- .. *Et splenem adiecto potata iuuabit aceto:* *Splen, vene-*
- .. *Sic quoque fungorum depellet sumpta venenū:* *na, suggilla-*
- .. *Nec non lethiferæ cum vino damna cicutæ:* *ta, angina,*
- .. *Atque venenatis occurret morsibus hausta:* *vulnera, ca-*
- .. *Ac suggillatis superaddita rite placebit:* *pitis ulcera,*
- .. *Subuenit anginæ, mellini nitróque iugata.* *inguina &*
- .. *Vulneribus prodest contrita recentibus, illis*
- .. *Si superaddatur: capit is sic ulcera curans.*
- .. *In lini panno si circuncincta geratur,*
- .. *Inguinis immodicum fertur cohibere tumorem.*
- .. *Auris depellit sonitum cum felle bouino:*
- .. *Ac durum splenem illius cataplasma resoluit.*
- .. *Ex oleo fuerit viridis si cocta, iuuabit*
- .. *No modicè stomachū qui sit hoc vnguine fotus.* *Stomachus,*
- .. *Sub lingua factum curat cum melle tumorem:* *lingua &*
- .. *oculi.*

*Liuorémque nigrum, qui circa luminis orbem
Apparere solet, sanabit idem medicamen.*

Hactenus poëta ille, qui ex Arabibus hęc ad verbum ferè transcripsit. Penè omiseram quòd absinthij cinis rosaceo unguento permistus, capillum denigrat, & somnos olfactu allicit ramus sub capite repositus, modò id non senserit æger. Transit sapor eius in vinum, quod vocatur absinthites, quo nihil præstantius in affectibus ventriculi, ut dicemus in vinis medicatis. Non est hīc dissimulandum, quòd absinthium vestiariis arcis inspersum, ab erodētium iniuriis reposita vindicat: adhæc quòd atramētum librarium diluto eius temperatum, literas & libros à musculis tuetur, quēadmodum ex Diodoride transcripsit Plinius: apud quem in nonnullis exemplaribus, muscis pro musculis scriptum reperio: fortasse quòd μύιαις pro μύσι apud eundem legerit. Pulchrum est, inquit Ægineta, ante alia pocula absinthij dilutum prælibare: nā inter ebrietatis antidota numeratur. Quod ad exhibitionem attinet, veteres succum absinthij pueris offerebant illitis melle fabris vasculi, quemadmodum his versibus

Capilli, somnus, vētriculus, restes & libri.

*Prisea ab-
sinthij ex-
hibito.*

sibus eleganter expressit Lucretius,
" *Ac veluti pueris absinthia tetra medentes*
" *Cum dare conantur, prius oras pocula circum*
" *Aspirant mellis dulciflauóque liquore.*

Alij folia eiusdem in fico dabant, ad fallendam amaritudinem, & conciliandam gustui gratiam, summo per imposturam beneficio. Si cum rosis in vino austero coquitur, fotu, ventriculi dolores tollit, vel totius compositi applicatione. Et si cum passulis, oculis superponitur, pulsantem illorum dolorem emendat. Quod etiam præstat vapor decoctionis eius, ex vino albo, apertis oculis exceptus. Galenus scribit aurium sibilū & sonitū curari fotu decoctionis absinthij: vel immisso raphani succo, cū rosaceo: adhæcerbam contusam, & super tegula calefacta, vinóque irrorata, tostam, ictus, plagas & contusiones sanare: insuper, eius decoctum cum furfure, chamæmelo, meliloto, malua, vino & aqua, additis oleis andynis, rosaceo, liliaceo, anethino, chamæmelino, appositum contusionibus & attritionibus musculorum, mirandum in modum iuuare. Et si folia cum melle trita, vtero ac muliebri pudendo imponan-

Ventriculus,
oculi, aures,
plage, con-
tusiones, &
attritus.

L

Menses, tho- tur, menses excludent. Si cum radice iri-
rax, icterus. dis coquatur semē, & bibatur, thoracem
purgabit, & ieterum valde emēdabit. Sed
pulchrum erit audire Ioan. Mesuæ, hæc
omnia, & multò plura, paucis colligentē.
Absinthium, inquit, constat duplii sub-
stantia, vna calida, amara, nitroſa, purgā-
te & obstructa liberāte: altera terrea, ſti-
ptica, & partes cogendo roborante: præ-
fertim in ficcato absinthio. Cùm autem
eius substantia calida sit superficiaria, vbi
sumptū est, ab ea prior fit actio: à terrea
verò ſtiptica, posterior: per quam ven-
trem ſoluere cōprimendo, nonnulli ma-
lè ſunt opinati. Bilē enim flauā, & aquas
à ventriculo, intestinis, hepate ac venis
vacuat, interdum etiam per vrinas. Pitui-
tam verò, aut non vacuat, aut maximè
paucam: licet phlegmagogum quoque
ipsum censuerit Auenzoar. A putredine
vindicat, præcipuè potu quotidiano vn-
ciæ vnius vel duarum vini aut aquæ, cui
infusum vel incoctum fuerit, vel aquæ ex
eo distillatæ. Cum melle, aut vino & pau-
co cumino calfactum & appositum, mirè
confert partibus attritis vel contusis. Si
vino itē, aut aqua, aut oleo cui absinthiū

Bilis flaua,
aqua, putre-
do, attritus
& contu-
ſiones.

& radix cucumeris agrestis incocta fuerint, spongia mersa & expressa temporibus alligetur, hemicraniam sanat. Auris quoq; suffita vino aut aqua cui incoctum sit absinthium, dolore, tinnitus, & surditate liberatur. Acetū præterea, aut vinum cui incoctū fuerit cum cortice citri, oris fœtorem à gingiuarum & dentium putredine, vel materiarum corruptela in ventriculo, emendat. Quod etiā præstat aqua eius distillata. Succus cum nucleis persicorum, vermes aurium, & aliarum partium, enecat & educit. Sed maximè hoc electarium lūbricos occidit: Absinthij vnciæ duæ, euphorbij drachma una & dimidia, cornu cerui vsti vncia dimidia, mellis quātum sufficit. Ex absinthio, fumaria, vuis passis enucleatis, myrobalanis citreis, potio fit cōmoda cōtra pruritum & scabiem. Quia autem imbeciller soluit, rosæ, serum lactis, fumaria, spica, vuæ passæ purgatæ, illi non ineptè miscentur, ut melius & tutiùs purget. Roborat ventriculum & hepar, excitat appetitiam, tollit obstrunctiones, & inde natos affectus, icterum ac hydropem: febribus etiam putridis diuturnis confert.

Hemicrania,
aures,
fœtor oris,
vermes, pruritus
et scabies.

Ventriculus,
hepar, appetitia, icterus,
obstructio,
hydrops &
febris.

L ij

Vere debet colligi absinthium, & succus ex eo media veris parte extrahi, & sole, vel calidis cineribus, in vase vitreo, ut aloë, siccari. Flos æstatis principio decerpitur, mediocrem sustinens coctionem. Hactenus Mesues, qui nobis medicā absinthij narrationem claudet. In qua persequenda, si lōgē ac latē sumus exspatiati, & diutiū immorati, popularis herbæ inenarrabilib⁹ remediis & auxiliis, ascribendū anxiè petimus & obnixè pcamur.

Abrotonum, & medica eius auxilia.

A R E A I I.

*Abrotonum
mas & fœmina.*

QVIA Abrotono absinthij amaritudo inest, idcirco secundo post absinthium describetur loco: quod in marem & fœminā distingui nullus est qui ignoret. Hæc à multis Cypressus dici solet, foliis constans albicantibus. Ille non vſqueadè albicat. Parisienses vtrunque *Avronum & custodem vestiarium* nuncūpant: quòd armariis sparsum, vestes à tineis vindicet. In vino potum contra venena antidotum esse scripserunt prisci, *Venena, al-*
gores, coit⁹, & cum oleo illitum prodeſſe algentibus: *serpentes,* necnon contra omnia veneficia, quibus *barba, nerui*
et thorax. coitus impeditur. In cubili stratū & suffi-

tum, serpētes ac venenatū reptile quod-
uis fugat. Cinis eius cum oleo raphani-
no, ricinino vel sabino, barbā tardiūs na-
fcentem elicit, & neruos pectorisque af-
fectus summè iuuat foliorum decoctio.

Ex quo dyspnoicis, tussientibus, & lum-
borum ac vuluarū doloribus adesse cre-
ditur, si cum vino & paucō melle hauria-
tur. Quo etiam modo ischiadicis & sup-
pressis mensibus auxiliatur. Febriles al-

Dispnoici,
tussum, lumbi,
vulua, is-
chias, mēses,
febrilis al-
gor, venena
& pestis.

gores abrotonum sedare dicūt, si ex aqua
tepidā bibatur, antē quām irrepant: vel
oleo eius spina dorsi ad calētem foculum
illinatur. Alij eam in rem flores cū sum-
mis ramorū capitulis, ex oleo in linimē-
ti consistentiam atterunt, & eo pedum
plantas, cum spina & carpis manuum illi-
nunt. Semen usque ad drachmam, cum
aliquot foliis in vino albo tritum, addita
nuce iuglande & bolo Armeno: deinde
excolatum & bibitum, mirādum in mo-
dum est efficax aduersus venena, & luem
pestiferam, nostro & aliorum quamplu-
rimorum fœlici & optato experimento.
Semen in vino albo tritum, & haustum,
cunctantes menses accelerat. Quid am-
plius optas?

L iii

„ *Huic panis micas, & mala cydonia iungens,*
 „ *Si simul amne coquas, oculorum cocta dolori,*
 „ *Vel feruori apponens, percurabis vtrunque.*

Oculi, acu-
let, lumbrici
& Venus.

Infixas cuti spinas, aculeos & alia quævis educit per se admotū, vel cum adipe tritum: adhæc tam sumptum, quām appositum vel iniectum, lūbricos ventris, perinde atque absinthium, disperdit: ferturque ad Venerem incitare, puluino subditum. Quod an verum sit, dubitare malo quām incerta pro certis obstinatè ac temerè proferre: quare, connubio iunctis isthæc tentanda relinquam.

Ruta hortensis, & medica eius auxilia.

A R E A I I I .

Ruta natu-
ra & pra-
stantia.

N V L L I sunt horti, tam urbani quām agrestes, qui Rutam perpetuò virētem & grauiter olentem non agnoscant. Cui ea fertur esse natura Plinio & Palladio, vt furtiua optimè proueniat, & subfici arboris umbra libenter acquiescat. Vnde probatissimam rutam esse putauit Theophrastus, quæ cortici ficalneo defixa, terra obrueretur. Quod etiam Plutarchus agnouit, scribens in symposiacis ad hunc modum: Ruta quæ sub ficu pro-

silit, aut illi adnascitur, suauior habetur & sapore melior. Ab his non longè recessit Dioscorides, eam cibis commēdans, quæ prope arborem fici cresceret, & quācunque aliam ferculis abdicans. Hinc illa nimirum rutę cum fico sympathia & amicitia à Plinio celebrata: & eiusdem rursum cum cicuta mirabilis antipathia, probabili argumento, quòd rutam colligētes, cicutæ succo manus armant, ne perniciosis v̄lceribus ab ea infestentur. Quod de ruta agresti scriptum fuisse, docebit experientia, rerum dubiarū magistra. Sed hæc nihil ad rutę facultates & medica auxilia: quæ quia præstantissima sunt, ob id lōgē ac latē nobis explicāda veniunt. Florentinus Græcæ agriculturæ interpres diligentissimus, tradit obturatas aureis medulla rutæ, aut recenti eius succulo, capitatis dolores finire: adhæc succo illius inunctos oculos cum melle optimo, vel latē mulieris masculū enixę aut lactantis, caligine & suffusione liberari. Quam rem etiā præstabit solus succus, tactis oculorū angulis, non solūm hominibus, sed etiam pecudibus ac iumentis. Quod Salernitanæ scholæ poësis non omisit, dicens,

Mirabilis
rutę cum fi-
co sympa-
thia.

Aures, ca-
put et oculi.

L. iiiij

„ Nobilis est ruta, quia lumina reddit acuta:
 „ Auxilio rutæ, vir lippe, videbis acuté.

Et poëta herbularius,

„ Ruta comesta recens oculos caligine purgat,
 „ Etmeliūs marathri cum succo, felléque galli,
 „ Melléque, si succus ex æquo iungitur eius:
 „ Indéque sint oculi patientis sæpè peruncti.

Serpentes,
 epilepsia, hy-
 drops, pect^o,
 latus, labi,
 tussis, iecur,
 pulmo, renes
 & febris.

Tormina,
 mestrua, san-
 guis, ozæna
 & dentes.

Ille idem succus cum vino potus, serpen-
 tium venenis resistit, & comitalibus au-
 xiliatur. Quin ruta ipsa cum ficu ad di-
 midias parteis decocta, hydropicis salu-
 briter adhibetur: valétque plurimū ea
 decoctio ad pectoris, laterum ac lumbo-
 rum dolores: necnon contra tusseis, ac
 pulmonū & iecinoris, renūmque vitia,
 & remeātium febrium horrores. Eadem
 cum vino, hyssopo & aniso cocta, tormi-
 nibus sedandis, & ciendis menstruis, hau-
 stu vel fotu mirandum in modum opitu-
 larur: naribúsque indita, fluētem sangu-
 nem sistit, & sæpè olfacta, ozænas curat,
 necnon collutione, dētibus summè pro-
 dest. Certissimum est Basiliscum serpen-
 tem, homini, reliquísque animātibus, in-
 sidiari ac infestum esse, frugésque ac sata
 contactu suo & viroso halitu polluere:
 nec esse ullum animātis genus, quod ad-

uersus illum pugnet, præter Mustelam. *Basiliscus et Mustela.*
 Quæ rutæ esu, ceu præsentí alexipharmaco & propugnaculo stipata, illum intrepidè extra latebras raptum cōterit. Quo mortuo, nisi confestim se aliò subducat, pastuque rutæ iterum sibi prospiciat, ex contagione ambientis aëris, suffocari periclitatur. Non temerè itaque faciūt, qui circa ædes rusticæ, ac pecorum stabula & *Ruta ser-
petibus exor-
sa ac vene-
natis oībus.*
 pastorum casas, frequentem rutam serūt ac fouent, quum vi præsentanea venenis oblistat, nec vllum serpētis genus, quām selōgissimè eius vmbra porrigit, vspiam admittat: quēadmodum de Fraxino scribit Plinius. Quod si quis sumpserit mandragoram, hyoscyamum, cerusam, nigri papaueriſ succū, & pleraque alia quæ immodica frigiditate lethalem stupore cōciliant, rutę succo, vel illius decocti vino, reuiuisçet, ac malum discutiet. Sed obliuiscendum non est, q̄ in fēruido effectu & vrente, noxam infert corpori, si copioſius sumpta fuerit. Vnde grassante peste *Ruta in pe-
ste vtendum
caute.*
 s̄æpenumerò obseruaui eos, qui rutam aceto maceratā & imbutam naribus idētidem admouissent, pustulas & vlcuscula in labiis, naſo ac vicinis locis contraxisse:

sicuti in Opusculo nostro de remediis & secretis contra pestem nuper adnotauimus. Nā exulcerat foris admota, & parti alicui affricata vesiculos excitat. Quare carbunculis & bubonibus pestiferis, aliisque tumoribus cōtagiosis opportunè ac salubriter adhibetur: virus enim elicit, nec patitur intro resilire ac remeare venenosos halitus. In quam rem cōtusā, &

Emplastrum optimū aduersus pestiferos bubones & carbunculos. cum fermēto acri, ac adipe suillo, nec non cepa & ficubus coctā, adiecto ammoniacō, calce viua, sapone, cantharide & theriaces momento, prēstantissimum conficies emplastrum, quod affectæ parti tempestiuè appositū, pestiferos tumores cōfestim disrumpet. Id quod experiundo verissimum esse fateberis, & sciuisse aliquādo gaudebis. Sed quia talium remediorū, tota (quod dicūt) plaustra in iamdicto opusculo nostro proposuimus, idcirco de illis verbum non amplius addo, reliqua hortensis rutæ medica præsidia inuentu & paratu facilia, ordine persequens. Succus rutæ in cortice mali punicicalfactus, & auri immissus, illius dolores finit, tinnitus emēdat, & vermes intermit. Folia cōmansa, oris fœtorem tollūt.

*Aures, fætor
oris, lac, mā-
ma, & vlt-
eræ.*

ex vsu alliorum & ceparum contractum,
sed aceto os debet postea collui. Si eadem
folia coquantur, & cum sulphure ac pau-
co aceto terantur, deinde māmis in mo-
dum emplastri apponantur (exclusa pa-
pilla) omnē laetis coagulationem ac tu-
mores expedient. Scribit Galenus quōd
ruta efficaciter obstat omnibus malignis
vleribus, siue sint putria, siue corroden-
tia: sed in molli corpore debet remisceri,
& teri, coquīue cum pane vel hordeacea
farina. In duro, potiū vtendum censet
pegano, id est agresti ruta, quām hortēsi
& vrbana. Semen in vino coctum & po-
tum, singultus emēdat qui fiunt à pitui-
ta, & hinc periclitantes, à suffocatione li-
berat. Tūsa folia & in modum emplastri
scrophulis apposita, illarum duritiem ab-
olent. Et eorundem siccatorum pars vna
puluerata cū media parte olibani, deinde
ex vino, vel syrupo de mētha hausta, vo-
mitum compescit. Si aliquot recentia fo-
lia edantur, & generosum vinum super-
bibatur, morsum Mustelæ non secus cu-
rant, quām simiē & felis commansâ faba,
& demorso loco statim apposita. Factum
præterea pessarium, vt loquūtur medici,

*singultus,
scrophulae,
vomitus, &
morsus ve-
nenatorum.*

*Menstrua,
matrix, co-
lum, vterus
et inflatio-
nes.*

ex rutæ succo, muliebria potenter ducit. Et folia trita, oleoque liliorum incocta cum adipe gallinæ vel anseris, si calida antorsum & retrorsum vtero in modum emplastri apponantur, præfocationem & strangulatum matricis emendant. Quod vnum remedium etiam præstatiissimum esse solet, ad colic, vteri & recti intestini inflationes. Sed folia sicca, cum suprà dictis adipibus & oleo trita, efficaciùs operantur. Est sanè memorabile quod apud Arnaldum à Villanova scriptum reperi, nimirum quòd ruta vino albo, vel rosacea aqua imbuta, macerata & calefacta, vapidum fumum & aqueum vaporē exhalat, qui vitreo vase superposito exceptus & collectus, apprimè vtilis est sedādis oculorum morbis. Memorabile & illud quod apud Auicennam legi. Si quis semen rutæ & folia cū nuce, & bolo Armeniæ in generoso vino albo cōtriuenterit, & iusculū tale percolatum iejunus biberit, ab omni veneno ea die tutus erit, imò verò à pestifera lue, quantumuis sœua & immanni. Folia eadem cum vino trita valēt plurimū aduersus venenatos morsus omnes, etiam si rabidi canis fuerint:

*Oculi, vene-
na, pestis &
morsus ve-
nenati.*

modò cum melle & sale morsui apponātur, vel cum aceto & pice eam in rem de-
coquantur. Non defunt qui affirmēt ru-
tæ succo perunctos, vel rutam ipsam ge-
stantes, à maleficiis animalibus feriri non
posse. Generationes eius cibo impediri
certum est: idcirco mulieres sobolē con-
iugalem suscipere satagētes, rutam cane
peius & angue vitare debēt: nam vuluas
aperit, ac mēstruum sanguinem prolicit.
Addo q̄ & semen, & coitū, tā cibo quām
potu sumpta, desiccat & restinguīt, maxi-
mè viris: quod mulieribus augere Saler-
nitano iactatur hoc senariolo,

” *Ruta viris coitum minuit, mulieribus auget.*

Vuluæ strāgulatus aperit cum melle tri-
ta, & toti pubi vsque ad anum illita. Quæ
res etiam plurimū valet ad dolores ar-
ticulares, & cum oleo ad expellēda ven-
tris animalia. Si cū laurinis foliis coqua-
tur, testium inflationes apposita mitigat:
lichenibꝫque cum melle & alumine uti-
liter affricatur. Cum pipere & nitro viti-
ligines cādidas emaculat, & folia aliquot,
cibos antecedentia, aut cum arida ficu, &
veteribus iuglādium nucleis sumpta, ad-
dito salis momento, venenorū vires he-

*Malefica
animalia,
generatio &
ſperma.*

*vulue strā-
gulatus, ar-
thritis, te-
ſtes, vermes,
lichen, viti-
ligo, venena
& pestis.*

betant, & corpus contra iniurias eorum tutissimè muniunt, pestilentique aëri resistunt. Quod Mithridatis inuentū esse tradunt, & Mithridaticum diatessaron nuncupant, mihi & quamplurimis fœlici successu in magnis pestilētiis probatum. Sed pulchrū erit audire poëtam herbularium de ruta eam in rem nō ineptè ad hunc modum philosophantem,

- " *Obstat pota mero, vel cruda comesta, venenis:*
Mithridatis
" *Quod Mithridates Ponti Rex sæpè probauit:*
antidotus
" *Qui rutæ foliis viginti cum sale pauco,*
contra re-
nena.
" *Et magnis nucibus binis, caricisque duabus*
" *Ieiunus vesci consurgens manè solebat:*
" *Armatusque cibo tali, quascunque veneno*
" *Quilibet insidias sibi tenderet, haud metuebat.*
Sed de iis plura in Iuglande scribemus,
vbi ad arbores ventum erit.
Theopōpus vires nec dissimiles nec im-
pares rutæ attribuit, quàm citrio, cōtra
toxica : tradens Clearchum Heracleoti
tyrannum suo tempore multos aconito
interemisse, cuius violentiam vt vitarēt
subditi, domo non egrediebantur ante
degustatā rutam: quo præsidio, ceu præ-
senti alexipharmaco, ab aconiti virulētia
sospites euaserūt. Non desunt qui Citrio

id ascribant, quemadmodum suo adnotabimus loco. Prætereundum hīc nō est, q̄ ruta & mentha virides, ex Hippocratis & Galeni sententia, flatus ac Veneris Flatus, Venus, & gonorrhœa. pruritum excitare solēt: siccatae verò vel frixæ, & præcipuè semina, eosdem discutere, ac Veneris impetum cōpescere, seminisque profluuium, gonorrhœa nuncupatum, sistere. Quod tametsi superioribus nō nihil pugnare videtur, si tamen rectè ac prudenter excusseris, nullum habere dissidium reperies. Luc. Apuleius Platonicus scribit, rutam viridē oleo incoctam, & cera noua agglutinatam, efficacem esse ad inguinum dolores, modò ex linteolo, vt ceratum, applicetur. Eadem cum polenta bene trita & imposita, epiphoras lenit. Ignem sacrum ex aceto & oleo illita mirè extinguit: & ros eiusdē matutinus in vasculo collectus, & oculis instillatus, illorum caliginē tollit. Quod etiam præstare solet vapor ex eadem madēte, igni exceptus. Si præter volūtatem effluit semen, manducetur ruta in vino cocta cum pingui aliquo, vel butyro. Si muliebre effluuium sistere voles, rutam (vt idem tradit Apuleius) auro, argento,

*Inguina,
epiphora,
ignis sacer,
oculi, sperma & muliebre effluuium.*

ac ebore circumscribe, & sublatā infra talum alliga. Autores sunt Arist. & Plinius, q̄ mustela cum serpēte & bufone dimicatura in muriū venatu, rutā priūs edere solet, ceu præsens quodpiā alexipharmacón. Ex quo rutam fascinationis ac venenorum, necnon contagiorum præstantissimum esse amuletum, appositissimè scripsérūt prisci omnes: falsōque putauit Pythagoras oculis nocere, nam & scalptores & pictores, oculorum causa, in cibo illa salubriter vti solent. Tam est infesta serpētibus, vt procul ab illa stabulari certum sit, imò verò eius nidore longè ac latè abigi. Vnde cū sale & cepa admotam, remediū esse expertus sum aduersus serpentium venenatos ictus. Consultè itaque ac prudēter mihi facere videntur, qui ruta hortorū areas olitorias coronant, vt esculēta olera à venenatis animalculis defendant. Hæc sint postrema, quanquam parùm medica. Feles ab auiariis acerbuntur, pullis gallinaceorum aut aliorum, succo rutæ perfusis, aut ruta undeque armatis auiariis ipsis. Quod facili experientia probabis, vnā cum eo quod tradidit Democritus, nimirum culices.

*Fascinatio,
venena, ser-
pentes &
corū iictus.*

*Quomodo
arceantur
feles ab
auiariis, et
pulices ab
edibus.*

liches abigi, & ne accedant impediri, si rutæ virentis ramo aquam per domum, aut locū alium illis obsessum resperseris, vel eiusdem plantæ decocto asperginem feceris. Quod multi etiam ad pulices meritò detorquent, & de experimento verissimum esse testantur. Quare rectè scripsisse censebitur herbularius poëta,
„*Cocta facit ruta, de pulicibus locatuta.*“
De cuius facultatibus & medicis præsidii scriptum sit hactenus. Quas fusiùs & explicatiùs persequi volui, quòd vbiq; hortorum frequens sit illa, excellentissimis viribus ac occultis aliis miraculis praedita, nobis alibi explicandis.

Vrtica, & medica eius auxilia.

A R E A I I I .

QUONIAM in plerisque hortis tā vrbaniis quàm rusticis, multarum plantarum (si desit cura coloni) nō dicam cibis, sed oculis ac naribus ingratissimarū inexpugnabilis prouentus etiam sponte oboriri solet, idcirco de illis nōnulla medicè hīc scribere conabor, quòd vires in iuuādo corpore humano admodum insignes ac præstantes habeant. Itaque ab

*Multæ in
hortis plātæ
inutiles.*

M

Vrtica auspicor, quæ vel peculiare id agnoscit, quod absque vllis spinarum aculeis, lanuginem adeò noxiā, ac vrētem circunfert, vt tactu quām leuissimo pruritum, pustulásque adusto similes confeſtim excitet. Ex quo ab vrendo Grāmaticis ritè dici mihi videtur. Sed mordacitas in ea (quæ oleo curatur) nō protinus se prodit, nec nisi Solibus inualescētibus roboratur. Per veris initia planta hæc sapore solet esse non ingrato, & religioso cibo multis, ad depellendos totius anni morbos. Huius semen Nicander cicutæ contrarium esse affirmat, & fungis, viuo argento, hyoscyamo, serpentibus ac scorionibus pugnare. Trita folia & naribus indita fluētem sanguinē fistunt, omniūq; maximè radix: quod etiā præstat succus, fronti illitus. Phanias inter Græcos medicos celebris, vrticæ laudes cōdidit, utlissimam cibis coctam, conditāmue professus. Canū morsibus addito sale opitulatur: oleo incocta, sudorē elicit: cum cōchulis, aluum ciet: cū ptisana pectus purgat: cum thymo aut pulegio tardantibus mēstruis imperat, & cum sale vlcera quæ serpunt, continet. Sed illa mordax eius

*Vrēca mordax, & eius
remedia.*

*Venena &
flor san-
guinis.*

*Canis mor-
sus, sudor,
aluu, pecto,
mēstrua, vl-
cera, vuula
& prociden-
tia ani.*

vredo, vuulas in ore cohibet, ac procidētes vuluas, infantiumque sedes, tactu, resilire cogit, & Venerem in quadrupedibus excitat. Quod pinguis poëta, volebam dicere Macer, herbularius nobis pafsim nūcupatus, nō omisit, nec ignorauit:

- „ *Vrticæ foliis* (inquit) *reuocatur vulua fricata:*
- „ *Si quadrupes quæcumque mare perferre recusat,*
- „ *Vrticæ foliis illius vulua fricitur:*
- „ *Sic naturalem calor excitat ille calorem.*

Non desunt qui affirmēt lethargicos ex-
perrectos fuisse tactis eorū cruribus vr-
tica mordaci, & magis fronte. Dioscori-
des scribit, Galeno astipulante, quòd fo-
lia vrticæ gangrænas emendant: necnon
carcinomata quæ cacoethe vocantur: ad-
hæc parotidas, sordida vlcera, suppura-
tiones, tubercula, ac luxata reparāt. Folia
cum pauca myrrha trita & admota, mēses
efficaciter mouent, & cum cerato, lieni
admodum prosunt. Ventrem in iusculo
sumpta, velut titillando & abstergendo,
clementer irritat. Sylvestris, quam Græ-
ci ἄγρια, Galli Griecham nūcupant, ex vi-
no pota, lepras in facie tollit, quod etiam
nonnulli vrticæ mordaci ascribunt: cu-
ius succus cessantem vrinam ciere, & cal-

Lethargus,
gangræna,
carcinoma,
parotis, mē-
ses, lien &
aluuus.

Lepra, vri-
na, calculus
vunla, acu-
lei, struma
arthritis &
pedagra.

M ij

culos frangere, vuámque inflammatione turgétem reprimere fertur. Sunt qui radice, infixa corpori extrahant, addito salis momento: & foliis cum axungia strumas discutiant: quæ si suppurauerint, cōpleri tradunt. Articulariis morbis & podagricis, cum oleo vetere tritam vrticam plurimi apponunt. In quam rem etiam radix cum aceto tusa, cēsetur admodum vtilis esse.

" Illius semen colicis cum melle medetur:

Ettusim veterem curat, si sèpè bibatur:

Frigus pulmonis pellit, ventrísque tumorem:

Cum mulsa bibitum, lotium producit abundé.

Idē semen in eadē mulsa obolis duobus, hoc est scrupulo vno sumptū, vomitiones à cœna faciles reddit: & in sapa hauſtum, ventriculi inflationibus succurrit: prodest etiā orthopnoicis cū melle, nam thoracem expurgat. Lateri præterea medetur cum semine lini & hyssopo frixū. Erunt hæc pro vrtica satis, vbi admonuero, quòd linimentum ex ea compositum cum oleo & sale, partes corporis tuetur ab atrocissimo frigore & rigore, etiam si febrilis fuerit, inūcta dorsi spina, & pedū plāta ac manuū carpis. Valet idem ad vl-

*Colici, tuf-
sis, pulmo,
renter, lo-
tium, vomi-
tus, ventri-
culus, or-
thopnoici,
latus.*

cera ex gelu & frigore contracta. Noui ^{Febrile fri-}
multos arcanorum naturæ consios, qui ^{gus, vlcera}
vt febrilem cordis æstum compescerēt ac ^{ex gelu, &}
infrigidarent, internum vrticæ succū ar-^{ardor fe-}
teriis illinebant, addito vnguenti popu-^{briis.}
lei momento. Sunt qui folia dūtaxat tri-
ta eam in rem ipsi carpo, necnon tem-
poribus applicent, cum paucō oleo vio-
laceo vel papauerino. Penè omittebam
quòd vapor ex decoctione seminis vrtic-
cæ naribus exceptus, illarum obstructio-
nem aperit. Quod etiam operatur abro-
tonum, in eius historia nobis ad alia festi-
nantibus, negligenter, ne dicam impru-
dēter, omissum. Folia trita & matrici su-
perposita, emplastri modo, illā si educēta
fuerit, reducunt. Semen potum cum sa-
pa, strangulationes vteri aperit, & succus
foliorum cum myrrhæ momēto, menses
potenter euocat. Cæterū tacendum
non est, quòd si quis empyīcus scrupu-
lum vnum seminis vrticę in pollinem re-
dactum, cum syrupo pectorali, quasi lam-
bendo paulatim deglutierit, tenacem
humorem facilī conatu expectorabit, &
summū præsidium hinc explorabit. Hoc
sit postremū, & si parum medicū, Vrticæ

*Nares, ma-
trix, vterus,
menstrua, &
empyīci.*

M iij

radices carnibus cōiūctæ, eas celeriùs co-
qui impellūt, & nymphæ radix pisis in-
cocta, illa omnia ad vnum, veluti extru-
dente olla, foras eiaculatur. Facili expe-
rimento res innotescet.

Plantago, & medica eius auxilia. A.R. v.

SE Q V I T V R Plantago nullis hortis non
obuia, cuius laudes abundè cōplexus
est Themison medicus, Plinio autore. Si
quis eius folia in aqua mulsa macerata,
vel contusa & expressa, horis duabus an-
te accessionē ad drachmas duas biberit,
tertianas leuiores ac breuiores reddet.
Quod etiam præstabit succus radicis ma-
defactæ, vel tusæ: aut radix ipsa macerata
in aqua ferro candenti excalfacta. Quidā
ternas radices in tribus aquæ cyathis po-
tandas dedere tertianariis, & quaternas
quaternariis, totidē aquæ modulis tem-
peratas. Folia podagræ refrigerant, con-
ueniuntque in primo calidarum impetu.
Succus, oris vlcera collutione emendat:
necnō folium admotum, aut radix com-
mansa, etiam si rheumatismo laboret os.
Datur plantago cibum nō sentientibus,
hoc est iis qui nō nutriuntur (quos Græci
ἄτερφος vocant) interpositis diebus; ex

*Febris, po-
dagra, oris
vlera &
atrophia.*

quo phthisim sanare traditur in vino cocta & pota. Comitiales ac suspiriosos iuuat, & strumis cum sale auxiliatur. Eadē curantur ambusta cum oui albumine, ita ut cicatrix oculos fallat. Sanguinem claudit ex vbere (seu vlcere) fluentem, & carbunculos tusa rumpit. Ex aceto & sale cocta dysentericis ac cœliacis salubriter exhibetur: vel succus eiusdē cum alica, vel oryza: qui etiā subter iniici potest. Cum creta cimolia & cerusa, igni sacro medetur, etiam si medium hominē ambierit, qui Zoster vocatur, & si cinxerit, enecat. Sāguinis excreationes, vel (vt quidam legunt) excretiones, tā ore, q̄ aluo & vtero factas, tritū semen in vino austero (si febris absit) efficaciter sistit, necnō & foliorum succus haustus vel iniectus: qui etiā fistulis inditus, præsentि auxilio esse solet. Coquitur cū lenticula plātago, eodē quo beta more, aduersus hydropisim: & si corpori vitiū id adhæserit, cui Leucophlegmatiæ nomē est, elixa opportunè datur: modò panē siccū priùs comedent labrātes, vt media cibis illa interueniat. Luxatūsa folia dolores ac tumores tollūt, addito sale modico. Crassa vlerum labra

Epilepsia,
asthma, stru-
me, ambu-
sta, sanguis,
carbūculus,
dysenterici
& cœliaci.

Ignis sacer,
sanguis, fi-
stula, &
hydrops.

Luxata, vl-
cera, nome,
uterus, au-
res, oculi,
gingivæ &
matrix.

M iiii

purgant, ac nomas fistunt, medenturque omnium generum vlceribus & peculia-
riter fœminarum, senū ac infantium: sed
igne emollita meliora sunt. In quē vsum
prodest etiam succus cum cerato: qui in
vteri strangulatu per se vtiliter bibitur,
ac aurium doloribus appositè instillatur,
& lippitudini necnō ophthalmiis in col-
lyrio per pulchrè additur. Prodest etiam
collutione gingivis sanguine prægnanti-
bus: & in vellere subditus locosas mulie-
res strangulatu liberat, vuluarūmq; flu-
xiones fistit, etiam si fuerint sanguineæ.

Dentes, re-
sica, renes,
strume, vl-
cera, sinus,
& canum
morsus.

Radix commāsa, aut masticata, dentium
dolores sedat, perinde atque decoctionis
eiusdem ablutio: quę etiam ad vlcera ve-
sicæ, & renum vitia, cum foliis in passo ef-
ficaciter præbetur. Tradunt nonnulli, q
si quis radicem licio alligatam, è collo su-
spenderit, strumas discutiet, ac crescere
prohibebit. Redeo ad folia, quæ vlcera
vetera & inæqualia, si apponantur, persa-
nant, & ad planum reducunt: adhęc sinus
glutinat & morsibus canum ritè meden-
tur: & ex lana, pessi modo indita, vteros
purgant. Semen tusum, & in vlcus, aut
vulnus sparsum, citò illud curabit. Et suc-

Vlcus, vul-
nus, quar-
tana, ar-

cus cum mulsa exhibitus duabus horis *thritis, san-*
 ante accessionem quartanæ, illam emen- *guis, &*
 dat, & repetitione facta tandem abolet: *menstrua.*
 sicuti à multis obseruatum intellexi. Fo-
 lia minoris plantaginis cum sale trita, &
 cataplasmati modo imposita, tumorem
 & dolorem neruorum in arthritide sensim
 demulcent. Emplastrum quoque ex eius
 succo, ac albumine ouorum & bolo Ar-
 meniæ fronti impactum, fluorem sanguini-
 nis è naribus compescit: & succus haustus
 vel vtero iniectus, motū menstruorum
 continet.

„ *Ille idem succus rectè sanare videtur*

„ *Quod iuxta nares vel lumina nascitur vlcus,*

„ *Si superaddatur cum lanis mollibus illi:*

„ *Pérque nouē cataplasma dies hocce renouetur:*

„ *Si via longa pedum mouet, vt sit sàpè, dolorem,*

„ *Acri cum vino superaddita trita iuuabit.*

*Vlcera ocu-
lorum, dolor
pedum, &
elephatiás*

Vis foliorum in refrigerádo, abstergen-
 do & siccando mira est, ut testantur Dio-
 scorides & Galenus: ideo ad vlcera quæ
 cacoëthe vocātur, & elephatiás, in fœlici
 successu illinuntur: conueniuntque ad ea
 quæ humore madent, & ob sordes scatu-
 rientes facilè purgari nequeunt. Nō pos-
 sum híc tacere nec dissimulare, q̄ planta-

Pestis, &
vermes v
cerum.

ginis vires sanè quām eximias sāpenumerò experti sumus in lue pestifera, qui buscunque administraretur modis: adhāc vermes in ulceribus exortos interfici, plantaginis arefacte resperso puluere. Alia eam in rem auxilia certa & probata leges in nostris naturæ Arcanis.

Artemisia, & Tanacetum seu Athanasia,
cum medicis utriusque auxiliis.

AREA VI.

VIDIMVS in plerisque hortis diuitum matronarū Artemisiā curiosè planari & diligenter excoli, ob præclaras utilitates, quas (vt mox ostēdemus) illis adferre solet. Quæ res me mouit, vt de medicis eius auxiliis pauca hīc adsuerē. Duplex apud nos visitur artemisia. Una absinthij modo fruticat, & foliis maioribus ex nigro virescit, Armoīsa vocata. Altera, circa aggeres & riuos nascitur, necnon in frumentaceis agris, foliis minoribus vestita, quam Gallicum vulgus *herbam S. Ioannis* nominat. Vtraq; Dioscoridi & Galeno, excalfaciendi, resiccandi & extenuandi vires habet, adiiciturque utiliter ad muliebres desessus, vt educantur mēses,

Duplex Ar
temisia, &
eius nomen-
clatura.

Menses, par-
tus, secunde,

partus & secundæ. Vuluæ constrictiones *vulue, cal-*
 laxat, & inflammationes eius mitigat, calculi, &
 calculos frangēs ac vrinas mouens. Ad euocando
 menses qui fuerint remorati, efficiaciter pubi apponūtur calentes artemisiæ fasciculi: ad quos etiā coma eiusdem
 trium drachmarum pōdere vtiliter propinatur. Folia minoris diligenter trita cū
 oleo amararum amygdalarum, & stomacho adhibita, illius vexationem sedāt: &
 succus cum rosaceo, neruorum dolores finit. Vtraque ex oleo irino tusa cum fico
 & myrrha, vuluis optimè medetur, eāsq; repurgat intromissa, vel apposita. Succus
 cum oleo violaceo concretus & spinæ inunctus, febriles infantī calores emēdat.

„ Hanc adipi iunctam strumis apponere laudat

„ Plinius, atque iubet cum vino sumere tritam.

Radix pota mulieres in tantūm purgat, *Stomachus,*
 vt partus etiam enectos extrahat. Folia *nerui, vul-*
cocta & imo vētri cum farina hordeacea *ua, strume,*
admota, menses ac secūdas extrahunt: & *partus, men-*
si mulieris in partu laborantis vmbilico *ses, secunde,*
& fœmoribus decocta & calentia appo- *calcul⁹, strā-*
nantur, miraculo quodā fœtum educūt. *guria, rter⁹*
Dantur decoctiones eorundem in vino *& partus.*
dulci contra calculos & stranguriam. Ar-

temisiā secum habentibus negant no-
cere mala medicamenta, ac bestiam vllā,
imò ne Solem quidem. Et qui cā tulerit
viator alligatā, dicitur laffitudinem nul-
lo modo sentire. Quod pulchrum est ac
valde notandū, hīc omittebā. Artemisia
inter digitos trita, vel aliter contusa, & in
pudendum mulieris, pessi modo, detru-
sa, plurimū cōfert resiccandæ & deter-
gendæ matrici, quæ nimiū humida fue-
rit & lubrica. Eadem, vt diximus, cocta &
imo ventri, necnon fœminibus admota,
fœtum ac secūdas accersit: sed hinc illico
est auferēda, alioquin vterum vnā etiam
euocabit. Si succum artemisiæ cū aliquot
ouorū luteis coctis triueris, addita axun-
gia & cumino, eāque omnia vtero super-
posueris, dolores qui partum sequuntur,
demulcebis.

Non desunt qui contendant Tanace-
tum seu Athanasiam tertiu esse genus ar-
temisiæ, & iisdem pollere viribus. Quod
à multis præclaris medicis negatū video,
censentibus tanacetum potius esse par-
thenium masculinum. Cuius facultates
receptæ ac probatæ sunt, vt ventriculi &
alui flatus discutiat, ac lūbricos ex ventre

Vētriculus,
aluus, lūbri-
ci, calculus,
Et rrina.

pellat. Utuntur etiam plerique præstati admodum remedio ad comminuendos renūm calculos & ciendam vrinam. Sed ut viris magis commendatur tanacetum, ita mulieribus artemisia $\lambda\pi\tau\delta\varphi\upsilon\lambda\sigma$, aut matricaria: sic dicta quòd matricis dolores sanet. Vulgus Parisiense *Espargoutte* vocat à guttis spargēdis: quòd eius folia trita & ori ac auribus admota in dolore dentium, guttas pituitæ spargant & saliuam tenuando eliciant.

Chelidonium, & medica eius auxilia.

A R E A V I .

CHELIDONIVM maius (nā de eo potissimum hīc agimus) in parietinis hortorum multorum, & opacis nascens locis, à Gallis *Eclera* vulgò appellari solet: quòd caligātibus oculis aciem viden-
di reparet. Ab hirundinibus, quæ Græcis *χελιδόνες* vocantur, nomēclaturam est ad-
eptum. Nam Theophrasto autore, illa-
rum aduentu suum excitat florem ac vi-
rescit: discessu verò, marcescit. Alij, vt
Arist. & Plin. contendunt, plantam hanc
ab hirundinibus inuentam fuisse: quòd
oculis pullorum suorum, qui cæci na-

Chelidonium
hirudinaria
herba, &
vnde id se-
etum.

scuntur, illius auspiciis visio accersatur: & si in nido puncti fuerint, etiam restituatur. Nam si quis nuper in lucē editarū hirundinū oculos configat, tacti ea herba à matre, rursum incolumes redduntur. In qua sententiam nonnullos venisse, autor est Dioscorides. Sed commentitium id esse putat Cornel. Celsus, tradens huiusmodi auicularum acies extrinsecus lassas, interposito tempore in pristinum statum sensim redire. Vnde, inquit, locus fabulae datum est, per parentes id restitui herbā, quod per se sanescit. Hinc, nimirum, collectum est hirundinum sanguinem, nostris quoque oculis ab externo iectu mederi, non secus, quam palumbium & columbarum, si hirudineo caruerimus. Floribus chelidonij succus exprimitur, & in vase mundo, cum melle optimo, feruenti cinere leniter decoquitur, singulari remedio contra oculorum caliginem. Radix cum aniso & vino albo pota, regio morbo & iecoris obstructionibus medetur, ac ulceribus que serpunt, utiliter imponitur: necnon iis quae inueteratae sunt & in fistulam abierunt. Quod Q. Sernus hunc in modum confirmat,

*Remedias ad
oculorum
ictus.*

*Ieterus, ie-
ter & ul-
cera.*

„ At si iam veteri succedit fistula morbo,
 „ Herba chelidoniæ fertur cum melle mederi.

Menses nimios mammis admota efficaciter sistit: & vlcera adeò siccatur, ut pro spodio vtantur multi, imponitur etiam iisdem desperatis, cum axungia. Galenus tradit calidæ, & admodum extergentis esse facultatis, eiúsque succum ad visum exacuēdum cōmodum esse: maximè his quibus crassum quiddā in pupilla colligitur, digestione atq; discussione indigēs.

*Menses, occi-
li, visus, &
vlcera.*

Mercurialis, & medica eius auxilia.

A R E A VIII.

PLANTA hæc Gallicis hortis Latinam retinet nomenclaturam: & in marem ac fœminam distinguitur. Hæc candidiora, ille nigriora habet folia. Mirum est quod de vtroque genere proditur, marem scilicet facere ut mares gignantur, fœminam verò, fœminæ: sed id contingere, si à conceptu succus statim bibatur in passo, edantürque folia ex oleo & sale decocta, vel cruda ex aceto. Plinio in ea re astipulatur Dioscorides: nisi q; à purgatione succum iam dictum bibendum esse, & trita folia genitalibus locis adhi-

*Secretū pro
marium &
fœminarum
generatio-
ne.*

benda testatur. Experiētia addidit oportere altero à purgatione die dare mulieribus per triduum, & quarto die, à balneo, cum illis coire. Q. Serenus medicus & poëta æquè priscus ac doctus, eam in rem, de conceptione & partu scribēs, elegantissimis versibus aliquot ita lusit,

*Q. Sereni
versus pul-
cherrimi.*

*Irrita coniugij sterilis si munera languent:
Et sobolis spes est multos iam vana per annos,
.. Mercurialis item capitur communiter herba:
.. Sic cubitum noctu coniux festinat uterque.*

Hippocrates, Plinio autore, vtramque mercurialē miris laudibus in mulierum vſu prædicauit: adhibuitque cum melle, vel rosaceo, aut irino, vel liliaceo oleo ad conceptus, & ciendos menses, educēdāsque secundas. Quod etiam potu, aut fofu, præstari dixit. Succum insuper surdis auribus instillauit, & cum vino vetere inunxit, ac folia cum recenti axungia decocta, vesicę ad stranguriam imposuit. Ventri exonerando, vel in febri, quātūm manus capit, in duobus sextariis aquæ ad dimidiis coquitur. Vel cum melle, admixto sale, succus bibitur: aut in gallinaceo iusculo (quod salubrius est) cum malua decoquitur. Dioscor. eandem soluendo

ventri

*Conceptus,
menses, secu-
da, surditas
stranguria
et aliis.*

ventri in olere coquit: traditque, epoto
iure, bilem ac aquas detrahi. Malis quæ
serpunt medetur succus ex aceto. Semen
utriusque, potionis insparsum, vel cū ab-
sinthio, aut cicere decoctum, regium ex-
pugnat morbū: & folia illita, vel succus,
omnium generum verrucas tollunt, ac
thoracem purgāt, sed stomachum lēdūt.
Galenus testatur mercuriali omnes uti
dūtaxat ad alui solutionem & purgatio-
nes. Si quis autem in cataplasmate peri-
culum facere volet, digerentis facultatis
esse experietur. L. Apuleius Platonicus
mercurialis tritū semen ex passo, ad ven-
tris duritias exhibet, & ad epiphoras ocu-
lorūmque lachrymas folia ex vino albo
vetere apponit. Præterea, ad aquā, quæ in
aures introierit, succū tepefactū exstillat.

*Vlcerā, icte-
rus, verru-
cæ, thorax.*

*Venter, epi-
phora, &
aures.*

Parietaria, & medica eius auxilia.

AREA IX.

APRIETIBUS nomen habet Parietaria,
in quibus nasci, ac gigni, maximè so-
let: quanquam in sepibus ac vineis nasci
etiam cōstat. Helxine dicitur, quod lap-
paceis capitulis suis & echinatis sphæru-
lis, vestes tenaci asperitate, hærendo, tra-

*Parietariae
nomina et
corundem
ratio.*

N

hat & retineat. Vocatur & Perdicium,
quoniam perdices ea præcipuè vescuntur,
& sese libenter in illa volant. Adhæc
vrceolaris, quod detergēdis vrceis, & vi-
treis vasis admodum apta sit. Turtures,
columbae & gallinacei illâ pasti, annum
fastidium deducerē traduntur. Podagris
cum caprino aut hircino seu efficaciter
apponitur, & cōtra rupturas, lapsus, præ-
cipitia, aut vehiculorū euersiones, diui-
nitūs opitulatur. Sanat ignes sacros, col-
lectionesq; omnes, & adusta. Succus cum
cerussa panos discutit, necnon abscessus
& incipientia guttura. Cum recenti bu-
tyro vel gallinaceo adipe frixa, & ventri,
cataplasmatis modo, calens imposita, ac
subinde mutata, colicum cruciatum cle-
mēter sedat: perinde atque nephritidem
& sœuas ex calculo tyrannides, si succus
illius vino albo exceptus, & recenti oleo
amygdalarum dulcium remistus & trāf-

*Tonsilla, va-
rices, condy-
lomata, vl-
cera, garga-
reo, & an-
res.*

uasatus, opportunè hauriatur. Tonfillas
& varices cū rosaceo curat. Folia, vt scri-
bit Dioscorides, vim habent spissandi &
refrigerandi, quare illitu sacros ignes, vt
diximus, sanant, & condylomata, ac ulce-
ra quæ serpunt, emendant. Inflammatio-

nibus gargareonis tam herba, quām succus illitus, vel gargarizatus multūm prodest, auriūmque phlegmonosos dolores cum rosaceo infusis leuat, & quandoque finit. Vis etiam ei inest abstergendi, vt in vitreis vasis experimēto docetur: adhęc constringēdi comite humiditate subfrigida. Quamobrem phlegmonas omnes ^{Phlegmone} in initio & augmento sanat, vsque ad statum. ^{Et podagra.} Luc. Apuleius aduersus podagram in aqua decoquit, & ea partes affectas fuet, herbāmque ipsam cum axungia tusam, cataplasmatis modo, imponit, & linteolo vestit. Cæterūm, certo & probato quorundam experimēto didici, viridem parietariam cum pane, & oleo liliaceo, rosaceo, vel chamæmelino tritam & excalfactā, muliebrium vberum apostemata valde iuuare.

Malua, & medica eius auxilia. A.R. X.

Hic de vtraque malua, sylvestri nimirum & hortensi, medica & fusa agemus methodo: quod vtriusque usus tam frequēs vbiique sit, quām planta ipsa pasim est obuia. Olim sativa erat & altilis, ^{Malua olim sativa.} cedebatque in locum oleris, Horatio &

N ij

Hesiodo testibus. Vnde illud extat Martialis, in lactuca à nobis initio adnotatū.

"*Vtere lactucis, vel mollibus vtere maluis:*

"*Nam faciem dudum, Phœbe, cacatis habes.*
Malua, Solariis herba. Sanè prodigiosum naturæ miraculū est, quòd herbæ huius folium, nedum flos (quemadmodum scripsit Theophrastus) nubilo die Solem, etiam delitescentem, prodat: sitque curriculi illius velut index de statu & cōuersione: ex quo inter herbas heliotropas meritò accensetur, sicuti nos haud ita pridē admonuimus in nostris naturæ Arcanis, & alibi. Damageron inter Græcos medicos & geponicos sanè quām celebris, posteritati notum esse voluit, succum maluæ exasperatas fauces lenire, & summæ cutis acrimonias emendare: adhæc laceffitis renibus operer, vulnus, tulari, ac irritamentis vesicę summam adluxata & fracta.
Fauces, eu-
ris ritia, re-
nies, resica,
raucedo, vē. Feruefactæ cibus per se, irraucescentem vocem expedit, & ex oleo atque garo vētrem resoluit. Recens, vulnus claudit & ad cicatricem perducit, luxatisque ac fractis medetur. Folia cum frōde saligna trita, pretiosum faciunt emplastrum quod inflammations pens, aures, enasci vel augeri prohibet, manatémque Inflammatio, sangiv, ser- pens, aures,

sanguinem sistit. Eadem cum cepis, vel porris tuſa, ſerpētum ictus, imposituſa-
nant. Succus auribus instillatus, dolorem
earum compescit, & ex melle potus, he-
paticis medetur. Idē comitiales recreat,
& calculofis ac ifchiadicis p̄fenti eſt au-
xilio. Si quis ſylueſtris maluæ ſucco per-
unctus erit cum oleo, vel plantam ipsam
ſecum habebit, à vespis non pungetur.
Quòd ſi recenter punctus fuerit, etiam
infixo aculeo, idem opitulabitur ſuccus,
aut oleum ſimplex. Ius elixæ & feruefa-
ctæ epotum, vrinæ finit tormina, & diffi-
ciles, laboriososque partus ſoluit. Radice
eius quæ vnum habet caulem, dolentes
dentes pungere, utile eſſe docuit experi-
mentum: necnon parturientes celeriū
eniti, ſubstratis maluę foliis: ſed protinus
à partu remouenda ſunt, ne vulua ſequa-
tur. In quam rem etiam prodeſt ſuccus
ex vino iejunis exhibitus. Tradidere nō
nulli fœminas purgari foliis plenę manus
mensura, in oleo & vino ſumptis. Eadem
ſtrumas, parotides & panos, addita ho-
minis ſaliua, curant citra vulnus. Sūt qui
adalligēt tritum ſemen brachio genitu-
ram non continentium, Quod vnu Xe-

*hepar, epile-
psia, calculi
& ifchias.*

*Vrina, pa-
rta, dentes,
parturiētes,
menſtrua,
ſtruma, pa-
rotides, pa-
ni, & go-
norrhœa.*

N iij

*Venus, ab-
ortus, ren-
ter, vesica,
venenati
ictus, ambu-
sta vulnera,
vulua, ma-
trix, fœtus.*

nocrates etiam tradidit (modò sit vni-
caulis maluæ) adspersum genitali fœmi-
narum, venereas auiditates mirū in mo-
dum augere. Quāquam Olympias The-
bana abortiuas esse dixit maluas cū adipe
anserino in modum pessi vuluis inditas:
quod tacuisse fortassis præstítisset. Dio-
scorides esculentiorem esse ait hortēsem
quām agrestem, sed stomacho noxiā:
quæ, sicuti caulinis suis ventri ac intera-
neis facilis esse probatur, ita vesicæ ad-
modum idonea censetur. Semen cum
vino, aqua & paucō aceto coctum, valde
prōdest cōtra ictus & morsus venenato-
rum, partim bībitū, partim loco affecto
admotū: & cruda folia cū rosaceo trita,
ambustis summè auxiliantur, quēadmo-
dum etiam aqua decoctionis illorū. Ea-
dem cum pane ad vulnerū impetus, cō-
modè apponuntur. Et succus per se hau-
stus, vel cum oleo liliaceo infusus, vul-
uas emollit. Addam quōd fotus deco-
ctionis maluæ vel altheæ, duritiem ma-
tricis tollit, & eius ostiolum aperit. Non-
nulli affirmant radicem gestatam fœtum
continere, si vterum attingat: quod ple-
rique etiam parietariæ ascribunt. Sūt qui

contra māmillarum tumores illam cum
rosaceo terunt, & subcalidam apponunt.
Aduersus omnes aculeatos ictus, vires, vt
diximus, habet admodum efficaces, præ-
cipuè apum, vesparum, & similium. Si in
vrina putrefacat, manātia in capite vlcera
sanat: adhæc lichenas, & oris paruulorū
vlcuscula, cum melle. Q. Serenus deco-
cto radicis videtur tradere vim mirā ad-
uersus capitis squāmulas, de ea elegātissi-
mis versibus ad hunc scribens modum,

*Dum caput immensa pexum porragine ninget,
Hanc poterit maluæ radix decocta leuare.*

Folia ex rosaceo attrita & elixata, sacris
ignibus, ac ambustis efficaciter illinūtur:
Et semen ex vino nigro potum, à pituita
ac nauseis liberat, salubritérq; teinesmo
& dysenteriis infūditur, aut bibitur: nec-
non etiam asthmaticis & melancholicis.
Quibus tamen, vt insanientibus & calcu-
losis, vel inflatione & episthotono labo-
rantibus, multò salubrior esse solet suc-
cus tam exhibitus, q̄ illitus. Radix eius
quæ vnicaulis est, mammarum vitiis oc-
currit, in nigro vellere alligata: & ex la-
ete, sorbitonis modo sumpta, tussim
paucis diebus emendat. Iusculum totius

Mammæ, ve-
nenata, vlc-
era, liche-
nes, porrigo,
ignis sacer,
ambusta, tei-
nesmu &
dysenteria.

Pituita,
nausea, asth-
ma, melâcho-
lia, insania,
calculus, in-
flatio, epi-
sthotonus &
mammæ.

Tussis, ve-
nenata, vlc-
era.

*Luxata, cō-
tusa, muscu-
li, nerui &
articuli.*

plantæ cum sua radice, contra omnia ve-
nenata plurimū valet, si potum identi-
dem vomatur. Hippocrates adnotante
Plinio, vulneratis, & sanguinis defectu si-
tientibus, coctæ radicis succū summa ef-
ficacia bibendum dedit: vulneribūsque
radicem cū melle & resina salubriter im-
posuit, necnon luxatis, contusis, tumen-
tibūsque muscularis, & neruis, atque arti-
culis affectis. Sed mirum est, aquam ad-
densari & lactescere, in qua trita maluæ
radix, horas aliquot sub dio emaduit:
quam ad multa vtilem esse nouimus, ac
eo efficaciorem, quò recētior fuerit: nec
ignoramus Theophrastum id altheæ, seu
ibisco ascribere, potius quàm maluæ.

*Lathyris, seu Cataputia minor: & Ricinus, seu
Palma Christi, cum medicis utriusque au-
xiliis.*

AREA XI.

RESTANT in hoc hortensium herba-
rum medico theatro plantæ duæ, La-
thyris & Ricinus, nobis solita methodo
describendæ. Has sanè vel præterire, vel
dissimulare animus erat, ppter abutētiū
vsum, nisi me ab ea sententia reuocassent
improbæ, proborum aliquot amicorum,

preces, quibus nihil improbius in rectis
consiliis esse potest. Cuperé, ita me Deus
amet, frutices istos admodum suspectos,
ex oībus omnium hortis radicitūs euel-
li, potiūs quām coli, & à cōsortio florū
ac olerū penitūs excludi, nec tam curiosē
curari. At futurum mihi polliceor, vt hac
narratiuncula legitimus illorum vſus in-
notescat. Quādo itaque visum est, etiam
magnatibus, vt in censu & cōetu suarū
hortensium plātarum essent, de illis, qua
cēptum est methodo, sincerē hīc scribā,
à Lathyride factō gradu primo, quā Gal-
licum vulgus & rura, *Espurgiam* vocant,
quòd ventrem purget ac inaniat: & offi-
cine, *cataputiam minorem*, quòd, nisi fallor,
in pilulis, ceu paruis catapotiis semen fe-
rat. Vel, quòd granis eius ad soluendam
aluum, & ciendas vomitiones, pro cata-
potiis & pilulis vtantur populares: ac sa-
tis inconsultē, ne dicam temerē, etiā ma-
gnates & aulici plerique. Totus frutex
copia lactis turget, folia habens amygda-
linis proxima: sed ita vt quæ in summis
emicant ramulis, minora iis videantur
quæ caulem ambiunt. Gerit pilulas in ca-
cuminibus, triplici cellula ac loculamēto

*Lathyris et
Ricinus pe-
riculosi fru-
ties.*

*Nomencla-
ture Lathy-
ridis.*

*Descriptio
Lathyridis.*

distinctas, & ut capparis, rotūdas. In quārum ventriculis, aut si mauis, vtriculis, grana cōtinētur intercursantibus membranis discreta, rotunda, & eruis maiora. Quæ corticibus exuta, candida spectantur, & gustu dulcia: horū viginti in pura aqua, vel mulsa pota, hydropicos sanant. Qui vehementius purgari volūt, ea cum suis folliculis sumant, nam stomachū impensè lēdunt. Itaque excogitatum est, ut cum iusculo pisorum, aut gallinacei caperentur. Granis septenis vel octonis in cāpotio ad vacuandam aluum vti concessum est, sed infrānari debent & corrigi cum stomachicis, cinnamomo, mastiche, aniso, vel fēniculo, alioquin vētriculum ac intestina turbabunt. Hæc eadē mandi solēt ac deuorari cum sicca ficu, vuis pafsis, aut palmulis, sed aqua frigida est superbibenda. Trahunt aquam, bilem & pituitam. Folia cum gallinaceo, vel oleribus, aut iusculo alio decoquuntur ad eosdem effectus. Qui efficaciūs purgari volunt, grana, Aētio autore, debēt mandere: qui verò parciūs, integra deuorare: pr̄sertim qui sunt imbecillo ventriculo. Ut vt sit, cautē, & parcē vtēdum monco.

*Legitimus
Lathyridis
ſpus.*

*Quos hu-
mores ra-
cuerat Lathy-
ris.*

Ricini fruticem recentiores herbarij
Cataputiam maiorem vocant, quòd semina
 eius in pilulis maiorib^o claudātur, quàm
 in lathyride. Vel quòd catapotiorū mo-
 re purget. Gallicum vulgus, cum offici-
 nis *Palmam Christi* nūcupat, quòd eius fo-
 lium in effigiem manus & palmæ articu-
 letur. Seritur in plerisq; hortis ad arcen- Talparum
fuga.
 dam, vt volunt, effodientium, ac passim
 tumulantium talparum iniuriam. Profi-
 lit instar paruæ arboris, folio vitis çmulo,
 sed nigriore, ramis cauis, & in arundinis
 modum fistulosis, semine in asperis vuis
 clauso, & *Kerua* officinis dicto. Quod vnū
 suis corticibus spoliatum, ricini animal-
 culi fœdi ac liuidi effigiem tam proximè
 repræsentat, vt si vita adesset, planè rici-
 nus esse videretur. Qui vermis est cani-
 bus tam pertinaciter inhærens, quàm so-
 let cuti hirudo: de qua scriptum est,
 » *Non missura cutem, nisi plena cruoris hirudo.*
 Gallis *Tica* & *tiquetus* vulgò dici cōsueuit.
 Plantæ huius triginta grana, vel vt placet
 Ioan. Mes. quod verius puto, quindecim
 ad summum, & septem ad minimum, suis
 putaminibus repurgata, bilem & aquas
 per aluum ac vomitiones, potu deiiciūt. Bile, aqua,

Ricini no-
mina et eo-
rundē ratio-

pulchra ri-
cini descri-
ptio.

*Vrines, va-
ri, oculi, epi-
phora, mā-
ma, ignis sa-
cer et facies.*

Vrinas etiam mouent, sed iniucunda, vt
loquitur Diosc. potionē : quam sequitur
violentia stomachi subuersio. Eadem tu-
sa & imposita, varos ac maculas à Sole
contractas emendant: tritáque folia cum
polenta, oculorum tumores & epiphoras
sedant, ac turgentium māmarum inflam-
mationes coërcent. Cum aceto illita, sa-
cros ignes restinguunt, & per se triduo
imposta, faciem purgant. Sed pulchrum,
& sanè quām vtile fuerit hīc audire Ioan.
Mesuæ, de Ricini, seu grani regij, vt vo-
cat, facultatibus egregiè differentē: Rici-
nus, inquit, pituitam ac interdum bilem
violenter purgat, deiectione & vomitu:
materias quoque & serosam aquā à iun-

*Colicus do-
lor, poda-
gra, ischias,
iunctura, hy-
drops, &
articulis.*

cturis trahit. Dātur grana eius trita & co-
cta in iure galli antiqui, cōferūntque do-
lori colico, & iuncturarum, vt podagræ &
ischiasi. Aut coquuntur in aqua casei, vel
caprinū lac super ea mulgetur, colatur, &
ita hydropicis vtiliter exhibetur. Oleum
ab his expressum, cicinum seu ricininum
diētum, colico dolori à pituita & flatibus
summè confert, adhæc morbis articulo-
rum. Corrigitur ricini noxa, vt lathyri-
dis, & datur à granis septē ad grana quin-

decim. Sed de Lathyride & ricino satis:
In quibus hanc hortensium plantarum
medicam historiam claudimus, ut dome-
sticas arbores, cum suis fructibus, eadem
persequamur methodo.

HORTI MEDICI CAMPVS

SEPTIMVS, POMIFERAS ARBO-
RES, CUM SUIS FRUCTIBUS, AREOLIS
TREDECIM DESCRIPTIBENS.

Malus & eius pomum, cum medicis utriusque
auxiliis & facultatibus. AREA I.

HA C T E N V S, quod fœlix, faustumque
sit, hortensia & domestica olera, ra-
dices item, & odoratas herbas, necnō fœ-
tus herbaceos, ac flores, plantasque ino-
doras, pro nostræ minerae tenui captu,
vt cunque expediuiimus. Superest, vt si-
mili methodo frugiferas hortoru arbo-
res, vitæ humanæ accommodas, explice-
mus: & maximè illarū fructus: ab his au-
spicando qui molli tunica vesiuntur, &
à Grāmaticis generali nomine *Poma* nū-
cupantur. Hinc gradū facturi ad eos, qui
dum maturuerunt, dura & lignosa veste
forinsecus teguntur, & *Nucis* appellatione

Parasene
ad sequentem
narrationem.

Pomi et nu-
cis signifi-
catio.

comprehenduntur: à malis itaque exordimur. Diphilus, Græcus agricola & medicus, tradit mala, quæ nondum maturitatem attigerūt, noxiū succum in corporibus gignere, bilēmque ac morbos excitare, & horroris causas promouere. Quæ verò maturitatem assecuta sunt, melioris esse succi pollicetur: propterea quod alio facilè excernuntur, ob minorem acerbitudinem. Acida improbus humorem gignūt, ac magis substringūt. Atque, ut rem diffusam paucis colligā, malis vti debemus sobriè & circunspectè, pro vincētium saporum facultatibus & naturis. Austeris, cùm ventriculus propter calidam intemperiem, vel multam humiditatem imbecillus fuerit: Acerbis, dum hæc multum aucta videbis: Acidis, dum crassum succum, qui non magnoperè frigidus sit, in ipso collectū suspicaberis. Siquidem frigidus succus nō acidis, sed acribus expungatur. Quæ in hyemem, ver & æstatem optimè seruata fuerint, ea morbis saepenumero perquam utilia esse solent: modò farina aqua subacta circumlinantur, & clibano coquantur, aut calidis cineribus mediocriter assentur, vel ad aquæ bul-

Mala matura, immatura & acida.

Mala austera, acerba & acida.

Mala agrestibus ruris.

lientis vaporem tenerescat. Dare autem conueniet statim post cibum : aliquando etiam cum pane, ad vetrem & stomachum roborandum, his qui cibum fastidiunt, ac tardè concoquunt, quique vomitu, diarrhoea ac dysenteria infestantur. In quem usum apta sunt acerba : nam parata ut modò dixi, mediocrem agnoscent adstrictionem. Hic minimè superuacaneum erit admonere ex Plutarcho (licet parum ad medicam nostram historiam pertineat) quod mala tam grauia esse solent gestantibus dorsuariis iumentis, etiam si pauca portent, ut oneri, viribus alioquin non impari, succumbat, ac sudando deficiant: solo odore (ut Latinus putat Apuleius) adeò illa offendente, ut animo linquantur. Quod ad mala cydonia, summè odorata, referendum potius crediderim. facilis admodum erit experientia cuius. Remedium præsentissimum est oblatus panis, quem si vorarint, ut scribit Plinius, sese protinus recolligunt. Vitabitur id periculi, si aliquot prius edenda, vel conspicienda, aut odoranda illis offeras. Modos varios, & formulas item diuersas custodiendorum cuiusvis generis pomorum,

Venter, sto-
machus, vo-
mitus, diar-
rhœa, dysen-
teria & na-
sea.

Pulchrū &
notandum.

Mirum au-
xilium pro
pleuritico.

reperies in nostris hortorum Secretis. Il-
lud mihi penè exciderat : Malum dulce
odoratū, ab interioribus seminibus mū-
datum si olibano impleatur, & superad-
dito suo operculo sub cineribus absque
vſtione coquatur, deinde à pleuritico
edatur, rem planè admirandam opera-
tur. quod in deploratis semel atque ite-
rum experti sumus.

*Pyrus & eius fructus, cum medicis auxiliis
ac facultatibus vtriusque.* A.R. II.

Pyroruſ diſ-
ferentia.

QVAB de malis scripta sunt, si ad pyra
transferantur, nihil nouo sermo-
ne opus erit. Nam in his quoque alia au-
stera sunt, alia acerba, quædā acida, non-
nulla dulcia, & multa ex horum mistione
composita. Sunt quæ nullam insignem
qualitatem præ se ferant: quò fit, vt cùm
aquea sint & hebetia, nulla roborandi vi
polleant. Talis itaque pyrorum vſus erit,
qualis malorum, vt præclarè scripsit Ga-
lenus: qui aquosam dulcedinē omnibus
ferè tribuit pyris cum lenta acerbitate:
quod inæquale temperamentum arguit:
& ob id à cibo sumpta cōferre stomacho
trudit: præsumpta verò aluum substrin-
gere.

gere. Sanè pyrorum omnium crudorum
vſus, etiam valētibus onerosus esse solet,
& maximè iejunis: decocta multò salu-
briora censemur. Sunt qui diuifa, & gra-
nis purgata Sole siccent vel clibano, hīs-
que per hyemem, & Ichthyophagiā, vi-
no vel calente aqua maceratis & saccharo
respersis iucūdē vescantur. Pyrorum ge-
nera omnia adstringentia, vſum habent
accōmodum repellētibus cataplasmatiſ.
Aduersantur etiā boletis & fungis: nam
illos extrudūt pondere, & pugnāte pre-
mentēque succo. Scripſerunt nonnulli
quòd pyra in cubiculo enitētis & partu-
rientis reposita aut latentia, partum dif-
ficilem faciunt. Sed id cotoneis malis, vt
mox dicemus, ascribendum esse mihi fi-
dem fecerunt amici aliquot, qui naturæ
arcana per rerum experimenta quotidie
quærunt & scrutantur.

Pyrorū crudo-
rum vſus
iejunis one-
rosus.

Remedium
aduersus bo-
letos et/
fungos.

*Cotonea arbor & eius fructus, cum medicis
utriusque auxiliis.* A R. I I I.

POMI arboris istius figura, vt superio-
rum, simpliciter exprimi nequit: quo-
niam cotoneorum alia incisuris crispan-
tur, colore ad aurū vergēte, ex quo Græ-
*Cotoneorū
differentia.*

O

cis χρυσόκηλα, & Virgilio aurea mala, ut multis placet, dicta sunt. Alia candidiora videntur & odoris præstantissimi. Alia struthea nuncupantur, serotino prouētu maiora, & nescio quid suauius reliquis vibrantia. Habentur præterea syluestria parua, in sepibus plurimū nascentia. Quotquot sunt, tenui lanugine omnia pubescunt, & fraganti odore nares exhilarant, ac cerebrum roborant. Plutarchus autor grauiss. memorię prodidit cotonea mala, seu cydonia, odoris sui præstantia lethalium venenorū vires retundere, eorūmque vehemētiam hebetare. Addit, pharicum, præsens alioquin venenum, in patinam adhuc cydonium, vel eius salgam olentem, ignauum fuisse ac elāguidum: necnon à peculiari sua natura viribus exhaustis defecisse: ac ita incolumes & illæfos euafisse omnes, quos insidiantes benefici eo potionarant. Idq; tandem compertum fuisse illorum relatu qui venenum vendētes rem ita habere deprehenderunt.

Cœliaci, dysenterici, orthopnoici, cholericici, purulenti, halitici.

Cœliacis cruda pro-sunt cotonea & cocta: necnon dysenteri-cis, orthopnoicis, cholericis & purulen-tum excreantibus. Oris gratiam & hali-

*Lethalium
venenorū
auxilium,
cum pulchra
historia.*

tum summè commendant. Vnde Solon,
vt Plutarchus scribit, vxoribus præcipie-
bat ne irent cum maritis cubitū, nisi cy-
donium malum priùs degustassent. Ma-
ceratorum humor, stomachi atque alui
fluxionibus opitulatur. Quæ cruda in
melle condiuntur, vrinas proliciunt, &
mel eorum naturam induit, adstringēdi
& conspissandi vim imbibens. Quæ verò
cocta melle condiuntur, stomacho vtilia
sunt, & gustui iucunda: sed cōstringendi
vires deponunt. Cruda in cataplasmate,
aluum si fluat retinent, & ventriculum si
in vomitiones effundatur, vel ardore cō-
flagret, roborant ac firmant. Simeon Seti
in libro quem de cibariis scripsit, tradit
cotonea in ædes parturientis perlata, vel
ibi latentia, partum non solùm remorari,
sed difficilē ac laboriosum reddere. Qui-
bus nihilomin⁹ si suæ gestationis tēpore
crebriùs vfa fuerit, fœtū pariet ingenio-
sum, vt ille idē admonuit. Quod ad con-
dituram cydoniorum attir et, quam cy-
doniatum & cydonitem ap pellant, præ-
stans admodum fiet (vt id etiam obiter
adnotemus) si apta cotonea, & ab omni-
bus suis interaneis repurgata, necnon in-

Vrina, slo-
machus, vo-
mit⁹, partus
et parturīs.

Præstantissi-
ma cydonia-
ti cōpositio.

O ij

taleolas diuisa (sed superstite pellicula & cute summa, quæ valde est odorata) in aqua, donec tabuerint, coquātur: postea per linteum colata, ac violēter compresa, excernantur: & cum optimo saccharo recoquantur. Quod dum fit, si adieceris selecti rhabarbari sufficientem puluerē, habebis incomparabile cydoniatum, nō dicam ad ciendam aluum & purgādum corpus valde idoneum, sed etiam ad roborandum hepar, ventriculum & viscera omnia: longè sanè tutiū & salubriū quām ex Lugdunensi illo scammoneato & diagridiato cydonite: quē cane peius & angue vitandum hortor & suadeo his qui suæ valetudinis seduli custodes esse fatagunt, ob sœuissima & periculosissima symptomata, quibus vtentes sœpenumerò excruciali & mirè excarnificari vidi mus, vitæ nonnunquam irreparabili iactura. Quod monuisse, & meminisse iuabit. Pulchrum est etiam ac multorum experimentis confirmatum quod sequitur. Diuidatur cydonium, & sublatis interaneis, seminibus nimirū cum suis folliculis, impleātur partium cavitates, puluere optimi rhabarbari negligenter triti,

*Cydoniatū
Lugdunense
periculoso-
sum.*

*Quomodo
paretur
coquatur cy-
doniū, alū
absque mo-
lestia ra-
cuans.*

vel seminum cartami mundatorum , vel agarici trochiscati aut alteri^o, vel epiphy- mi , vel foliorum sennæ orient. vel alias simplicis medicamenti purgantis , quale visum tibi fuerit : deinde vniuantur dictæ partes, papyro inuoluantur, & ligatæ co- quantur in clibano, vel foculo . Absoluta coctione soluatur cydonium , aperiatur, & abiectis medicamentis internis, pulpa manducetur . Purgabit absque vlla noxa & molestia(imò verò purgando robora- bit) vetriculum,hepar, & corpus vniuer- sum, eo,inquā,humore, quem immissum & concoctum medicamentum vacuare aptum erit. Quòd si diuersæ naturæ & fa-
cilitatis medicamēta incluseris, diuersos humores vacuabis . Verumenimuerò, si maiusculum erit cydonium, poteris dila- tare seminum loculamenta ac cellulas, vt capaciores fiant excipiendis idoneis me- dicamentis, quātitate à docto medico ti- bi præscribenda. Sed tutiùs est vti minu- sculo,ampliata, si opus fuerit, cauitate, vt totum māducare possis. Quod fiet absq;
vlo tædio ac nausea, si expertis credis, qui mihi pro tam iucundo & salutari se- creto gratias immensas egerunt, quo te

pulchra &
notatu di-
gnissima.

O iij

quoque participem, gratis facere visum
fuit. Venio ad alias cydoniorum facultates. Si succū astringentium cotoneorum
cum pari mellis rosacei portione coixeris,
Tonsillæ, rupula, oris putredo, tormina et dysenteria.
& eo tonsillas vel vuulam inflamatam,
aut oris putrilagines illeueris, illinc sum-
mum auxilium experieris. Addo quòd
integrorum cotoneorum decoctio salu-
briter propinatur & infunditur aduersus
tormina & dysenteriam. Crudorum suc-
Mæme, uter, fatus, sedes et vulna.
cus, doloribus mammarū confert: & de-
coctum florum arboris, fotu prohibet ne
uterus decidat, aut fœtum lubricum red-
dat. Decoctionis carnis & pulpæ, sedes &
vuluas prociduas coërcet, ac easdem ab
inflammatione liberat. Sed in cydoniis
versatum satis,

*Prunus ac eius fructus, cum auxiliis & fa-
cilitatibus utriusque. A.R. I.I.I.I.*

*Prunorum
differentiae
variae.*

PRVNORVM differentiæ apud nos esse
solent innumeræ, ac ferè inexplicabili-
les: sed prima omnium laus Damasce-
nis tribuitur: à Damasco Syriæ mōte, vt
scribit Galenus, oriundis, & cognomina-
tis, nobisque admodum familiaribus. Se-
cundas partes sibi vendicant, quæ Pruni-

dactyla vocantur, à digitī longitudine, vt
 puto, dicta: ouata ferè specie, & carne
 admodum suaui. Habētur & nucibus in-
 sita, quæ faciem & succum adoptionis re-
 præsentant, & ab vtroque parente Nu-
 cipruna appellātur. Sed hæc nihil ad me-
 dicas illorum facultates & præsidia. Pru-
 na itaque, dulcia præsertim, ex aqua mul-
 sa, aut alia, decocta, si prædium inchoent,
 ventri molliendo ac mouēdo sanè quām
 sunt idonea: modò nō illico supra earum
 assumptionem prandium sequatur, sed
 semihorula interponatur. Quæ acidula
 sunt, postrema mensa apponi debent, ad
 os ventriculi roborandum. Folia arboris
 in vino cocta, vuulam, gingiuas & tonsil-
 las fluxione laborantes, gargarizatu, vel
 oris collutione iuuant ac reprimūt. Idem
 præstant sylvestrium prunorum resicca-
 tæ baccæ dum maturuerunt. Quæ si in
 austero vino coquantur, aluum sistunt,
 ac eius sedant tormina. Gummi trunco
 prunaceorum & prunorum adnascens,
 conglutinat, & in vino potum calculos
 frangit: lichenásque infantium ex aceto
 perunctum sanat, vt scribit Dioscorides.
 Sed tempestiuum est vt Ioan. Mesuæ au-

*Prunidacty-
 la & nuci-
 pruna.*

*Veter, vuu-
 la, gingiuæ
 & consule.*

*Aluns, cal-
 culi & li-
 chenes.*

O iiiij

diamus, medicè & argutè de prunorum facultatibus hunc in modum differētem: Pruna aluum subducunt & alterant, sed alba, flava, rubra, minùs sunt medicamētosa, quām nigra. Quorū quæ uēsā sunt, hoc est dulcacida, alterant magis. Dulcia largiùs soluunt, tamen vtraque alterant & soluūt, magis scilicet & minùs. Damascena & Armena, vtrunque, præter cætera præstant, humida tamen potius quām sicca: quæ etiam in vētriculo, promptiùs quām sicca corrumpuntur. Omnia lauāt, leniunt, refrigerāt, bilem educunt: & ob duo hæc, biliosis tum febribus, tum morbis aliis sunt salubria: stomacho nocent, ac pauci sunt alimenti. Quia imbecilliter soluunt, eis adduntur, præsertim infusione; cassia fistula, manna, tamar Indi, violæ cōditæ. Ex horum carnibus coctis fit elētarium, in eadē quæ priùs, salubre. Porrò, si trūcum Pruni arboris locis duobus, vel tribus, palmę vnius interuallo, perforaueris, & immisso scāmoneo lutaueris, pruna ob id purgantiora euadēt. Hactenus Mesues. Hæc sint pro coronide in gratiam ægrotatiū. Si pruna passa modicè cocta, & cōpuncta, in frigidam mer-

*Quomodo
fiant pruna
aluum sub-
ducentia.*

*Pulchra &
notata d-
gna.*

seris, tumere ac pulpa multùm turgere videbis. Idem etiam continget absque coctione, si passim pūcta, biduo aqua frigida maceraueris. Quod & vuæ passæ, & fructus alij etiam agnoscunt. Sed de iis fusiùs à nobis alibi scribendū propediē.

Cerasus, ac eius fructus, cum auxiliis & facultatibus vtriusque. AR. V.

SPECIOSISSIMOS hortensium arborum omnium fructus, gignit Cerasus, varios & diuersos: quò fit vt diuersa quoque sortiantur nomina, quæ hīc explicare non admodum labore, cōtentus docere, quòd Francis cerasi nomen fructus ille proprium sibi fecit, qui mediocri arbore nascitur, pomo rotundulo ex breui pediculo dependente, & inter virentia folia dum maturuit, carbunculi modo eleganter rubēte: cui caro multa & mollis, necnon succosa inest: solētq; vsus eius maximè placere grato acore: vnde morosa ægrotantium palata mirè recreat, & prægnantium malaciis summè expetitur, antè quām ad vnguem maturescat. Diphilus Siphnius, arte medica aliquanto tempore post Hippocratem admodum

*Fructus ce-
rasus es-
criptio pul-
cherrima.*

celebris (vixit enim ætate Lysimachi successoris Alexandri) de cerasis hunc in modum scribit. Cerasa bonum succum creant, sed parum alimenti subministrat: stomacho æstuanti grata sunt, & eidē auxiliantur sumpta in frigida, sed rubentia præstant & Milesia, quòd vrinam pellat. Hæc ille: cuius æuum ideo proferre volui, ut refellatur error illorum qui cerasa à Cerasunte Pōticō municipio dicta contendunt: & à Lucullo, deuicto Mithridate, illinc in Italiam primūm deportata. Quod videant Grammatici, quibus rem eam discutiendam relinquo, ut tractent fabrilia fabri. Redeo itaq; ad medica pomii huius auxilia. Quæ dulcia sunt cerasa ventrem emolliunt ac mouent, quæ acida, vel passa indurant ac continent. Eadē, acida inquam, refrigerant & adstringunt: quò fit ut flauam bilem restinguant & iecinoris infarctus liberent. Gummi quod de arbore stillat, ex vino diluto sumptū, gutturis asperitates lenit, colorem cutis gratiorem reddit, oculis claritatē adfert, veteri tussi medetur, lichenas infantium ex aceto curat, & (quod vtiliter experti sunt multi) calculosis ex vino albo sum-

*Cerasiorum
facultates.*

*Venter, bi-
lis, iecur,
guttur, ocu-
li, tussis, li-
chenes &
calculus.*

mè prodest. Penè omiserā quòd memoratu dignū arbitror. Aqua distillationis cerasiorum nō multò ante ex arbore decerptorum, vi ignis mediocris excepta, si in os epileptici infundatur, quoties eum paroxysmo laborare cōtigerit, inhibitur impetus morbi violētissimi. Res preciosa & s̄pē numero probata à Ioāne Manardo Ferrariēsi medico præstātissimo. Pauca supersunt. Inuenio apud autores, inquit Plinius, quòd si quis matutino roscida aliquot cerasa cum suis nucleis deuorarit, ei aluus in tantū leuatur, vt pedes morbo liberentur. Sunt qui æstuante & candenti Sole, vsque ad rugas siccāt. Alij blando & temperato clibani calore idem assequūtur: eoque modo optimè seruāt ad sanorum & ægrotantium vsum.

Aqua mira
pro epilepti-
ci.

Cerasorum
custodia nō
spēnenda.

*Morus ac eius fructus, cum auxiliis & fa-
cilitatibus vtriusque. AREA VI.*

VR BANARVM arborum omnium, vt scribit Plin. nouissima floret Morus, serotino germinatu se prodens, nec nisi exacto frigore: vnde arborum sapiētissima nuncupatur, licet fatuæ & stolidæ nomen à Græcis, καὶ ἀντίφεξσι adepta sit.

Morus un-
de dicta.

Succus foliorum, aut radicis vtilissimus

*Cynanche,
præfocatio,
ambusta, tō-
silla, ruula,
oris putredo
& vulnera.*

est gargarizatu cōtra cynanchem, ac præ-
focationem. Et folia ex aceto illita, am-
bustis medentur. Si quis autē acceperit

mororum semimaturorum vnciam vnā,
& rosarum siccaram tantundem, omniā-
que melle miscuerit, modicē coxerit, &
expresserit, habebit salutare medicamē-
tum ad tonsillas & vuam inflammatione
tentatā, necnō oris putrilagines ac vitia.

Corticis succus vulnera glutinat. Quod
ad naturam pomorum istius arboris atti-
net, quæ mora nuncupant, si matura fue-
rint, aluum soluūt ac lubricāt: sed in ven-
triculo statim corrumpuntur. Humeat
prætereā, ac modicē refrigerant, nisi actu
frigida sumātur: quòd si nō superueniat
alius cibus, facilē intumescunt. Immatu-
ra ventrē fluentem retinent: quæ si Sole

*Fluor alui,
cætuaci, dy-
senterici, vlc-
cera, dentes,
ambusta,
menses &
sanguis.*

vel clibano caliente siccata fuerint, & in
puluere trita, non solūm obsoniis iu-
cunda erunt, sed etiam cœliacis, & dysen-
tericis summè proderunt: valebūntque
aduersus vlcera quæ pascendo serpunt.
Sunt qui dētes putridos & gingiuas col-
luant eo puluere ex vino. Folia arboris
trita & cum oleo illita, valēt ad ambusta,

*Mororum
natura.*

capillūmque tingunt cum foliis vitis ni-
græ & fici simul coctis in aqua cœlesti.
Eadem in vrina madefacta, pilum coriis
detrahūt . Ramus ex arbore Luna prima
defractus, cū incipit turgere fructu, pro-
ficit, (vt magi existimāt, & adnotat Plin.)
contra mensium abundantiam, si mulie-
ribus lacerto alligetur : modò ille terram
non attigerit, nec in posterum cōtingat.
Subditque hunc non modò fœmineum
sanguinē fistere ex vtero multūm ema-
nantem, sed etiam ex vulnere, ore, nari-
bus & hemorrhoïdibus. In quam rē mul-
tos ramum illum religiosè seruare dicit.
Faciet experiētia fidem . Multi foliorum
& corticis decocto, dentium cruciatum
collutione efficaciter emendarunt. Hīc
Plinianum miraculum de moro nō tace-
bo, etsi ad medicū hoc nostrum institutū
nihil facere videatur. Morus (inquit) lau-
rus, & hedera mutuo attritu ignem facilē
concipiunt: quod exploratorum usus in
castris, pastorūmque industria reperit:
quoniam ad excutiendum ignem non
semper lapidis occasio est, teritur lignum
ligno, & arido fomite excipitur scintilla.
Sed nihil hedera præstantius quæ teratur

Pulchrū nīsa
effet super-
stitionis.

Miraculum
notatu de-
gnum.

lauro, & laurum terat. De moro & moris sint satis ista tibi.

Persica arbor ac eius fructus, cum auxiliis & facultatibus utriusque. A.R. VII.

*Persicorum
genera et
nomencla-
tura.*

*Persicū du-
racinū, pres-
sum, sanguini-
neum et fla-
num.*

PERSICORVM genera tria apud nos esse solent. Vnum *Præcox* appellatum & *Antepersicum*, quod cætera persica longè præueniat: ex quo *Abricotum* Gallis dici consuevit, quasi *præcocum*, olim *Armeniacum* nuncupatum, æstatis initio nobis familiare & esculentum. Alterum est populare cuique notum, & sub finem æstatis maturescēs, citius, tardiūs, pro cœli & soli natura. Tertium ex re *Duracinum* vocatur, quod carne constet dura: quæ tam pertinaciter ossi adhæret, ut auelli nequeat, *Pressum* vulgus nuncupat, quia caro, ceu agglutinata ligno interiori valde apprimitur. In quo etiam genere inueniuntur quæ sanguinea pulpa & succo manus inficiant: adhæc quæ cotoneorū more, intus & extra summè flauescant. Alia sunt genera olitorio mangonio, & infestationis adulterio prognata, quæ hīc prudens omitto, ut medicatā arboris, quām pomī eius remedia persequar. Galenus

Persicorum genus omne damnasse mihi
videtur, ceu prauis succi alimētum, ob fa-
cilem corruptionem. Quod de popula-
rium genere cum doctis intelligendū es-
se puto: quo vno, etiam Plinij seculo, ne-
dum Galeni, nihil fuit fugacius: nā lon-
gissima decerptis mora, erat bidui, & ob
id cogebant se illico venundari, vt hodie
fieri solet. Hinc nimirum primis mensis
semper edenda præcepit idem Galenus,
præsertim quæ carne constant humida,
& aquoso pulpamento: nam postremis
epulis sumpta, stomacho innatare solēt,
& quidquid prægustatū fuit, vnā in cor-
ruptionem secum deducere. Quæ si præ-
ierint, lubrico meatu viam facilem aliis
cibis sternūt. Innocentiora his causis tra-
duntur esse præcoccia, & quæ carne con-
stant nullatenus humida, qualia sunt Pa-
risiensibus Corbelliana: nam corruptio-
ni facilè non patent, neque acorem citò
contrahunt, & ob id stomacho suauiter
commodant. Vulgus Gallicum sibi per-
suasit persica suo nucleo noxā expedire,
quam impediens persicum attulerit. Nec
temerè, nam incidendi, detergēdi & ape-
riendi facultate pollet: qua ex re impro-

*Persicis po-
pularibus
nihil fugaz-
cius.*

*Persica Cor-
belliana.*

*Quonodo
tollatur no-
xa à pscu.*

bitati pulpæ occurrit. Noxa etiam vino generoso tollitur, siue illud superbibatur, siue persicum in eo madescat & innatet. Quod populari & rythmico sacrificuli cuiusdam versu, hunc in modum per mensas iactari solet,

„ *Petre, quid est pesca? cum vino nobilis esca.*

*Pestis, lum-
brici, obstru-
ctio et ca-
put.*

Nuclei per auram pestiferam sumpti, maximoperè prosunt, lumbricos enecant, & obstruktiones tollunt. Qui, quòd summè sint amari, & linguæ parum grati, saccharo excipi & condiri à multis solent. Cum aceto & oleo triti, capit is doloribus utile illinuntur: sed quibus, & qua ex causa, non scripsit Plinius: qui plerūque remedia absque limitatione pronunciat, vnde cautè & circunspectè legendus est. Persici flores aluum deiiciunt, tam esu, quam iusculo immissi: sed non absque labore, & ventriculi ac hepatis detrimēto. Quod minore noxa præstabit aqua ubi flores illi amarulēti septena commutatione macerati fuerint, modò cū saccharo ad Zulapij consistentiam decocta sit. Nam præterquam quòd alui excrementa deiicit, etiam vermes vnā extrudit: quos trita folia, & puerorum vmbilicis admota, similiter

*Alius et
corporis lu-
brici.*

militer perdunt. Prætermissum hîc nolim quòd p̄sica locis irriguis nata & educata, dentibus, cordi, oculis ac pulmoni valde obesse solent: locis aridis, contra quemadmodum doctè adnotauit Albertus re vera Magnus. Nolim insuper omis- sum, quòd qui impleuerit fictile floribus Persicis, & obturato ore permiserit dies aliquot sub terra macerari, vel in fimo putrescere, exprimet oleum, quo si inungat pulsus, tempora & spinam, ante accessio- nes febrium putridarū, certo experimēto illas curabit. Quod à Germano medi- co ingenuè acceptum fero.

*Mespilus ac Sorbus earumque fructus, &
medica auxilia ac facultates.*

ARBA VIII.

Duo poma duarum arborum rustica-
rum, vna (quod dicūt) fidelia hîc de-
albabimus: mespilum nimirum & sorbū.
Mespilus Gallis nunc *Meslierus*, nunc ve-
rò *Neflierus* dici solet. Cuius duo sunt ge-
nera. Vnum, quod rarioribus spinis hor-
ret, nasciturque in dumetis, nemoribus
& viuis sepibus, quasi sylvestre: cui pomū
paruum inest, & per initia tam acerbum,

*Mespili ge-
nera duo.*

P

ut vix edendo esse possit, nisi hyemis frigoribus excoctum mollescat. Alterum, grandiore pomo sese profert, ita ut mala magnitudine sua se numerò peræquet, absque ullis spinis. Quod crebro insitu & cultu in hortis habitasse, & feritatem deposuisse dubium non est.

*Sorborum
differentia
quatuor.*

*Alui fluor,
dysenteria
Et renum
lapilli.*

Sorbus, Gallis *Cormierus* vel *Sorbierus* vulgò nuncupatur: poma gerēs quatuor differentiis à Plinio discreta. Nam quædam rotunditatem mali præ se ferunt: altera turbinationem pyri: tertia oualem formam: quartum genus torninale appellant, remedio (ut scribit ille) tantum probabile. Venio ad medica vtriusq; auxilia. Mespili immaturum pomum, plerique omnes usurpare solent ad coërcendum alui immodicè ruétis impetū. Non desunt qui siccata arboris folia, & in puluerem redacta, clysteribus dysentericorum magno & fœlici successu remisceat. Est sanè memorabile & miratu dignum, quod licet mespilorum caro adstringentis sit naturæ (de immaturis loquor) nihilominus puluis eius lapillos in renibus vehementer comminuit. Cuius rei periculum efficacissimum à se factū testatur,

Ant. Musa, medicus apud Ferrarienses doctiss. & exercitatiss. Scio nō deesse qui de officulis idē policeantur, ac certa constantique probet experientia, quam nos in rem haud ita pridem fœliciter etiam contulimus: dato cochleari ex vino albo cum puluere anisi. Quod ad sorborum poma attinet, Galenus eadem facultate pollere scribit, atque superiora: censetq; duobus his parcè vtendū, & nō affatim, vt de ficubus ac vuis fieri solet. Nam illis, ceu cibis, nequaquam indigemus, quin potius vt medicamētis. Dioscorides dissecta sorba prius quam maturescant, Sole desiccat, probabili remedio ad aluum retinēdam, si nimium fluxerit, aut lubrica fuerit. Idem usus esse consueuit farinæ siccatorum & pilæ contusorum, si polētæ modo sumatur, aut iusculis & pulticulæ misceatur, clysteribüsue immittat: quod etiam decoctum eorundem immaturorum præstare adfirmant experti. Memo-

*Mespilus Et
sorbus vtend-
dum ceu me-
dicamento.*

*Remedium
aduersus
fluore alii.*

Notandum.

De qua, & superiore, hæc satis erunt, propter ea quod in Gallicanis hortis multis nondum habitare consueuerunt.

Citria arbor, eius fructus, & medica utriusque auxilia. AREA IX.

In hac medica pomiferarum arborum narratione, aliquot nobis supersunt memorabiles explicandæ arbores cum suis pomis. Quæ tametsi in septentrionalibus hortis & agris nostris ægerrimè nascantur & foueantur, de his nihilominus hic scribere non detrectabo, ut labor noster omnibus ex æquo proficit. Citria arbor in his primum obtinebit locum: quæ sicuti Theophrasto Medica & Persica, Plinio verò Assyria nominatur, ita illius quoq; pomum, Medicum, Persicum & Assyrium nuncupari legimus. Quod cum sua parente, gentes plurimæ ob remedij præstantiam, olim ad se transferre frustra sudarūt. Plinij æuo in Italia nondum vigebat: primusque Neapolitanus Palladius è Medis in Latium, cultu vario & multiplici cura ac diligentia transtulisse & propagauisse fertur. Quem postea solers imitata posteritas, Hispaniæ, &

Arboris citri nomenclatura.

Quis primus citriam arborē in Europa excolluerit.

meridionali Galliæ, ceu per manus, pau-
latim communicauit. Theophrasti ætate
pomum istud nequaquam mandebatur,
sed ne Plutarchi quidē, auorum memo-
ria, vt Athenæus scriptum reliquit. Par-
thorum proceres huius grana duntaxat
esculentis incoquere solebant, commen-
dandi halitus gratia. Quod pleriq; etiam
ad folia detorquent, non minūs odorata
quām pomū ipsum: ex quo vestiariis scri-
niis vtrūque peraptè inserebatur: quem-
admodum indicāt Homerus & Neuius,
vestes ob id, epitheto decēti, citrosas nū-
cupantes. Sed hæc, quia extra medicum
institutum nostrum esse videbūtur, ideo
ad citriorum auxilia commodū trans-
eo. Qui de re medica & rustica scripserūt
Aphri, Arabes, Græci & Latini, vno ore
prædicant omnes, citrūm pomum vene-
nis inimicum esse, & hinc antidoti loco
illis efficaciter opponi. Quod celebri hi-
storia sic Athenæus cōfirmat. Cūm prin-
ceps quidam Ægyptius maleficos nebu-
lones duos condemnasset, vt suorum fa-
cinorum meritas pœnas luerent, eōsque
aspidibus, secundum Ægyptias leges, in
prædam exponēdos dixisset: ij fortè for-

Halitus cō-
mendatio, &
vestium odo-
ramentum.

Pulcherri-
ma historia
probans ci-
triūm vene-
norum esse
antidotum.

tuna citrium in itinere comederūt, dum bestiis futurum pabulū ducerētur: quod caupona quēdam, vicem eorum miserata illis obiecerat. Mox dum in theatrum descendissent, & à ferocissimis ac famelicis feris demorsi essent, nihil noxæ senserūt. Quam rem Præfectus summè admiratus, à satellitibus percontari cœpit, num antidotum aliquod præsumpsissent. Respondentibus citrium, ex integra simplicitate donatum, eos in via tantùm manducasse, postridie iussit vni præberi, alteri verò denegari, ac denuò in theatrum trudi ad supplicium. Quo facto, qui comedederat, demorsus nihil incommodi passus est: alter illato iectu, vndique liuidus factus, cōfestim interiit. Quæ res multis postea probata, factoque frequenter periculo, tandem inuentum, confessumque fuit, citrium omni exitiali veneno præsentissimum ac præstantissimum esse remediū, sumptūmque, venenatis iētibus resistere, donec concoctum fuerit. Si quis huic historiæ fidem non habet, veraceim fidelémque Theopompum Chium consulat: ab eo discet Clearchum Heracleotam Ponti tyrannum multos veneno su-

Mirāda ris
citriorum.

stulisse, plurēsq; necare voluisse, nisi excellentissima citrij vis à populo cognita, venenis restitisset. Quod nonnulli etiam rutæ adscribunt, quemadmodum in medica eius narratione diximus. Citria itaque venenis efficaciter aduersantur : & maximè illorum semen tritum, & ex vi-

Semen &
succus ci-
triorum.

no generoso haustum. Eandem rem præstabit etiam succus, nam per ventrem toxicū excludit : nec omittendū est, q̄ cor-

tex tetur & fœdum oris halitū emēdat. Quam in rem Virgilianū testimonium

huc proferre πάρεργον fortasse non erit,

» *Media (inquit) fert tristeis succos, tardumque*

» *saporem*

» *Fœlicis malis quo non presentius ullum*

» *(Pocula siquando sœuæ infecere nouerçæ,*

Virgil. in
Georgicis.

» *Miscueruntque herbas, & non innoxia verba)*

» *Auxilium venit, ac membris agit atra venena.*

Deinde subdit,

» *animas & orentia Medi*

» *Ora fouent illo, & senibus medicantur anhelis.*

Si cruda manduntur citria, non facile coctioni obediunt, quin & crassum generat succum: ob id illis melle, aut saccharo conditis vesci satius esse putat medici: quod ita ventriculum excalfaciant ac roboret.

Quomodo
citrus reten-
dum & re-
scendum.

P. iiiij

Quam rem non animaduertens nec obseruans hæc nostra ætas gulę nimiūm dedita, ac voluptati plus æquo famulans, cruda citria in cibis parùm prudēter esitanda proferre solet. Ut vt fuerit, aduersus atram bilem & morbos, quos illa longos ac mœstos excitat, egregiè opitulari nouimus. Succus flauam bilem reprimit, & pestis arcet cōtagia: vnde recentiores medici ad febres pestilentes serapiis è ci-
*Melachalici
morbi, flaua
bilis, pestis,
ictus vene-
nans & ha-
bitus.*
 trio cōcinnatis, fœliciter vtūtur. Semen scorpionū ictibus tam potum, quām appositum, mirificè prodest. Si integrū pomū quis in iure, vel liquore alio coquat, expressisque interaneis succum sorbeat, suauissimum sibi conciliabit halitum. Si idem, vt sua fert natura, etiam integrū in aqua rosacea & saccharo tādiu coquatur, donec tabescēs in ius resoluatur, immunem ab omni veneno & peste reddet eum qui manè iusculi, vel decocti talis, aut, si mauis, Electarij, vnum vel alterum cochleare paruum hauserit. Res in pestilentiibus cōtagiis mihi & fidis amicis meis fœlicissimo successu, sæpenumerò experita ac probata. Verum enim uero, quia Parisiensibus, & vrbibus quamplurimis ra-

*Antidotus
mirra contra
pestem &
venena.*

ra admodū sunt citria, in eorū locum limonia, paruo errore, substituere licebit: quæ compitatim pro citriis, proclaimari ac venundari solent.

Aurantia arbor & Limonia, earumque fructus, & medica auxilia. A.R. x.

Duo poma ista cum suis arboribus, climati huic nostro septentrionalis Galliae usque adeò sunt infensa, ut nullis bladitiis, nullis officiis & artibus in eo habitare velint: etiam si mitioribus locis hospitia illis designentur, & omni cura sollicitè tractentur: tantus est patriæ & natalium amor. Sed missa longiore præfandi mora, ad rem veniamus, & duo poma, vna (si placet) arcula, includam⁹. Aurantia cùm auri colore pelluceant, merito nomen ab auro accepisse mihi videntur: ex quo aurea mala à Virgilio dicta fuisse, contendunt multi: licet id ad cotonæ relatum malint plerique, sicuti in illorum historia scripsimus. Quod ad Limonia attinet, triplicem assignant illorum differentiam, quam elegantissimis Iouiani Pontani versibus, ex horto Hesperidum paucis depromemus. Sic itaque Limonia distinguit,

*Aurantia &
Limonia se-
ptentrioni-
bus inuisa.*

" --- altera fætu

" *Exiguo, succos gustu meditantur acerbos:*

" *Altera sunt fructu maiore, & rorida succo*

Tres Linæ. *Vberiore: sed oblongo tamen utraque ductu.*
niorum dif-
ferentie. *Tertia prægrandi turgent ouata volemo,*

" *Ac citri referunt sinuosa ab imagine formam:*

" *Sed gustu ingrato, quæque ora offensa recusent.*

Aurantiorum *His positis venio ad facultates & medica*
genera tria. *vtriusque auxilia. Aurantiorum tria ob-*

seruantur genera, dulcia, acida, & ex his

mista, vulgo acido-dulcia nūcupata. Dul-

cia omnibus partibus excalfaciunt: alio-

rum succus refrigerat, magis, minus, li-

brato cuiusque aciditatis gustu & sapo-

re. Quocirca febricitantibus ad sitim ex-

tinguendam optimè exhibentur acida.

Cortex oībus calidus & igneus est: quod

gustatu deprehenditur, nam acer est &

amarus: hinc cōtra lucernarum flammu-

las expressus ab eo succus, ignē facile con-

cipit: transitque expeditè in vinū essen-

tiæ suæ tenuitate per vitreum calicē, vel

è longinquo iaculatus.

Limonia citriis & aurantiis omnibus

gustu acidiora sunt, & ob id succo frigi-

dore ac sicciora constant. Ex quibus se-

rapium conficitur ad restinguēdum bilis

Pulchra &
notata u
dgua.

Bilis feruor.
& febris pe-
stilens.

feruorem mirè efficax : necnon ad pestilentes febres, & eas quæ contagione serpunt . Sed ilud nō prætereundum, quòd
 „ *Admotus foculo limon , sensimque recocitus*
 „ *Instillatæ anima, actenuem cōuersus in amnem,*
 „ *Ora puellarum maculis lauat, & candorem*
 „ *Inducit nitidis per colla argentea guttis.*

Hodie in calente balneo Mariæ vocato, vitreis organis elicitur aqua ex limonio- rum succo : quæ præterquam quòd mulieribus summè expetitur ad faciem fuco expoliendam & erugandam, etiam viti ligines vbi cūque fuerint, ac varos, & totius corporis maculas emendat, etiam si ex elephātiasi essent . Eadē serapiis idoneis remista, acutis febribus & contagiosis fœliciter succurrit. Quod nos frequē ter sumus experti . Hic finē facturus erā, nisi in mētem opportunè mihi venisset, quòd succo limoniorum bis aut ter colato, si integras margaritas lauabis & im merges, Soliq; expones, in quinque aut sex diebus ita illas colliquabis, vt mellis consistētiam referant . Ex ea materia poteris formare quidquid tibi visum fuerit, & paucis diebus diues fieri . Autor Hieron. Cardanus, cui ingenteis deben-

Fucus mu-
liebris, viti-
ligo, vari, fe-
bres acutæ
& pestilen-
tes.

Duo summe
admirandæ
& notanda.

tur gratiæ, si vera sunt quæ tradit. Aliud est etiam admiratu dignum, quod apud Leuinum Lemnium medicū doctiss. scriptum & adnotatum legi: nimirum, limoniis tam acidum succum inesse, & usque adeò exedentis naturæ, ut si ei per horas aliquot aureum numisma inseras, acciso, imminutóq; pōdere illud eximi deprehendes. Sed hæc quia extra limites medici nostri instituti vagātur, missa libenter facimus: de illis alibi per occasionem (si diuina annuerint) fusè & opportunè scripturi.

*Punica arbor & eius fructus, cum medicis
utriusque auxiliis.* A R. XI.

ARBORIS istius pomū etiā ex illis est, quæ palpamus, gustamus, videmus & admiramur, sed parentes re vera ignoramus, & in hoc septētrionali Galliæ trāetu planè desideramus. Granatum dici contendunt nōnulli, à multitudine granorum & acinorum, quibus scatet. Alij, à Granata Hispaniæ (vbi plurimūm nascitur) id nomenclaturæ adipisci defendūt. Sed has, si placet, controuersias ociosis & opiniosis Grammaticulis exagitandas ac

*Maligrana-
ti ratio &
nomencla-
tura.*

discutiendas relinquamus, & medica pu-
nicorum auxilia, ac facultates paucis ex-
plicemus. Dulcia punica stomacho inu-
tilia esse tradit Plinius, quòd inflationes
pariant, ac dētes & gingiuas lēdāt. Quæ
verò his sapore proxima sunt (vinosa
nuncupata) aluum fistunt, & ventriculo
(si pauca sumas) valde prosunt. Hæc dan-
da in febre nonnulli negant, q̄ nec suc-
co, nec acinorum carne vtilia sint: vnde
vomentibus ac bilem reiicientibus non
probantur. Hæc Plinius: cui non subscri-
bit Dioscorides, tradēs malum omne pu-
nicum boni esse succi, & ventriculo vtile,
sed perexiguum tamen sufficere alimen-
tum. Dulce ut stomacho vtilius habetur,
ita in illo aliquātulum gignit calorem ac
inflationes parit: ex quo in febribus ab-
dicatur. Acidum astringit, ac æstuāti sto-
macho auxiliatur, & vrinam ciet: verūm
ora gingiuásque lēdit. Cortex, malico-
rium vulgò dictus (quòd coria maximè
perficiat, vel quòd sit ipsi pomo velut co-
riaceum tegumentum) si in aceto mixta
galla coquatur, mobiles dentes stabilire
fertur. Et si integrum punicum ollâ no-
uâ, addito operculo, in clibano torrefa-

Dulcia punica.

Aluum & ventriculus.

Vrina, den-
tes, aluuus &
tormina.

Etum fuerit, deinde cōtritum, & ex vino
 potum, aluum sistet, ac eius tormina di-
 scutiet. Quod etiam præstabit integri &
 triti punici decoctio, hausta, vel clystere
 iniecta. Flores (quos balaustia nuncupāt)
 fœminarum menses potu retinent, oris
 vlcera sanant: adhæc tōsillas, vuulam, ex-
 creationes sanguinis, necnon ventris ac
 stomachi solutiones, genitaliūmque vl-
 cera, & alia quacūque in parte manantia
 emendant & adiuuant. Tusorum farina
 plerosque dysentericos à morte libera-
 uit. Nuclei acidorum siccati, puluerati, &
 obsoniis respersi, vel incocti, fluentem
 aluum & stomachum in vomitiones ef-
 fusum retinent, bibunturque salubriter
 sanguinem excreantibus, ac valde utiles
 habentur ad dysentericorū desessus, nec-
 non viginosas & impuras vuluarum de-
 fluxiones, quas albos menses dicūt. Dio-
 scor. tradit eum, qui tres q̄ minimos pu-
 nicorum cytinos deuorauerit, nullam il-
 lo anno lippitudinem passurum. Fieri so-
 let ex punicis seu granatis medicatum vi-
 num, cuius artificium tale habeto ex no-
 stris vinorum secretis deprōptum. Acini
 maturi ex suis membranis diligenter ex-

Menses, oris
 vlcera, ton-
 silla, san-
 guis, venter,
 stomachus,
 dysenteria
 & vomitus.

Lippitudo
 & vulua-
 rū defluxio.

clusi, prælo committuntur, exprimuntur,
vinum fassis ad id accommodatis perco-
latur, vasculis idoneis, quo usque fæx re-
fidat, seponitur, & clarū custoditur, oleo
desuper affuso ne corrūpatur aut acescat.
Sunt qui absque oleo illud in cadis asser-
uent: sed per æstatem facilè vapescit. Mo-
dos alios docebimus alibi, Deo fauente,
cum facultatibus & auxiliis eiusdē vini.

Quod postremum erit, ubi monuerimus
corticem punici mali, ferrū in chalybem
mutare, quemadmodum adnotauit Hie-
rony. Cardanus: qui modum conticuit,
quē proprio loco alias exprimemus. Sed
hæc quia fabrum ferrarium potius olēt,
quam medicum hortulanū: idcirco ver-
bum non ampliùs addo, ut medici medi-
ca tractent, & fabrilia fabri. Transeo ita-
que à punicis ad ficis. Sed ô me obliuio-
sum! qui singulare arcanum, mihi & ami-
cis multis fœlici successu expertū, omit-
tebam. Quódnam illud est, inquieris? Si
punicum dulce cum suo corio & cortice
tusum ac lœuigatum percolaueris, & sex
partibus succi, vnam mellis adicceris,
omniāque ad spissitudinem coixeris, ha-
bebis eximum auxiliū aduersus inflam-

*Vinum ex
malis puni-
cis.*

*Quomodo
ferrū in cha-
lybem mu-
tetur.*

*Inflammatio
oris, columella,
gutturis, polypus,
fætor oris et
vlera na-
rium.*

mationes oris, columellæ & gutturis, etiā si præsentem suffocationem minitarentur: necnon ad narium vlcera, polypum, oris fœtorem, & alia quamplurima, quæ ut mihi longa essent recensere, ita facilia tibi erunt excogitare.

Ficus & eius fructus, cum medicis auxiliis

Vtriusque. A.R. XI.

*Mira Catonis solertia
ad suadendum Carthaginis
excidium.*

POMVM istius arboris, priscis temporibus, nedum nostris notissimum fuisse, testatur memorabile Catonis ingenium, & indicibilis prudentia. Nam dum perniciali odio Carthaginis flagraret ille, & nepotum securitatis anxius esset, clamaretque omni senatu Carthaginem delendam, attulit quodam die in curiam, præcocem ex ea prouincia ficum. Quem (scribit Plinius) Patribus ostendens, Interrogo vos, inquit, quando hoc pomum demptum putetis ex sua arbore? Cùm inter omnes recens esse constaret: Atqui, respondit, tertium ante diem scitote decerptum Carthagine: tam propè à muris habemus hostem: statimque sumptū est Punicum tertium bellum, quo Carthago deleta est, & sequenti anno raptus Cato.

Qui

Qui vnius fici argumēto, res mira, tātam
vrbem, & de terrarū orbe vnam per cxx
annos Romanæ gloriæ æmulam, fundi-
tūs euertendam suasit, & tandem impe-
travit. Sed hæc nihil ad medica fici præsi-
dia, quæ nunc demū aggredior, vbi priùs
monuero, quòd tam recentes, quām paſ-
ſæ ficus, olim panis ac obſonij vicem ha-
buerunt: eóque cibo prisci Athletæ vires
aluerunt, priusquam Pythagoras eos ad
carnes trāstulisset. Sale inueteratis etiam
casei loco vesci excogitatum fuit, Plinio
autore. Meliores & salubrioſes habentur
quæ Solis vigorē expertæ, per propriam
naturam ematuruerunt. Quæ plurimo
turgent lacte, aut aquoso madent succo,
& si palato ac ſtomacho gratiores viden-
tur, grauiores nihilominus, ponderosio-
rēſque cenzentur: ex quo faciliūs descen-
dunt, & aluum ad excretionem proritāt,
perinde atque recētes nuces. Demetrius
Sceptius admonet, studiosos vocis debe-
re ficiſ abſtinere: motus exemplo Egesia-
nactis Alexandrini, qui optimus tragœ-
diarū actor euasit, q̄ ficiſ annos octode-
cim abſtinuisset. Coctæ cū hyſſopo cor-
pus expurgant, tuffim veterem abolēt, ac

*Ficus panis
et obſonij
loco fuſſe.*

*Ficus paſſæ
& recentes.*

*Ficus vocis
inimica.*

Tuſſu, pul-

Q

*me, colicus
dolor, tor-
mina, duri-
tia, paroti-
des & fu-
runculi.*

*Hydrops,
pernio, po-
dagra, den-
tes, & ver-
ruca.*

*Ani aposte-
mata, cody-
lomata, &
hepatis ob-
structio.*

longa pulmonum vitia emendant. Cum ruta colico dolori & torminibus summè prosunt, sumpto ore decocto, vel clysteribus opportunè iniecto. Duritias in corpore discutiunt, tritæ & appositæ, per se, vel cum oleo liliorum, aut alio quopiam idoneo: quo etiam modo parotidas & furunculos emolliunt. In vino cum absinthio ac farina coctæ & subactæ, hydropicis salubriter illinūtur, & cum cera crematæ pernionibus auxiliantur. Addo q̄ podagrī cum farina fœni græci & aceto efficaciter admouentur, ac dentium cruciatibus, recenti succo in lana aut gauapiro excepto & apposito, per pulchrè succurrunt. Qui succus etiam verrucas, carne circumlita, tollit: præsertim myrmecias nuncupatas, quæ quendam pugentis formicæ sensum repræsentant. Aliæ foliis ficalneis contactæ aboleri tradūtur, si postea folia sepeliantur. Ficus in vino coctæ, tritæ & ano appositæ, eius apostemata, condylomata ac fissuras curant. Et si cum nucibus, pipere, aut amaris amygdalis iejuno stomacho edantur, obstructiones hepatis soluunt, ac ventriculum roborant & detergent. Eubolus medicus

meridiano esu ficus abdicavit, morbum
inde concipi testatus, quòd statim febris
accelerans inuadat, quæ vomitum flauæ
bilis solet elicere. Quare Aristophanes
cùm æstate ægrotantem quendam con-
spexisset, meridiando ficubus vsum præ-
sagiit. Quod de musteis & adhuc humen-
tibus intelligendum arbitror: aut, si ma-
mauis, de recentibus & lacteis, quæ etiam
sudores ac papulas mouent, & ob id au-
tumno insalubres putantur. Fit è cinere
ficus lixiuia, crematis ramorū fruticibus,
quæ eò melior est, quòd sæpius iteratur &
veterascit. Hæc, vt tradit Dioscor. viceri-
bus quæ gágrenæ vitio periclitatur mul-
tùm prodest, necnon iis consumédis, que
nimìum excrescunt: vsus erit ex spongia
eo liquore imbuta, & subinde apposita.
Salubriter cùdem etiā perlinuntur gran-
des & cuniculosi sinus: nam glutinat, car-
ne replet, astringit, abstergit, ac oras hiā-
tes committit, nō secus atque emplastra
quæ cruentis vulneribus admouentur.
Dissoluit præterea sanguinem in ventri-
culo coagulatum, si cum pauco oleo bi-
batur drachma vna. Sed pulchrum erit
Galenum audire de ficuum facultatibus

*Ficus recen-
tes autumno
insalubres.*

*Lixiuia fi-
cus ad gan-
grenas &
sinus cuni-
culosos.*

Q ij

hunc in modum differentem. Tametsi
 ficus minùs gignant praui succi, quàm
 cæteri omnes fructus, non modò fuga-
 ces, sed etiam autumnales, non tamen
 vitium prorsus effugere potuerunt. Et
 cùm autumnales fructus omnes exiguū
 corpori alimentum præbeant, minimè
 ficubus id v̄su venit. Carnem tamen
 non compactam, neque firmam gene-
 rant, ceu panis & suilla caro, sed turgi-
 dulam, subinanem & fungosam, velu-
 ti fabæ. Cæterū, extergendi facultate
 pollent, cuius gratia nephritici post illa-
 rum vsum arenulas multas excernūt. Ca-
 ricæ, seu ficus passæ, multiplicem vtilita-
 tem habent: si quis tamen largius esita-
 uerit, ab eis offendetur: nam sanguinem
 non admodum probū gignunt, quapro-
 pter pediculorū quoque agmen eas co-
 mitatur. Fit ex ficubus, ruta & nucibus,
 celebris illa Mithridatis antidotus cōtra
 venena & pestilentem auram, de qua su-
 periùs in ruta. Hîc mihi omittendū non
 est, quòd si bubulis carnibus fculnei re-
 misceantur cauliculi, efficient ut magno
 lignorum compendio celeriter illæ per-
 coquantur, Plinio autore: quod multi

*Quā gignat
carnē ficu.*

*Nephritici,
venena &
pestis.*

*Pulcherri-
ma et nota-
tu digna.*

etiam caprifico tribuunt: quā Columella tradit decoctam, & alitibus atque gallinaceis cum cibo exhibitam, ficorum fastidium illis creare, quorū alioquin sunt appetentissimi. Tradit præterea Africinus ex Græcis geoponicis vñus, & idem celebris, lac igni tepefactum, & fici ramulo motum, statim coagulari & concrescere. Quod etiam præstabilitur succo in lac misso, qui ex vulnerato fici cortice stillare solet: aut lacte ficuū satiuarum, sed nō sylvestrium. Penè mihi excidebat, quòd fici crematæ, perniones ac porriginæ cū cerato emendant. Et lac ficus ictui scor-pionum illitum, salutare est. Hīc finē faciebam cùm duo prodigiosa naturæ miracula mihi in mentem venerūt, nequam tacenda, aut dissimulanda: & si parum ad medicas ficuum facultates attinere videantur. Vnum est, tauros quālibet indomitos & feroces cicurari, & immobiles acquiescere, si fculneæ arbori alligentur. Quod etiam caprifico illorū collis circūdatæ ascripsisse mihi videtur Plinius. Alterum est, alitum & cæsorū animalium carnes, perquām celeriter tene-scere & fragiles effici, quæ de ficu pe-

Perniones,
porriginæ,
& ict^o scor-
pionum.

Taurorum
cicuratio.

Q iij

*Quomodo
carnes citò,
ac facilè te-
nerescant.*

pēderint. Rationem in Symposiacis red-didit Plutarchus. Cū inter obsonia Ari-stionis, inquit, coquus immolatum Her-culi gallinaceum gallum recentem, tene-rum ac penè friabilem obtulisset, tam ci-tam teneritudinem fico referebat Ari-stion, contendens iugulatas aues, etiam præduras, teneritatem induere, si pensi-les fico adhæserint. Nec temerè, nam au-ram, halituosam & digerētem expirat fi-cus, qua carnes concoquuntur & tenere-scunt. Idem etiam continget, vt id obiter admoneam, si tritici aceruo obruantur, aut penitus demergantur. At de ficu sa-tis. Sed, ô me iterū & tertio obliuiosum! nam silētio ferè obruebā, quod ille idem Plutarchus celatum noluit: quid illud? Equos & asinos linqui animo, qui ficos dorsuarij comportarint. Verumenimue-rò maiore miraculo dignū est remediū, quo & ipsis, & hominibus quoq; succur-ritur. Exanimata penè iumēta, & prope-modum extintos virium deliquio ho-mines, oblatus panis reuocat: nam si vel pauxillū vorauerint, protinus à cibo se-sē recolligūt, roborantur, ac pristinum iter iucundè persequuntur.

*Panis mira
energia in
virium deli-
quia.*

Olea & eius fructus, cum medicis auxiliis utriusque. A.R. xiiii.

GALLICVM vulgus Oleā Oliuerum nūcupare solet: quā pauci ignorāt equitum turmas olim coronauisse, & minoribus triūphis ouantes illustrauisse. Huius rami gestati, indicium pacis fuerunt: ex quo à poëtis iusto epitheto pacifera dicitur. Sed, ô dolor! nobis non tam licet esse beatis, vt hanc arborem verè aureā, septentrionalibus hortis & agris nostris videre possimus, & ex ea fructus vberes percipere: inscrutabili Dei Opt. Max. cōfilio, qui oībus omnia non dat, sed quod bonum atque vtile nouit. Neque tamen ob id laborem detrectabo, vt quā de illa & eius baccis ac oleo scitu digna à medicis cùm priscis, tum recētioribus cognoui, & meo multorūmque experimento didici, candidè ac ingenuè (vt omnia) in medium proferam. Venio itaque à verbis, quod dicunt, ad rem. Oleæ folia præmansa, & ulceribus admota, summū ad- ferunt auxilium. Decoctum eorundem cū melle, sanguinis profluua cohabet, tā sumptum, quād adpositū: crustas insuper emarginat, & cicatrices delet. Succus

Olea quoniam pacis nuntia.

ulcera, sanguinis profluua, crusta, cicatrices, oculi & delachrymationes.

Q. iiiij

ab his expressus carbunculantibus circa oculos viceribus ac pustulis, procidentique pupille, & antiquatis delachrymationibus mirè auxiliatur. Exprimitur autem tusis foliis, & affuso vino albo cum aqua cœlesti. Qui, si visum fuerit, in pastillos & offulæ ad Solem resiccati poterit, & in usum opportunū seruari. Vuluæ admotus in vellere, pessarij modo vel aliter, menses immodicè fluentes sistit: estque ignibus sacris, & viceribus quæ serpunt summè vtilis: necnon auribus, siue vleratæ fuerint, siue purulentæ. Liquor ex accenso recenti ligno stillas, lichenas, furfures, psoras, & manantia vlcera curat. Cortex è radice quātenerimè derasus, crebro gustatu & illinctu ex melle rosa-CEO, sanguinem excreatibus, & suppurata tussientibus, miraculo quodā medetur: eiusdémque cinis cum axungia tumores discutit, & fistulis vitia detrahit. Hæc de arbore ex Dioscoride, Plinio & Galeno: nunc de fructu paucis dicendum. Oliua flava & recens, stomacho vtilis censetur, sed ventri difficultis: nigra & matura corruptioni est opportuna, & proinde caco-stomacha. Recens cibi modo per se man-

*Menses, ignis
sacer, vle-
ra, aures, li-
chenes, fur-
fures, psora.*

*Sanguinis
excreatio,
suppurati,
tumores &
fistula.*

ducata antè quām conditatur, præclarum
habet vsum: nam arenosæ vrinæ opitula-
tur, dentibúsq; attritis, aut cōuulsis sum-
mè prodest. Olearum succus è muria, col-
lutione gingiuas comprimit, & dētes la-
bascentes, infirmos, ac cōmotos stabilit.
Nucleorum pulpa cum axūgia & farina,
scabris vnguibus cōmodissimè illinitur.
Quod ad oliuarium liquorē attinet, vul-
gō *Oleum* & *Oliuum* nuncupatum (quo
nullus à vino preciosior succus esse solet
in vniuersa rerum natura) hæc à me in
præsentiarum accipies. Receptum cōfes-
sūmq; est apud omnes rei rusticæ & me-
dicæ doctores, Pœnos, Arabes, Græcos &
Latinos, oliuarium oleum recēs, & mini-
mè vitiatum, ad corporis & virium repa-
rationem, conseruationēmque, foris ad-
hibitum valde conferre. Quod celebri
Pollionis Romuli exēplo docetur. Hunc
enīm cēntesimum iam annum exeden-
tem, vt autor est Plinius, cū D. Augustus
hospes interrogasset quanam ratione vi-
gorem illū animi, corporisque maximè
custodisset? Intus (respondit) mulso, &
foris oleo. Id quod à Democrito potuit
didicisse, vt Diophanes, in suis tradit

Vrina are-
nosa, dentes
attriti, gin-
giue & sca-
bri vngues.

vires recētis
olei oliuarij.

Historie
pulchre et
notatu di-
gnæ.

Græcis Georgicis. Nam cùm rogatus es-
set, quonam modo homines viuere pos-
sent inoffensa valetudine, & animi cor-
porisque statum in columem ac vegetum
diu seruare: Si externa corporis (inquit)

*Oleum ad-
versus frigo-
ta præstan-
tiss. esse.*

oleo, interna verò melle præmuniāt. Va-
let itaque olium ad corporis & virium
conseruationem, nec non contra algores.

Quod cùm intelligeret magnanimus ille
& incōparabilis Annibal (Romanorum
terror quondam nuncupatus) in alpium
trāsitu, militum suorum corpora, aduer-
sus niuales iniurias & rigentem aërem,
oleo præmunienda imperauit. Quod

vnum à frigoribus homines vindicare, &
gerendis rebus corpora habiliora redde-
re prudenter nouerat. Si introrsum reci-
piatur, de recenti loquor, ventrē durum
emolliet, ac venena hebetabit, & ea vo-
mitationib⁹ statim excludet. Si cum succo

rutę calidum hauriatur, tormina illico se-
dabit: & ileosis vtilissimè infundetur,
quos tenuioris intestini morbus tentare
solet. Faciem expurgat, & bubus per na-
res infusum, donec ructent, inflationem
mitigat. Reliqua oliuarij olei præsidia
(ne sim lōgior) omitto, vt ad eius amur-

*Venter, ve-
nena, vomi-
tiones, tor-
mina ileosi
& facies.*

cam veniam: cuius usus olim rusticis fuit frequens. Nihil autem aliud est amurca quam, expressæ oliuæ sanies, aut fidens eius retrimentum: quod super omnia miris viribus esse dixit M. Cato: ex quibus hic nonnullas docebimus, maximè quæ ad hominum vel animalium usum pertinebunt. Boues qui cibum fastidiūt, cupidè illum appetēt, si eorum pabulum amurca respertas: ita enim curati, corpore pulcherrimè valebunt: & si quis aderit morbus, abigetur. Si eadem quadrupedes & detonsas oues, cum aqua ubi lupinus defrebuerit illinantur, sic ut biduum vel triduum desudent, deinde aqua salsa lauentur, neque scabréfient, neque rici- ni erūt molesti. Hæc rustica nobis fusiùs alibi explicanda, ulterius non procedēt.

Tria supersunt œconomica verius quam medica. Primum est, Cōdita vestimenta in armariis quæ fundū habuerint amurca illitum & resiccatum, nullo modo à tineis contingentur ac derodētur. Secundū, Lignea supellex quam amurca deterferis & expoliueris, coloris gratiā ac splendoris elegantiam miram contrahet. Tertiū, Ligna eadem amurca macerata, aut

Quid amurca, et quibus proficit.

Tria pulchra & notata summe digna.

delibuta, nullo fumi tædio exardescerent.
Hæc de olea & pomiferis arboribus satis
erunt, ut nuciferis suum demus locum.

HORTI MEDICI CAMPVS

OCTAVVS, ARBORES NVCIFERAS & earundem fructus, areolis quinque distingueens.

Iuglans & eius nux, cum utriusque medicis auxiliis. AREA I.

Iuglandis
nomencla-
tura et eius
ratio.

IVGLANDEM prisci Grāmatici idem esse voluerunt, ac si diceres Iouis glandē, interlisis literis. Quo nomine, non procul à primo mundi æuo, ita appellatam fuisse nucem plures tradūt. Quippe cùm homines diu glandibus vicitaffsent, inuenta tandem arbore quæ nuces ferebat, degustato nucleorum tam suaui sapore, illico nuces, Iouis glandes, ob præstātiā & excellentiam riuncupauerunt. Grammatici posteriores à nocendo nucem dixerūt: quòd graui foliorum odore in cerebrum penetrante, & vimbræ suæ prauitate, iis noceat, qui sub eius arbore dormierint, aut diu steterint. Nulla est arborum, post cerasum, quæ vel faciliùs, vel

meliūs proueniat, quàm nux, quod de se
apud Ouidium, sic querula testatur,
" Sponte mea facilis contempto nascor in agro:
" Pársque loci quà sto, publica penè via est.

Gallis Noierus vulgò dici solet: cuius vmbra satis omnibus, Plinio teste, nouerca
veriūs quàm nutrix habetur: nam quæcunque attigit, haud dubiè venenat, &
sua lædit præsentia: ob id in hortis, ac
agris, cœu inutilis & noxia extremis parti-
bus plantari ac locari solet: quemadmo-
dum apud eūdem Nasonem, illa de se te-
stimonium hunc in modum perhibet.

" --quoniam fatalædere credor,
" Me quoq; in extremo margine fundus habet.

Sed omissa arbore, veniamus (si placet) ad eius fructū, quem duplici munimento & inuolucro tegi, nullus est qui non videat: herbaceo primūm cortice, mox ligneo putamine, cōpactili carinarum loculo, & tenui tunica intus armato: quot modis fœtus in parente solet contineri, sicuti ingeniosè scribit Plinius. Quæ causa nuptiis religiosas fecit nuces, olim à Regibus è Perside translatas, & ob id basilicas ac Persicas nominatas. Heraclides Tarētinus petere solebat, primā ne men-

*Nucis pro-
uentus fa-
ciliſ.*

*Nucis inge-
niosa descri-
ptio, & cur
nuptiis di-
cate sint.*

*An primo,
postremōne
cibo sumēda
sint nuces.*

*Nuces coētu
difficiles et
capitis inimis-
ce.*

*Recentium
vaccum et
siccariū na-
tura, necnō
torrefacta-
rum.*

sa an summa, nuces offerri debeant. Sanè, si postremo cibo (vti mos est) exhibeantur, bibendi desiderium proritabunt, potusque auditatem molientur: quo ferulis insinuatæ, distēto iam iam vētriculo & refertis interaneis, disturbante impetu & grauitate, flatus ac inflationes facile excitabunt, & cibos corruptionis labē vitiabunt: propterea q̄ illis ob oleaginosam substantiam quādam insita est enatandi facultas, quæ coctioni parum cedit: vnde cruditates oriūtur, & alui intēstiuæ deiectiones. Diphil⁹ Siphnius hinc capitis dolores ciere, & reliquis cibis extare dixit. Cui subscribit Diocles: additq; sagina sua strigosos ad crassitiem reducere, modò ab illorū stomacho probè vincantur & coquantur. Vt vt fuerit, recētes parcè & opportunè sumptæ, stomacho iucundiores esse solēt: siccæ verò nocentiores, biliosæ, concoctu difficiles, & capitis dolorem (si profusè assumātur) conciliantes. Sunt præterea tussientibus inimicæ, sed vomiturientibus ieunis aptæ. Torrefactæ, minùs negotium corpori faceſſunt: quo modo Mnēſitheus Atheniensis edendas præcipiebat, depa-

sta ab igni & calore, superflua earū oleacitate. Cum cepa, sale & melle tritæ, canū, hominūmque ac venenatorum morsui auxiliantur: & cum exiguo melle ac ruta, mammarum doloribus, inflationibus, ac luxatis partibus optimè apponuntur: & cum suo cortice crematæ ac vmbilico admotæ, tormina efficaciter discutiūt. Quæ peruerteres sunt, gangrænis, carbunculis & suggillatis perbellè medétur. Nucleorum combustorum cinis ex vino subter inditus, fœminarum fluentes plus æquo purgationes cohibet. Idem nuclei commansi, & ex ore protinus impositi, areas capitis, pilo celeriter replent: modò id sepius iteretur. In teinesmo ad extrahendam pituitam magna eduntur efficacia. Addo quòd vestigia verberatorum, aut percussorum, vibicésque flagellatorū facile obliterabuntur, si succo corticis recentium nucum illinéatur. Qui si ex paucō melle coctus fuerit, vitiis oris vtilissimum adferet remedium, necnon ad vehementes tonsillarum inflammations, ac suffocatus. Lixiuim ex corticibus, capillum denigrat & infuscat. Sed celeberrimum illud Mithridatis alexipharma-

Morsu, mā-
me, luxata,
tormina, gā-
grene, car-
bunculus et
suggillata.

Fœminarū
purgatio-
nes, alopecia
et teinesmo,
verberati,
percusi, fla-
gellati, tosil-
la, suffoca-
tio, capillus.

cum, de quo in ruta scripsimus, hīc paulò
fusiùs ex Plinio rursum recitare iuuabit.
In sanctuariis (inquit) Mithridatis maxi-
imi Regis deuicti, Cneus Pompeius inue-
nit in peculiari commētario manu ipsius
descripto, cōpositionem antidoti ē dua-
bus nucibus siccis, fics totidem, & rutæ
foliis viginti simul tritis, addito salis gra-
no: quam, qui iejunus sumpserit, nullum
venenum eo die formidabit. Plinio sub-
scribunt Q. Sereni, poëtæ & medici anti-
quissimi, versus, quos eam in rem erudi-
tè, vt omnia ad hunc cecinit modum:

Mirabilis et
præstantissi-
ma Mithri-
datis anti-
dotus cōtra
venena.

*Antidotus præstas, multis Mithridatica fertur
Consociata modis, quam Magnus scrinia Regis
Dum raperet victor, vilem deprendit in illis
Synthesin, & vulgata satis medicamina risit:
Bis denum rutæ folium, salis & breue granum,
Iuglandesque duas, terno cum corpore ficas:
Hæc oriente die, parco conspersa Lyæo,
Sumebat, metuens dederat quæ pocula matri.*

Aduersus
pestis conta-
gia præstas
alexiphar-
macon.

Prodest eadem antidotus miribili suc-
cessu, aduersus grassantis pestis contagia,
yt testes mihi sunt multi cùm noti, tum
ignoti, qui præstantissimo hocce alexi-
pharmaco, per magnas & deploras pe-
stilentias, me admonente & præscribēte,
ē mediis

è mediis manibus tam sœui & metuendi hostis erepti fuerunt. Hoc loco nō omittam, quòd virides iuglandes, sub finem Iunij, antequam putamina obdurescant, saccharo aut melle conditæ & asseruatæ, stomacho vtiles, ac ori perquā gratæ habentur. Quin & ex iis stillatitia fit aqua ad multa salutaris, præsertim ad abigēdas tertianas febres. Gargilius Martialis in libris *καπτερικῶν*, siue hortensium, quos illi Virgilianus adscribit Seruius, asserit se expertum, quòd nuces post annum virides inuenientur, si liberæ putaminibus suis melle demergātur: additq; mel illud ita medicabile fieri, ut ex eo concinnata potio faucibus & arteriis medeatur. Duo à fidis amicis mihi nunciata, & illorū crebris experimentis cōfirmata, priscorūmque libris descripta, hīc nollem prætermissa, & tibi denegata. Vnum est, si proba nux vetus diligenter teratur, & horis aliquot demorsæ parti à rabido cane eo- dem die superponatur, postea tollatur, & famelicæ gallinæ, vel gallo obiiciatur, si vorauerit & non moriatur, signum erit canem qui momordit, rabidum non fuisse: si verò iacturam vitæ patiatur, signifi-

*Mel nucatum
faucibus &
arteriis me-
dicabile.*

*Signa morsi
à cane ra-
bido.*

R

cabit haud dubiè canem rabie actū fuisse.
 Quare, post tres dies, quod summum est,
 ad citam & exactā curationem properā-
 dum erit: alioquin de incurabili νοσοφο-
Sugillata,
gangrane,
azylops 
carbunculus.
 cia timendum erit. Alterum tibi cōmu-
 nicandum est, quod rancida nux suggil-
 lata efficacissimè delet, si flamma leniter
 exuratur, aut candenti ferro ita compri-
 matur, ut oleum reddat ad id præstantif-
 simum. Quid vis amplius? Dum hæc de
 nuce scribo, & pagellas meas in quibus le-
 gendo semper aliquid adnotare sum so-
 litus diligenter excutio, fortè fortuna in-
 cido in antidotū Mithridatis è nuce, cu-
 ius paulò antè facta fuit mētio: sed quam
 Rases medicus Arabs fertur emēdasse, &
 ad Almansorem Sarracenorum Regem
 misisse. Huius itaque germanam descrip-
 tionem sic habeto. Accipe nucū vetera-
 scientium, & à putaminibus ac interaneis
 purgatarum, partem vnam: salis & folio-
 tum rutæ, ana sextā partis vnius: ficuum
 in aceto aut vino maceratarum, quātum
 ad prædictorum commisionem sufficit:
 accuratè tritis & cōfusis omnibus fiat an-
 tidotus: cuius usus per se esto ad magni-
 tudinem vernaculae auellanæ, superepo-

Mithridatis
 antidotus
 contra ve-
 nena, ex Ra-
 se ad Regem
 Sarraceno-
 rum.

to vini albi momēto, si videtur. Dici non potest, quāta sit alexipharmaci huius efficacia, nō dicā contra venena, sed etiam pestis nocentissima quæuis contagia. A quibus omnium seruator nos seruare dignetur.

*Amygdalus & eius fructus, cum medicis
utriusque auxiliis.* A.R. II.

ARBOR Amygdali tam est nota apud omnes, vt nihil notius esse possit: cuius ea fertur esse natura, vt in senio fœcūdior sit, quām in iuuēta, & sola minūs ferrax habeatur, quām sociata. Nuculas ei⁹, amygdalas nuncupatas, gemino (vt iuglandes) operimento tegi nullus est qui non videat: puluinati primūm calicis, mox lignei putaminis multos scarificat⁹ admittētis, & in rimulas varias dehiscens, cui solidus subest nucleus, in quibus dam dulcis ac iucundi gustus, in aliis verò amari & ingrati: sed qui ebrietatem arceat, Plutarcho autore, cui⁹ hæc sunt verba. Fuit apud Drusum Tiberij Cæsar is filium, medicus quidam amaras amygdalas comedere solitus, qui omnes bibendi certamine prouocabat, neminique in ea palæstra cedebat. Is tandem deprehēsus

*Amygdalas
rum descri-
ptio & pi-
ctura ele-
gans.*

*Amaras
amygdalas
ebrietatem
arceat, et
quomodo id
fiat.*

R ij

est, antè quām biberet, quinas senāsue
comesse, quō minūs temulentia tentare-
tur. Porrò cūm deuorare vetuissent cō-
potores eius bibuli, ne pauxillū quidem
in huiusmodi certamine resistebat. Plu-
tarcho subscribit Athenēus, causam ama-
ritudini tribuens, quę resiccat & humidi-
tatem depascit, nec sinit venas impleri:
quarū distentione & perturbatu, temu-
lentiam contrahi volūt, effluuiis calidis,
& fumosis nebulis obsessa mentis arce.
Huius rei argumentum euidens esse po-
test, quōd vulpes amarorum pastu, atque
adeò amygdalarum (vt idem refert Plu-
tarhus) certò moriantur, si non contin-
gat è vicino aquam lambere, interno hu-
more affatim ab his exuēto. Quod &
Dioscorides & Plinius etiam testatū re-
liquerunt. Mnesitheus Atheniensis eo in
libro quem alimētis dicauit, omnem cu-
iusque generis nucem, quę ignem exper-
ta non fuerit, cibis abdicandam præcipit,
exceptis recentibus amygdalis. Sed aliās
torrefieri, aliās verò incoqui iubet, vt
ignis illarum pinguedinem absorbeat
& ebibat. Vitiis pulmonum & renū ex-
aqua potæ succurrunt, & illinētu cum re-

Amaras
amygdalas
vulpes le-
thales esse.

Pulmo, re-
nes, calculi,

sina terebinthina calculosis medentur, ac
difficili vrinæ in passo tritæ auxiliantur.
Gummi ex arbore stillans, spissandi viri-
bus pollet, ac cruetis excretionibus opi-
tulatur: adhæc summæ cutis impetigines
ex aceto illitum rapit, & funditus abolet.
Amaræ amygdalæ excorticatæ, tritæ, &
linteolo inclusæ, si in muliebre pudendum
mittantur, vterū à corruptis humoribus
potenter vindicat, & repurgant. Si in vi-
no teratur, & eo caput lauetur, illius fur-
fures amoliuntur. Si integræ vrantur, &
acri aceto macerentur, postea contudan-
tur & capiti illinantur, alopecia & ophiasim,
ex Galeni sententia, curant. Si aceto
infundantur, teratur, in pastillos cogan-
tur, & in umbra siccentur, summè prode-
runt ad varos delendos, & obliterandas
pustulas paruas in facie, quas Græci ἄρδες
nuncupat. Quod fiet, si quoties usus po-
stulauerit, aceto dissoluantur, illinantur,
& facta resiccatione, cum sapone abstergantur.
Proderit etiam res ea ad pruri-
tus, scabiosas impetigines, & prætumidas
faciei dispositiones, quæ sunt veluti præ-
ludia ad elephantiasim. Sunt olea ex utri-
que amygdalis expressa, quarum faculta-

Vterus, fur-
fures, alope-
cia, ophiasis,
varis, ion-
thi, pruritus
et impetigo.

R iii

tes satius duxi omittere, quam paucis describere, suum locum alibi per occasionem illis daturus.

Pinus & eius fructus cum medicis auxiliis utriusque. AREA III.

SIC VTRI pineas nuces Græci, ut testatur Galenus, conos ac strobilos appellarent, ita earū nucleos Hippocrates coccalos nūcupauit: vnde facta fuit alticoccali nomenclatura, ut in cinara, seu altili carduo superiùs admonuim⁹. Nuces istæ in sua arbore altissimè à terra suspēsa, intus exiles nucleos, lacunatis toris & ferruginea tunica vestitos contegunt: qui nisi purgati fuerint, durare non possunt. Contendunt tamen aliqui illos cum suis testis in vasis fictilibus nouis, terra oppletis conseptos, rectè custodiri posse. Arboriugandi contrariam habet naturam, nam prodesse creditur omnibus quæ sub ea feruntur. Nuclei & si ægrè cōcoquuntur, nihilominus corpus perbellè alunt, nisi humorem crassum gignerent. Sitim sedant, stomachi acrimoniam, rationēsque leniunt, virium infirmitatem roborant, & renibus ac vesicæ utiles ha-

*Nucis pinee
descriptio
pulcherri-
ma.*

*sitis, stoma-
chus, vires,
renes, resi-*

bentur. Fauces tamen videntur exasperare, & tuſſim irritare, licet bilem expellant, ex aqua, vino paſſo, vel balanorum decocto poti. Contra vehemētes ſtomachi roſiones, iis miſcentur cuclumeris ſemina, & portulacæ ſuccus: necnon ad veſicæ & renum vlcera, quoniam vrinam crient, ac eius acrimoniam hebetant. Hu-mores qui putrendo coierunt in ſtoma-chō facile retundunt: & fi recentes ex ar-bore, in paſſo cōterātur, ad tabem & tuſſim veterem vtiliter coquūtur, vt liquor per ſingulos dies bibatur. Hinc nimirum tradiderūt autores grauifimi, pineas ſyl-uas quæ picis ac resinx gratia raduntur, tabidis vtiliſſimas eſſe: & iis qui lōga va-letudine vires non recolligunt: adeò vt illum cœli aërem plus quam nauigatio-nem Ægyptiā, aut lactis cuiusuis potio-nem medicatam, conferre dicant. Sed de-nuce pinea ſatis: nam rara quoque in no-ſtris ſeptētrionalis Galliæ hortis ſpectat.

*Corylus & Auellana eius fructus, cum
medicis vtriusque auxiliis.*

A R E A I I I I .

AVELLANAE nuces ex ea ſunt arbore quæ Corylus dicitur, & in multorum

*Auellana
descriptio &*

R iiii

*eiusdē pro-
uentus ma-
gnus.*

*Oblongae &
rotundae auel-
lane.*

*Auellanarū
variae no-
menclature.*

*Facultates
auellanarū.*

hortis frequens hodie conspicitur. Hæ molli primū caliculo teguntur, mox lignoso quidem, sed fragili putamine, cui tenuis subest membrana rotundum nucleus obuoluens, in cuius umbilico peculiaris alter includitur. Gallicani montes, præsertim nemorosi, coryletis adeo vestiuntur, & auellanis oblongis ac rotundis tanta scatent vberitate, ut plenis saccis rura in vrbes comportent. Oblongas præstantiores & gustui gratiiores esse constat: maximè quæ putamine & intiore tunica vheméter rubent, suntque fractu minimè contumaces: nam vegetiore sunt nucleo, ac diu perdurant. Sunt in magna nominum ambage nuces istæ, primū auellinæ patrio nomine vocatae, ac si diceret abellinæ, ab Abellino Campaniæ oppido (ut volunt Grammatici) vbi abundare cœperunt. Appellantur etiam Ponticæ, quod è Ponto in Asiam & Græciam venerint, ut tradit Plinius. Dicuntur præterea Heracleoticæ, Prenestinæ, & Leptocarya Græcis. Rura Gallica Nucellas, Coryelos & Auellanæ nuncupant. Quod ad facultates attinet & medica auxilia, Galenus eas plus essentiæ

terrestris & frigidæ habere contendit, quām iuglādes: adhæc plus alimenti præbere, nam densiores sunt, & minūs pingues. Philotimus libro quem alimentis dicauit, dolorem capitis ciere scripsit, sed iuglande minūs: cibis præterea extare ac innatate dixit; si tamen ignem expertæ fuerint, innocentiores reddi: quòd torrento noxia pinguetudo tollatur. Faciūt itaque dolorem capitis immodicè ac intempestiuè sumptæ, aduersanturque stomacho, quem inflationibus distendunt.

Alopecias pilo vestiunt, modò axungia, vel vrsino sæuo excipientur: medentur præterea distillationi, si tostæ fuerint. In aqua mulsa tritæ, veterem tussim haustu leuant: & cum modico pipere tostæ, deinde contusæ, & ex eadem aqua potæ distillationes concoquunt, ut scribit Diodorides. Alij è passo bibendas censem: sūntque autores nōnulli, cæsiorum oculorum pupillas infantibus denigrari, cinere putaminum auellanarum ex oleo sincipi cōsperso: adhæc pinguedini conferre, & præter fidem corpulentiam augere. Diocles inter Græcos geponicos celebris, posteritatis memoriarē mādauit,

Alopecia,
distillatio,
tussis, pupil-
la &/ pin-
guedo.

nucem auellanam minùs amygdalis ale-
re, ac cibis (vt diximus) extare: quæ si lar-
giùs estur, caput tétabit: viridem tamen
arida innocentiorē esse promisit. Sed
hoc loco non est omittendum quòd sim-
Duo pul-
chra Et sum-
me notāda.
plex rusticitas obseruauit, serpentem ob-
torpescere quæ coryli caudice, vel surcu-
lo icta fuerit, ac tādem emori. Addit Plu-
tarchus, scorpium in domicilia nō obre-
pere, quoties coryli nucula laquearibus
appensa cohærebit. Horum veritas facili
experimento elucescet.

*Castanea arbor, eius fructus, & medica vtri-
usque auxilia.* A R E A V.

ET S I Castaneæ potiùs agrestes & mō-
tanę censeantur esse, quàm hortenses
& vrbanae, videanturque classi pomife-
rarum arborum verius quàm nucifera-
rum ascribendæ, de illis nihilominus bre-
uem postremo hoc loco narrationē ideo
institui, quòd per hyemem tam diuitū,
quàm pauperum mensas vbique onera-
re soleant, & nucis nomine apud scripto-
rum genus omne passim donari ac illu-
strari: quanquam accommodatiùs glan-
dium ordini accenseri possent, vt Grēco-

Cur casta-
neas mōta-
nas nō hor-
tenses hic
auctor descri-
bat.

rum nonnullis visum fuit, qui castaneas
 dīos Bælāv̄s, hoc est Iouis glandes dici vo-
 luerunt: cūm tamen iuglandis, aut, si ma-
 uis, Iouis glandis appellatio, nucibus re-
 giis (quas basilicas nūcupant) aptiūs con-
 ueniat, ob causas nobis in iuglande supe-
 riūs productas. Sed hæc Grāmatico, non
 medico discutienda erāt. Duplices apud
 nos visuntur castaneæ, altiles quę multo
 maiore corporis tuberculo constant, &
 vulgò *Marones* appellari solent: q̄ inter
 castaneas veluti mares habeantur, quos
 in omni rerū genere (vt tradit Galenus)
 fœminis habitiores esse cōstat. Aliæ mul-
 tò sunt minores, reputatūrque vt fœmi-
 næ: vnde maronibus, seu maribus casta-
 neis lōgē inferiores & macilentiores esse
 spectantur. Illæ, lautiores diuitū men-
 sas claudunt: hæ pauperum ieūnia satu-
 rant. Illas cineribus calidis torrent locu-
 pletes: has in aqua coquunt & elixant po-
 pulares, ad aidam eorum famem exsa-
 tiandā: ex quo populares & coctiūx Pli-
 nio nūcupantur. Verum enim uero priūs
 quām & hæ, & illæ igni credantur, ferro
 ad carnem vsque intra pediculū vulnera-
 ri debent: vt hiatu plagæ spiritus igne ci-

Castaneam
 quibusdam
 iuglandem
 dici.

Castaneæ
 duplices, ma-
 res & fœ-
 mine.

Cur ferro
 vulnerandæ
 sint casta-
 neæ, antè
 quām igni
 comutantur.

tatus erumpat. Alioqui magno crepitū, instar nubis tonantis, profiliunt: nō sine assidentium terrore & periculo. Sed hæc coquinam potius olen, quām medicinā. Venio itaque ad præsidia. Castaneæ tam alui quām ventriculi fluxiones Dioscoridi fistunt: idque tunica maximè, quæ carnem & corticem media intercurſat. Sicce sanguinē excreantibus valde proſunt; & cum ſale tritæ, mellēque ſubactæ, raborum canū morsibus utiliter imponuntur. Cum hordeacea polenta & aceto illitæ, mammarum duritias diſcutiunt: & recēter coctæ ac parcè piperatæ, ſopitam Venerem excitant, ob flatulētam humiditatem quaſcatent. Largiūs tamen ſumptæ capitis dolorem conciliant, inflant, aluum astringunt, & ægerrimè coquuntur, præſertim ab imbecillo ventriculo.

Quomodo
innocenter
ſumātur ca-
ſtanea.

Castaneas
nſus ſuſpe-
ctus.

Quæ tamen cineribus obrutæ torrētur, innocentiores reddūtur, maximè ſi cum ſale, ſaccharo, anifo, vel cinnamomo edātur. Sūt qui illis in vino maceratis, & cum farina ſubactis, pelli vice vtantur ad ſupprimendos menses. Sanè & ſi Galenus ſcripſerit castaneas plurimū nutrire, non tamen in cibis valde commendan-

tur. Nam siue elixæ, siue tostæ, siue etiam frixaæ fuerint, semper esitantibus noxam inferunt, multoque magis si crudæ edantur. Non sum nescius monticolas, vbi aliarum frugū annona deficit, per totam hyemem castaneis victitare, fumō priùs in cratibus exsiccatis, & ab utroque cortice spoliatis, necnō in farinam redactis, & postremò in panem coactis & coctis: aut ex lacte, vel iusculo in pulticulā conformatis. Quæ omnia eos bellissimè alūt, nec quidquam illis obsunt, propter assidas exercitationes, & salubrem aëris regionem quam inhabitant.

*Castanearū
vſus, vbi
aliarū fru-
gum anno-
na deficit.*

FACILIS ET POPVLARIS

OLEORVM MEDICATORVM CON-
CINNATIO, EX QUAVIS HORTENSI MATERIA.

DVM noster hic Alexikepus adhuc sub include esset, & ad umbilicos festinaret, medicinæ Candidati aliquot familiariter me inuisentes, audiē perlegerunt quod penes me erat de illo excusum. Id cūm valde probassent, sciscitari cœperūt, num quidpiam earum rerum ad calcem Opusculi scriberem, quæ popularibus & pauperibus scholasticis, ac aliis, ob fre-

quētem vsum cupidē expeti solēt: Quānam illæ sunt, inquam. Formula, inquiūt, ac methodus facilis cōcinnandorū oleorum medicatorum ex hortensibus materiis, & distillandarū aquarum ex illis met. Cūm respondissē me id operæ in aliud opusculum de industria reieciisse: Næ, inquiunt, absurdē facis, quando hisce rebus nullus tibi aptior locus dari potest corone Opusculi tui. Quare agè, M I Z A L D E charissime, inquiunt, manū huic tabulæ admouere satage, vt populares ac tenuis fortunæ hoīes eo desiderio leues : quorum gratia te hunc medicū Hortum maximè scripsisse professus es. Id me libēter facturū pollicitus, nunc demum, pro mediocritate mea, paucis exequi aggredior.

Variis modis fieri solent olea medica ta, & illis rerum virtutes infundi. Sunt qui per infusionem illa conficiant : Alij per coctionem. Qui per infusionē operantur, res quæ infundi debent nonnihil contundunt, maximè radices, semina & folia, si admodum crassa essent, ac pinguia, nam de floribus & stirpiū asparagis secus. Deinde in oleum (quod recens esse debet, ac salis expers, vel saltem

elotum) quidquid id est, sensim demittunt, ut vi sua & qualitate illud facilius inficiat, ac imbuat. Postquam ibi probè maceratum fuerit, quod xx, vel xxx, aut xl, & plurimum dierum spatio fieri solet pro rei cuiusque immissæ natura & corpore, tum demum excludunt, & oleum percolant, ac usui seruant. Qui diutinam illam rerum macerationem ferre nō possunt, eas partim oleo, igni lento ex semiustis carbonibus excitato, blādē coquūt, vel calentibus cineribus elixant: partim etiā tantum aquæ, aut vini, oleo iniiciūt, quantum coquendo possit vanescere, & in fumantem auram abire. Modus erit, si quadrupla, quintupla ue mēsura sit olei, ad vinū vel aquam. Illud ad affectus podagricos, articulares, & pituitosos, hæc verò ad alios accōmodari solet. Qui solertiiores sunt, hanc sequuntur methodū, ne intrusæ & remisæ materiae torreātur, & oleum vstitutionē odore præ se ferat. Alij rerum naturas & secreta penitiūs rimantes, oleum omne quod ad medicamenta usurpatur, in vase duplici cōcinnāt quod Galenus ἀγάνον θιαλάχη vocat, & alibi θιαλωμα, recentiores balneum Mariæ, cu-

iisdam, ut opinor, chymistidis. Quod fit
cum in lebete feruentē aquam recipien-
te, vitreum vasculū superficie tenus mer-
gitur, quod oleum & materias cōtineat.
Quæ inibi tribus diebus, plūs minūs, ma-
cerari ac elixari debent, & post tertium
diem blandè exprimi: ac rursum aliis re-
centibus infusis eodem in balneo, pari
temporis spatio, altera fieri maceratio &
expressio: debetque tandem opus prose-
qui, donec oleum amplissimas rerum ex-
ceptarum vireis sibi comparauerit. Qui
subtiliores sunt, ac vigilantiores, & rem
istam exactius ac fidelius exequi sat agūt,
vasa materias includentia, calentibus &
ebullientibus aquis non immergunt, sed
illarum vaporibus superponunt, coaptāt
ac suspendunt. Quod sanè vehementer
laudo, proboque. Nam hæc vera est via,
& certa medicatorum oleorum, nec non
distillandarū aquarum, ut mox dicemus,
methodus. Quam ingens lucri auiditas
non patitur pingues aliquot, & ignauos
Pharmacopœos amplecti: eos dico qui
crumenæ magis consulunt, quam ægrotan-
tium saluti: quæ maxima turba est.
Alia habetur concinnandorum oleorum
fabrica,

fabrica, per extorsionē & expressionem torcularium ad id accommodatorum, ut ex amygdalis, & aliis fieri solet. Alia insuper chymistica: de quibus hīc, ne gry quidem, quod dicunt, à me expectabunt populares ac rustici. Nam modus vterque, illorum otium, ingenium & artificium, ne dicam peculium aut h̄crediolum, longè ac latè exuperat. Ab oleis itaq; ad stilatitias hortensium aquas commodūm trāseo: vbi priùs monuero quòd olea facultates resipient earum rerum quæ illis remiscebuntur ac infundentur. Quare ad affectus quibus illæ medebuntur, tutò etiam accommodari poterūt, siue id fiat per linimenta, vnguenta, potiones, cataplasmata, vel clysteres. Quos etiam mulierculæ hodie componere, & iniicere nouerunt.

De medica hortensium distillatione, eaque populari.

De distillatione ab antiquioribus medicis intentata, & à recētioribus, variis modis excogitata, paucis hīc sum scriptrurus, propter paucum otium eorum, quibus hanc opellam ex animo deuoui,

S

rusticorum nimirū & populariū. Quos optarem, ita me Deus amet, potiūs vti suorum hortensium decoctis, quām stilatitiis aquis, plerunque adustis, ingratis, & nescio quid insuaue spirantibus. Si cui tamen ex eorum tribu illas sibi comparare visum erit, vt sumptui simul & tēpori parcat, cōsulo ac moneo vulgata & recepta vti stillandi consuetudine, quę fit per Alembicū, vt vocant. Sed id è terra probè cocta (qualis est Lutetiæ Bellouaca) fabricatum, potiūs eligendum censeo, quām plumbeum, cupreum, aut metallicum aliud quoduis, ob causas nobis alibi describendas. Non sum nescius prope modū infinitos esse modos alios: ex quibus vnum duntaxat in præsentiarum attingam. Qui mihi melior, vt de oleis diximus, ac facilior, cū doctiss. & excellētiss. medico Ioanne Manardo, semp̄ visus est. Huius operatio simili fit modo, quo Galenus iussit omnia vnguenta confici, in dupli vase, aut Mariæ (vt vocant) balneo. Ita tamen ne vasculi fundum in quo stillandæ materiæ continentur, aquam in maiore vase ebullientem attingat, sed solo vaporifero humore ab ea eleuato,

concalescat. A calore enim illo miti & blando, vapores ex plantarum substatiis exhalant, qui in aquam vertuntur, occursu pyramidis seu capitelli vitrei, quale hic cum sua basi desideramus. Aqua ad hunc modū excepta, vireis omnium partium plantarum suarum retinet, & præ se fert, sicuti ex odore & sapore colligere promptum est. Quod videant, obsecro, & in usum traducere incipiāt cordati & soler-tes Pharmacopœi: quos decet magis pietatem & humanam charitatem colere, ægrotantiūmque saluti consulere, quām lucro & quæstui turpiter inhiare, ac fumos, & plerūque cineres aut fauillas, pro aquis indignè vendere, irreparabili, ita me Deus amet, ægrotantium iactura, & medicorum, ea in re nihil peccatum, in-tolerabili ignominia. Opt. Max. ille IESVS CHRISTVS, sine quo est omnis herba, & omnis medicina, venenū, hisce im-posturis, & aliis nulla humana lege coēr-citis, finem quandoque dabit, aut saltem modum & moderationem aliquā impe-rabit. Cui soli sit honor, gloria, & gratiarū actio, pro nobis cōcesso fauore, in hac de-scribenda auxiliari omnium medicina.

S ij

HACTENVS quambreuissimè potui-
mus, sed non tam accuratè quàm vo-
luimus, medicas hortensium materias &
facultates, methodo, vt res ipsa poscere
videbatur, perspicua, facili & distincta,
perstrinximus, docere potiùs, quàm or-
nare contenti. Hoc potissimum cōsilio,
vt tenuis fortunæ hominibus, vrbaniis ac
rusticis, quò nos inuitat christiana chari-
tas, aliqua ex parte cōsuleremus. Quibus
quoties libet, non licet Medicos accerse-
re, aut inuisere, & à Pharmacopœis com-
posita medicamēta, vel alia, sumptu ma-
gno comparare. Prætereà, vt medicinæ
studiosis fenestram aliquam aperiremus
ad huiuscemodi auxiliares hortulos, pa-
triæ, parentibus ac amicis, vbicunque lo-
corum fuerint, describendos, colendos,
exponendos, & pro cuiusque facultati-
bus, elegantiùs exornandos. Si in id con-
silio rationes traducent suas, curabunt vt
vetus medicina, & priscus medendi usus,
ab omni impostura & suspitione alienus,
in apertam & desideratam lucem, veluti
postliminio, aliquādo redeat: magno sa-
nè, & indicibili posteritatis commodo.
Quod vt faciant hortor, peto, & efflagi-

to: Deumque votis supplicibus obsecro,
vt publici isti conatus nostri omnibus
prodesse possint. Quibus, dum licebit,
fruere, Lector, & fœliciter vale, tantisper
dum te breui reuisam, & libenter im-
pertiam reliquas partes rusticæ & popu-
laris medicinæ nostræ, pro quibus sub fi-
nem πελεγμάτων in hunc Alexikepum,
publicam tibi exhibuimus sponsonem.
Iterum vale, & nos sincerè amare, cona-
tibusque nostris ex animo, vt soles, faue-
re ac patrocinari perge. Id si feceris, spon-
te currentem, alacrius ire inuitabis.

FINIS ALEXIKEPI, HOC
EST AVXILIARIS ET MEDICI
Horti, nunc primùm diligentia AN-
TONII MIZALDI Mōluciani, Medi-
ci, publicæ omnium vtilitati expositi.

S iij

DIOCLIS CARISTII ME-
DICI ANTIQVISSIMI EPISTOLA
ad Regem Antigonom, detuenda &
reparanda cuiusque valetudine, per
sola hortēsium præsidia paratu facilia.

Diocles Antigono Regi bene agere.

*Antigoni
eruditio &
excellentia.*

*Similitudo
apposita.*



VANDO QVIDEM tibi,
ANTIGONE, maxima
omnium Regū est eru-
ditio, atque grandæua
iam çtas, omnisque phi-
losophiæ peritia, & ma-
thematics denique studij (quibus sin-
gulis clarus es) palma facile contigit: ego
regiam atque ideo tibi peculiarem esse
suspiciens, eam quoque philosophiæ par-
tem, quæ incolumitatē tueri docet, idcir-
co delineare & tuæ maiestati describere
hac nostra volui epistola, vndenam mor-
talibus ægritudines proficiscatur, & qui-
bus notis præcedētibus, diiudicentur: ac
quibus remediis illis succurratur. Quem-
admodum enim cœli tempestatem nun-
quam non signa quædam manifesta præ-
cedūt, quibus nautæ, ac cæteri multarum

rerum periti homines , quid agēdum sit,
quò tutiores euadant , colligunt : sic nūl-
lus prēter naturam affectus , hominis cor-
pus tentat , nisi certis præcedentibus no-
tis ac præsagiis . Tu itaque nostris hisce
præceptiunculis confisus , ea obuiis vlnis
fuscipere , & adamussim etiam obseruare
non grauaberis . Diducimus iam homi-
nis corpusculum in parteis quatuor , ca-
put , thoracem , ventrem , atque vesicam .

*Divisio cor-
poris in par-
tes quatuor.*

Cùm igitur olim quid morbi caput læ-
surum est , hæc portenta solent magna ex
parte præcedere , vertigo , dolor capitis ,
superciliorum grauitas , murmur auriū &
pulsatio tēporum . Oculi matutino tem-
pore lachrymantur & caligant : odoratus
hebetatur , ac dētium gingiuæ attollūtur .
Ergo cùm eiusmodi quiddam portenti
senseris , caput cōfestim vacuandum du-
cito : nullis sanè medicamentorum prēsi-
diis , verùm sumptis hyssopi aut origani
capitibus tritis , & in ollula ebullitis cum
passo , vel iuris semisextario , quibus os ie-
junus abluito , & quoad pituita deduce-
tur , gargarizato . Hoc quippe capitis affe-
ctionum facillimum est præsidium . Salu-
berrimum quoque fuerit sinapi ex aqua

*Præsagia
morborum
capitis.*

*Remedia
morborum
capitis.*

S iiiij

*Cautela
notatu dī.
gna.*

*Accidentia
neglectoriū
præsidiorum
capitū.*

*Signa mor-
borum tho-
raci immi-
nentium.*

*Præidia
morborum
thoracis.*

multa calida macerato, irrigatō ue, sobrium os colluere, & gargarizando è capite humorem ducere. Oportet autem caput ipsum antea tegmine quopiam calcare, quod liquefacta pituita sine impedimento effluere possit. Cùm hæc igitur quæ proposita sunt floccipenduntur iudicia & præsidia, eiuscemodi ferè morbi succedere consueuerunt: ophthalmiæ, glaucomata, auriū fissuræ, strumæ in cervice, cerebri tabes & στρακελισμός, coryza, raucedo, angina nocturna, vua, capillorum defluuium, ulcera capitis, & dētium cruciatus.

Cùm autem quidpiam mali thorax passurus est, his signis portenditur. Sudor quidā corpus vndique occupat, sed thoracem maximè: lingua crassescit, eiiciuntur per sputa vel salsa, vel amara, vel biliosa. In lateribus & scapulis dolores circa occasionem oriuntur, oscitationes crebræ fiunt: adhæc vigiliæ, suffocationes, si- tis, & ex somno, animi mœror: infestant præterea pectoris angustiæ, & brachiorum ac manuum tremor. Quibus nō imprudenter ad hunc modum succurritur. Imprimis vomitionem non crapulosam

à cœna, quoad fieri potest, ciere cōuenit
absque medicamine: profunt etiam vo-
mitus ieuni, à Græcis συεμασιοὶ nuncu-
pati. Cui igitur sic placet vomere, radiculas tenues, nasturtium, erucam, sinapi,
portulacam deuoret: deinde aqua tepida
hausta euomat. Qui dicta præfigia nau-
cifecerint, has affectiones metuant, pleu-
ritidem, pulmonariam, melancholiam,
febres acutas, phrenetim, veternū & cum
singultu faucium ardorem,

Si quis verò ventrem morbus occupa-
turus est, his signis præfigiri potest. Ven-
ter primò cōuoluitur, & in sese ipso per-
turbatur: esculenta cum poculentis ama-
rorem præ se ferre putantur: genuum est
grauitas, lumborum rigor inflexilis: uni-
uersæ molis corporeæ lassitudo, idq; sine
occasione: crurū torpedo, stupórque, &
exiles febriculæ. Vbi hæc portenta senseris,
venter nullo medicamento quidem,
sed victus ratione mollificandus est. Sa-
tiùs enim & lōgè tutiùs est iis vti, quibus
delinqui facile non potest: è quorum nu-
mero sunt beta aquâ mulsa incocta, allia
clixa, malua, rumex, mercurialis, & om-
nia melle condita: cuncta enim hæc alui

Incommoda
ex neglectio
præsidis
thoracis.

Præfigia
morborum
ventris.

Remedia
morborum
ventris.

deiiciunt sedimina. Quod si præfigiorum aliquod magis, magisque intèdatur, cnici liquorem omnibus decoctis infundito, suauior nanque & tutior est. Utilis etiam fuerit lœuis brassica in non exigua aqua elixa: cuius succus quatuor heminarrum mensura cum melle & sale potui datum profuerit: Ciceris aqua iejuno epota, eundem habet effectum. Hæc signa paruipendentibus huiuscemodi affectiones superuenire solēt: diarrhœa, dysenteria, lienteria, voluulus, coxendix, febris tertiana, podagra, apoplexia, hæmorrhoides & cruciatus articularis.

*Accidentia
ex neglectis
præsidium re-
ctis.*

*Præfigia
morborum
vesicæ.*

*Remedia
morborum
vesicæ.*

Quando autem vesicæ malū immincat his notis deprehenditur. Post exiguum cibum plenitudo infestare videtur: oboviuntur inflationes, eructationes, pallor vniuersi corporis, somni graues, lotia lurida & ægerrimè manantia, necnon circa pudēda œdemata. Cum apparuerint huiusmodi præfigia, suppetiis odoratis lotia impellentibus opem ferre conuenit: id quod sine periculo futurum est. Sunt igitur fœniculi, apiique radices in vino albo & odorato macerādæ, ac cyathi duo quotidie hauriendi (manè nimirum, &

vesperi) cū aqua dauci, smirnij, vel enulæ campanæ, quodcunque horum ad manum sit: iuxta enim singula iuuant. Cicерum quoque maceratorum aquam si cum vino potauerit ægrotans, idem consequetur. Qui verò dictas notas negligenter præterierit, hos morbos expectet, hydropem, lienis tumorem, hepatis dolorem, λιθίασιν, nephritim, stanguriam, ventris distortionem & tormenta. Ceterum, in omnibus his signis quæ hactenus proposuimus, infantibus & iunioribus quidem medelas clemētores, grandioribus verò natu, efficaciores exhibebimus.

*Accidentia
ex neglectis
presidiis re-
sice.*

* * *

Paucula restant in Græco exemplari de seruanda victus ratione per quatuor anni partes & tempestates. Quæ consultò omisimus, quòd ad nostra tempora, climata & temperamenta parum respondere agnosceremus.

*

LECTORI.

Duo sunt, Lector optime, quæ hic te scire maximoperè velim, ut sequenti Indice commodè vti possis. Prius est, me multa sub vna nomenclatura, veluti in fasciculū de industria concieisse, ne nimium turgeret Index. Vnde sub hac voce C A P V T, omneis capititis affectus claudimus, & quæ capiti sunt annexa. Sub nomine F E B R I S, omnium febrium genera, & quæ illas comitari solent. Sub D I S T I L L A T I O N E, catarrhum, coryzam, branchum, & defluxus alios. Sub O C V L I S, omnes oculorum affectus & accidentia eorundem. Sub S A N G V I N E, quamuisilli us excretionem, & à quacunque parte, ac quidquid ex sanguine predet, præter hæmorrhoides, muliebres menseis, & vterinos affectus, propriis locis adnotatos. Sic sub V R I N A, omnia quæ circa lotium contingunt includimus: & ita de aliis. Posterius quod te etiam scire vehementer cupio, est, ne locis multis nimium cōfidas & innitaris adnotatiūculis quæ sparsim singulis paginarum marginibus inferuntur: & his maximè quæ cadunt ad initia & fines earundem. Nam quod paginæ sequentis, aut præcedentis esse debet, sibi quandoque falso adscribunt. Quod mea vnius culpa, & nō Typographi errore aut incuria, factum agnosco: qui exemplar meum integris foliis, iisque magnis descriptum, & adnotatiūculis, quales hic sunt, adornatum, illi quadruplato folio & octipartito, vt vides, excudendum commisi. Ex quo contigit, vt singula propriis lo-

cis appositè respondere nequiuierint. Addam
quòd in tanta morborum nomenclatura, & tam
vasto affectuum pelago, sese seriatim consequé-
tium, totis quādoque lineis duabus & tribus, or-
do certus præscribi nō potuit. Ut vt sit, Indicem
ita suis numeris & paginis concordem tibi feci-
mus, vt nihil sit quod possis conqueri. Sed tota
quandoque pagina tibi percurrēda erit: propter-
ea quòd bis nonnunquam, & ter, morbus idem
cum suis remediis in illa variè proponitur, & va-
riis modis explicatur. Hęc de Indice nosographo
satis, cui alium subtexere poteramus varias rerū
diuersarum historias, & narrationes pulcherri-
mas complectentem, quæ passim in hoc Hortu-
lo inter legendum occurrent, nisi Medici inscrip-
tio, quā vbique præ se fert, nos opportunè ad-
monuisset, medica duntaxat in Indice describen-
da esse. Habes, amicissime Lector, quæ te scire
maximoperè cupiebam: fruere, si potes, labori-
bus nostris, & nos ex animo amare perge.

INDEX ET NOMENCLATVRA

Morborum, quibus certa remedia præscribit Hortus iste medicus. Paginas singuli numeri designant.

A

- Angina seu cynanche*, 49.
64. 73. 115. 128. 143.
204. 224.
A *Bscessus siue apostema*,
40. 125. 178.
Abortus, 136. 182.
Aculei, 92. 150. 164.
Alarum graueolentia, 108.
109. 133.
Albugo, 92.
Algores, 148. 164. 234.
Alopecia, 51. 239. 245.
249.
Aluus & aluifluor, 3. 6. 17.
29. 31. 32. 33. 36. 38. 45.
97. 98. 99. 105. 112. 114.
118. 162. 163. 172. 176.
195. 199. 203. 204.
208. 210. 211. 221. 222.
252.
Ambustio & ambusta, 11.
20. 31. 34. 53. 86. 99.
120. 121. 167. 183. 204.
Attritiones, 145. 146.
Aures, 31. 49. 50. 65. 73.
75. 82. 87. 97. 118. 142.

Anus, 118. 127. 163. 226.
Vide pro reliquis, Sedes.

Appetentia, 34. 62. 72.
83. 87. 147.

Aqua serofæ, 135. 145. 177.
187.

Ardor, 11. 165. *Vide etiam Febris.*

Arteria, 15. 128. 241.
Arthritis, 13. 16. 87. 157.
164. 169. 188. *Vide Podagra & Articuli.*

Articuli, 124. 184. 188.
Asthma, 5. 63. 74. 86. 135.
167. 183. *Vide Suspiria.*
Atrophia, 166.

Attritiones, 145. 146.
Aures, 31. 49. 50. 65. 73.
75. 82. 87. 97. 118. 142.

INDEX MEDICVS.

143. 145. 147. 151. 154. 135. 140. 147. 151. 208.
168. 177. 179. 181. 232. 249. 252.

B

Carbunculus, 16. 167. 239.

BArba, 149.

242.

Bilis atra, 14. 90. 128.
216. *vide Melancholia*.

Cardiaci et Cor, 14. 40. 116.

Bilis flava, 65. 87. 112. 116.
126. 135. 146. 177. 187.
200. 202. 216. 218.
246. *vide Cholera*.

Cerebrum, 74. 77. 86. 95.

Cicatrices, 64. 231.

Clavi pedum, 97. 120. 134.
Cœliaci, 35. 83. 112. 137.
167. 194. 204.

Boleti, 15. 193.

Cholera, 6. 33. 40. 105. 112.

Bubones, 36.

194. *vide Bilis flava*.

C

Coitus, 76. 148. 157.

CAlculus, 22. 23. 41.
62. 68. 75. 105. 163.
171. 173. 178. 181. 183.
199. 202. 210. 233. 245.
vide Renes.

Colicus dolor, 24. 41. 47.

64. 68. 99. 156. 164. 178.

188. 226.

Conceptio, 58. 70. 176.

Concoctio, 57. 74. 87.

Condylomata, 178. 226.

Contusa, 13. 145. 146. 184.

Conuulsa, 78. 95. 133.

Coxendix, 75. 88. *vide I-*

chias.

Crapula, 9. 18. 116. 126. *vi-*

de Ebrietas.

Caput, 9. 11. 16. 29. 31. 36.

Cruditas, 142.

44. 50. 60. 83. 90. 92. 93.

114. 118. 128. 133. 134. *Cutis*, 104. 105. 180. 202.

INDEX MEDICVS.

- D**entes, 29.31.36.42.55. *Epiphora*, 49.159. 177.
58.59.66. 73.97. 188.
110.115.134.136.142. *Episthotonus*, 183.
168.173.181.204.205. *Erysipelas*, 21.35.
221.226.233. **F**
Diarrhoea, 191. *Facies*, 110.121.122.
Distillatio, 73.90.93.94. 136.188.219.234.
110.116.128.136.138. *Fascinatio*, 160.
249. *Fastidium cibi*, 35.76. *Vide Nausea*.
Dolor, 135. *Fauces*, 180.241.246.
Dysenteria, 29.35.37.41. 50.71.101.110.112.137. *Febris*, 3.26.28.30.37.39.
167.183.191.194.198. 204.210.222. 40.55.57.60.64.87.
112.116.128.140.147. *Fistulae*, 134.167.174.227.
Dysphœdia, 149. *Flatus*, 24.32.38.41.74.
Dysuria, 41.43.52.76.90. 79.86.90.159.
245. *Vide Vrina*. *Fluxio*, 28.114.137. *Vide Distillatio*.
E *F*
Brietas, 3.9.18.21.22. 144.243. *Flux⁹ muliebris*, 11.36.44.
Elephantiasis, III.169.219. 245. *70.110.114.159.168.*
Empyici, 165.194.232. *Vide Menses*.
Vide Pulmo. **Fœcundi-**

INDEX MEDICVS.

- vœcunditas*, 46. 47. 69. *Halitus*, 26. 133. 147. 154.
Fœtus, 24. 71. 122. 172. 194. 213. 215. 216. 224.
 182. 198. *vide Partus.* *Hepar seu Iecur*, 14. 31. 32.
Fractura, 45. 131. 134. 180. 35. 41. 65. 73. 74. 78.
Fungi, 65. 193. 94. 95. 110. 128. 135.
Furfures, 20. 34. 120. 121. 142. 147. 152. 174. 181.
 232. 245. *vide Porrigo.* 202. 226.
Furunculi, 226.

G
Angræna, 16. 66. 163. *Hydrops*, 50. 59. 73. 76.
 227. 239. 242. 78. 87. 135. 147. 152.
Gargareo, 179.
Generatio, 82. 108. 157. *Hypochondria*, 88.
 175. *vide Conceptio.*
Genitaliū Ulcera. 49. 222.
Gingivæ, 29. 110. 114. 168.
 199. 204. 233.
Gonorrhœa, 3. 109. 114. 133.
 159. 181.
Guttur, 118. 178. 202. 224.
Grauedo, 18. 126.
Grauidæ, 26.

H
Hæmorrhoides, 50. 52.
 115. 121. 136. 205.
Hæmorrhagia, 30.
Hæmoptœ, 5.
- I**
Cterus, 15. 23. 36. 57. 63.
 65. 93. 94. 111. 116.
 128. 143. 146. 147. 174.
 177.
Ignis sacer, 22. 29. 118.
 159. 167. 178. 183. 188.
 232.
Ileosi, 64. 234.
Impetigo, 20. 35. 83. 245.
Inflammatio, 16. 113. 116.
 117. 122. 125. 128. 224.
Inflatio, 24. 41. 94. 156.
 183. 221.

T

INDEX MEDICVS.

- | | | |
|---|---|--|
| <i>Inguina</i> , 143. 159. | <i>Lumbi</i> , 45. 50. 88. 133. 149. | |
| <i>Insania</i> , 183. | 152. | |
| <i>Intertrigines</i> , 52. | <i>Lumbrici</i> , 29. 53. 64. 73. | |
| <i>Ischias</i> , 40. 86. 131. 136.
149. 181. 188. | 87. 151. 172. 208. | |
| <i>Ischuria</i> , 66. | <i>Luxata</i> , 13. 77. 86. 120. 163.
167. 180. 184. | |
| <i>Iuncturae</i> , 188. | <i>Lychenes</i> , 56. 120. 157. 183.
199. 202. 232. | |
| <i>L</i> | | |
| <i>Labia</i> , 30. | <i>M</i> | |
| <i>Lac</i> , 11. 17. 20. 26. 66.
78. 82. 84. 90. 155. | <i>Acule</i> , 51. | |
| <i>Lachrymae</i> , 133. 232. | <i>Malacia</i> , 37. | |
| <i>Lapsus</i> , 178. | <i>Mammæ</i> , 13. 23. 24. 30.
78. 82. 84. 155. 179. 183.
188. 198. 252. | |
| <i>Latera</i> , 16. 71. 88. 152. 164. | <i>Matrix</i> , <i>Vide Vterus</i> . | |
| <i>Lentigo</i> , 56. 64. 104. 134. | <i>Melancholia</i> , 16. 86. 88. 183.
216. <i>Vide Bilis atra</i> . | |
| <i>Lepra</i> , 15. 35. 163. | <i>Memoria</i> , 40. | |
| <i>Lethargus</i> , 50. 76. 163. | <i>Menses & mestrua</i> , 15. 16.
23. 47. 52. 58. 64. 70.
71. 75. 77. 78. 83. 86.
87. 95. 112. 114. 122. | |
| <i>Libido</i> , 26. <i>Vide Venus</i> . | | |
| <i>Lien</i> , <i>sive splen</i> , 14. 15. 16.
32. 73. 74. 95. 110. 120.
121. 124. 133. 134. 135.
143. 163. | 124. 125. 133. 136. 137.
143. 146. 149. 156. 162.
163. 165. 169. 170. 171.
175. 181. 204. 205. 222.
232. 252. | |
| <i>Lingua</i> , 82. 143. | | |
| <i>Lipothymia</i> , 90. 93. | | |
| <i>Lippitudo</i> , 88. 92. 115. 118.
168. 222. | | |
| <i>Linores</i> , 66. | | |

INDEX MEDICVS.

- Morsus canis*, 15.49.50.51. 80.88.94.105.110.118.
54.79.82.120.156.162. 124.126.127.139.144.
168.211.239.241.252. 145.150.151.156.159.
Morsus & ictus venenatorum, 16.43.44.54. 160.168.174.175.177.
59.63.71.120.121.152. 188.202.232.242.249.
155.156.160.181.182. *Ophiasis*, 51.245.
216.229.239. *Oris Ulcera*, 23.115.119.
N *Orthopnoici*, 73.85.133.
164.194.

P

- Nausea*, 35.78.143.183. *Ani*, 178.181.
191. *vide Fastidium*. *Papulae*, 56.
Nephritici, 57.62.68.178. *Paralysis*, 51.95.131. *vide*
228. *vide Renes*. *Resoluti*.
Nerui, 70.87.94.120. *Parotides*, 163.181.226.
171.184. *Paronychia*, 134.
Nomæ, 168. *vide Ulcera*. *Partus*, *vide Puerpera*.
Nutrices, 26.64. *vide Lac*. *Pectus*, 41.76.86.149.
Nyctalopes, 32. 152.162. *vide Thorax*.

O

- Obmutescentia*, 50. *Pedes*, 127.169.203.
Obstructio, 116.147. *Pediculi*, 56.91.
174.208.226. *vide Perfrigerati*, 133.
Hepar. *Peripneumonia*, 73. *vide Pulmo*.
Oculi, 7.15.17.20.24.36. *Perniones*, 31.226.229.
43.52.55.56.57.77.79. *Pestis*, 37.66.93.140.149.

T ij

I N D E X M E D I C V S.

153. 154. 156. 157. 158. *Pulmo*, 14. 40. 44. 60. 74
 170. 208. 216. 218. 219. 75. 78. 86. 90. 135. 152
 228. 240. 243. 164. 226. 244.
Phlegmone, 21. 66. 124. *Purulenta excreatio*, 101.
 179. *Pustulae*, 51. 245.
Phrenesis, 101. *Putredo*, 146.
Phthisis, 167. 247. **R**
Pili, 50. 120. *vide Capilli*.
Pituita, 5. 51. 62. 73. 74. 86.
 105. 135. 183.
Plagæ, 64. 145. *vide Vibices*.
Pleuritis, 73. 126. 192.
Podagra, 21. 30. 36. 88. 124.
 125. 126. 131. 164. 166.
 178. 179. 188.
Polypus, 224. *vide Nares*.
Porrigo, 31. 59. 183. 229. *vide Furfures*.
Præcordia, 14. 118. 133.
Pruritus, 36. 143. 147. 245.
vide Scabies.
Psora, 15. 232.
Puerpera et Partus, 18. 26.
 40. 46. 51. 64. 70. 71.
 75. 82. 84. 86. 91. 92.
 124. 171. 172. 181. 195.
- R** *Abies*, 211. 241. *vide morsus Canis*.
Raucedo, 60. 180. *vide Distillatio*.
Rhagadiæ, 166. *vide Anus & Sedes*.
Renes, 22. 23. 41. 55. 78. 105.
 110. 152. 168. 180. 210.
 244. 246. 247. *vide Calculus*.
Resoluti, 95. *vide Paralyfis*.
Respiratio, 74.
Ructus, 63. 64. *vide Flat^o*.
Ruptura, 178.
- S** *Anguis*, 24. 29. 30. 43.
 45. 46. 47. 63. 72. 81.
 83. 112. 114. 120. 127.
 137. 162. 167. 169. 204.
 205. 222. 227. 231. 232.

I N D E X M E D I C V S.

245. 252.
Scabies, 73. 147.
Secundæ, 24. 40. 57. 71.
86. 95. 122. 124. 171. 172.
176.
Sedis dolor, 115. 124. 198.
vide *Anus & Hemor-*
rhoides.
Singultus, 83. 155.
Siriasis, 98. 106.
Sitis, 29. 103. 112. 128. 184.
218. 246.
Somnus, 3. 4. 116. 128. 133.
144.
Somnia, 17. 29.
Sperma, 17. 79. 106. 157.
159.
Spina, 41. 92.
Sputum, 74.
Sterilitas, 25. vide *Cōceptio*.
Sternutamentum, 77. 90.
133. 135. 136.
Stomachus, 24. 31. 32. 41.
43. 72. 83. 89. 108. 112.
118. 127. 138. 143. 171.
191. 195. 200. 222. 246.
247. vide *Ventriculus*.
- Stranguria*, 13. 41. 171. 176.
Strumæ, 36. 131. 135. 155.
164. 167. 168. 181.
Sudor, 120. 162. 171.
Suffocatio, 204. 239.
Suggillata, 23. 55. 66. 73.
77. 78. 143. 239. 242.
Suppuratio, 37. 120. 163.
Surditas, 14. 60. 176.
Suspiria, 60. 63. 73. 85.
127.
Syncope, 101.
- T*
- Tensio*, 135.
Testes, 71. 82. 88. 121.
157.
Tenesmus, 60. 183. 239.
Thorax, 45. 74. 75. 86. 89.
126. 128. 131. 133. 135.
142. 146. 149. 177. vide
Pectus.
Tonsillæ, 29. 178. 198.
199. 204. 222. 239. vide
Angina.
Tormina, 24. 33. 76. 78.
112. 133. 198. 222. 226.
234. 239. vide *Dy-*
T ij

INDEX MEDICVS.

- Senteria.* *Ventriculus*, 16.30.35.76.
Tremor, 70. 78.95. 97. 142. 144.
Tristitia, 90. 145.147.164.172.199.
Tubercula, 50.163. 221. 226. 252. *Vide Stomachus*,
Tumor, 13.16.24.37.77. 78.79.135.167.232.
Tusis, 40.44.49.56.60. 147.157.170. *Vide Lubrici*.
 63.71.73.86.92.93. 101.127.133.135.149.
 152.164.183.202.225. 247.249. *Vide Distillatio*.
V
Varii, 110.188.219.245.
Varices, 178.
Venena, 57. 63. 66. 143.
 148. 149. 152. 153. 156.
 157.160.162.182.183.
 184.194.213.215.228.
 234.
Venus, 3.29.41.60.76.
 84.90.92.101.106.
 108.109.150.159.163.
 182.252.
Venter, 5.31.33.41.47.78.
 90.94.164.177.180.
 182.191.202.222.234.
Vermes, 30.32.56.71.83.
 147.157.170. *Vide Lubrici*.
Verrucae, 86.90.134.177.
 226.
Vesica, 66.75.87.101.110.
 168.180.182.246.247.
Veterinus, 75.
Vibices, 64.239.
Vigiliae, 11.
Vinum, 19.21.33.37.48.
 67.93.
Virile membrum, 71.79.
Viscera, 74.116.135.
Visus, 16. 87. 175. *Vide Oculi*.
Vitiligo, 49.105.120.157.
 219.
Vlceræ, 13.16.31.44.49.
 64.66.71.110.120.121.
 124.126.134.143.155.
 162.163.165.167.168.

I N D E X M E D I C V S.

174. 175. 177. 178. 71. 73. 77. 95. 119. 120.
204. 224. 231. 232. 121. 124. 126. 133. 135.
Vmbilicus, 29. 137. 145. 156. 165. 168.
Vngues, 233. 171. 172. 182. 198. 245.
Vomitus, 33. 62. 83. 105. *Vulnera*, 24. 99. 30. 46.
112. 138. 155. 164. 191. 58. 71. 81. 99. 110. 120.
195. 222. 234. 127. 131. 143. 168. 180.
Vox, 15. 45. 182. 184. 204. 205.
Vrina, 22. 24. 31. 41. 42. *Vulua*, 32. 41. 46. 47. 64.
46. 55. 57. 60. 66. 75. 71. 108. 120. 122. 124.
78. 86. 87. 90. 101. 105. 145. 149. 157. 163. 171.
106. 108. 109. 110. 142. 182. 198. 222.
163. 164. 171. 173. 181. *Vvula*, 15. 116. 163. 164.
188. 195. 221. 233. 247. 198. 199. 204. 222.
Vterus, 24. 40. 46. 58.

F I N I S.

